

*image
not
available*







EXERCITATIONUM 1774. M. 43

PARADOXICARUM

ADVERSUS

ARISTOTELEOS

LIBER ALTER:

In quo

DIALECTICAE

ARISTOTELEAE

Fundamenta excutuntur.

Biblioth. Scholar, Auctore *Petr. I. Pantalis*

PETRO GASSENDI

Regio PARISIIS Matheseos Professore.



Cui ob similitudinem argumenti adiungitur IO: DE LAUNOY Tractatus, in quo
doctrinarum Peripateticarum errores demonstrantur.



HAGÆ-COMITUM

Apud ADRIANUM VLACQ.

M. DC. LIX.

Ex Lib. Alph. Boell.

INDEX

EXERCITATIONVM LIBRI SECVNDI.

- EXERCITATIO I. *Quod nulla sit necessitas, usitataque Dialectica.* Pag. 1.
- EXERCITATIO II. *Quod in Universalibus seu Prædicabilibus tradendis variè peccetur.* 22.
- EXERCITATIO III. *Quod ineptè decem Categoriæ, at Rerum Classes distinguantur.* 41.
- EXERCITATIO IV. *Quod futiliter multa proponantur de Propositionibus* 65.
- EXERCITATIO V. *Quod Demonstratio non existet qualis vulgo depingitur.* 84.
- EXERCITATIO VI. *Quod nulla sit scientia & maximè Aristotelea* 101.

EXER-

*B. Augustinus Libro de unico Baptismate contra
Petilianum Cap 1.*

Prima invidia est, quod ventilatur in publico res secreta. Taceant ergo, qui hoc fieri debere non putant.



EXERCITATIONUM
PARADOXICARVM
LIBER ALTER.

In quo


DIALECTICAE
ARISTOTELEÆ

Fundamenta excutiuntur.



EXERCITATIO I.

Quòd nulla sit necessitas, utilisque Dialectica.

UM duplex vulgò distingui Dialectica
soleat; *Naturalis* una, *Artificialis* altera;
de *Naturali* hic non loquimur. quæ ni-
hilest aliud, quàm ipsamet *Ratio*, vel
ingenita illa *Intellectus* vis & energia,
quâ *rationinamur*, & *discurrimus*. Ec-
quisenim citra inditam *rationinandi* fa-
cultatem *rationinari* valeat? *Lis* ergo
tota intenditur de sola *Artificiali*, seu de
bella ista *Arte*, quam ubi quis calluerit,
appellatur *Dialecticus*. At principio quidem cum non negem ob-
servationem aliquid juvare, & prodesse si quis *inexpertus* admo-
neatur

A

neatur illius præcepti, *Generalia generaliter, & primò esse ponenda*, paucorumque similium. Attamen cum tantam videamus esse naturæ solertiam, ut quisque facile, per se, & sine observatione præstet quidquid necessarium est (neque id mirum cum & observatio sit ijs, quæ à natura præstantur, posterior;) cum videre item liceat, ex quo janua aperitur ratiocinandi artificio, illud ita insollescere, ut in non minus inutilem, quam difficilem, ipsamque adeò immensam legerem excresecat, neque unquam confingendorum, intricandorumque præceptorum finis sit; ea causa est, cur tueri illam Naturæ præstantiam contra hæc Dialecticæ Artis quasi præstigias aggrediamur. Quanquam etiam si quis fuerit paucissimis illis regulis contentus, quæ paucissimis verbis comprehendendi possunt, absit ut illum deterreamus; siquidem quamvis illæ possent videri cupiam inutiles (cum nocere tamen non possint) nullam sanè creant temporis jacturam, cujus poenitendum sit. Disputamus igitur potiùs contra fastuosam istam Artem, cui adipiscendæ tot menses, imò & à plerisque tot annos collocari conspiciamus. Quod si ex hujus everfione quodlibet aliud quoque artificium, quamvis minutum concidat, reprehensio tota, si quæ sit, penes momenta earum rationum, quæ afferentur erit expendenda. Id solum adhuc præmoneo, cum duobus modis aliquid dicatur esse necessarium, uno prorsus & omnimodè, seu ut loquuntur, *ad esse simpliciter, & absolute* (quod quidem necessarium propriè dicitur) altero non prorsus nec omninò, sed ut loquuntur *ad melius esse, & secundum quid* (quod utile etiam magis propriè dicitur) præmoneo, inquam, futurum ut pateret liberrimus campus, si demonstrandum assumeremus Dialecticam non esse prorsus & absolute necessariam. Verumtamen quia nonnulli sunt etiam ex Aristotelis, qui rigidam illam necessitatem non exigant, idcirco agendum potissimum est quod spectat ad posterius genus, seu ostendendum nequidem esse Dialecticam utilem, cum & si utcumque istud evicerimus tantò magis necessarium sit, necessitas illa absoluta corruat.

- II. Ut igitur exordiamur, Dialectices usum melius, & dilucidius explicari posse non video, quam à Cicerone duobus in locis expositum sit. Siquidem in Tusculanis Dialecticam docet esse, *quæ*

rem

rem definit, genera dispersit, sequentia adiungit, perfecta concludit, vera & falsa diiudicat, disserendi ratio & scientia. In Bruto autem, qua docet rem tribuere in partes, latentem explicare definiendo, obscuram explanare interpretando; ambiguam primum videre, deinde distinguere, postremo habere regulam qua vera & falsa iudicentur, & que quibus propositis sint, qua non sint consequentia. Unum solum his locis demiror prætermisum esse munus (idque ut videtur Dialectices præcipuum) videlicet tradere instrumentum inveniendi; siquidem omnia enumerata spectare videntur ad iudicandi Methodum (commendat tamen in Topicis) Ut cumque sit omnia seu præcipua Dialectices officia sunt; Primum spectat illud, rem obscuram explanare interpretando. Secundò dividere, quo revocare possumus illud *ambigua videre, & distinguere*. Tertio discernere verum à falso, ex quo non raro veri & falsi disceptatrix describitur. Quarto docere quomodo unum sequatur, vel non sequatur, ex alio, ad quod pertinet artificium & texendi argumenta, & retexendi Sophismata. Quintò argumenta ad quæstionem omnem accomodata invenire, de quibus omnibus plurima sigillatim occurrent dicenda sequentibus Exercitationibus. Aliqua tamen hoc loco prætermitti nequeunt, quòd alia ratione non possit difficultas præsens expediri. Siquidem Aristotelei, dum artis hujus necessitatem, vel summam certè utilitatem circa scientias exaggerant, probant præsertim ex eo, quòd quisque artifex expeditior sit ad opus suum peragendum cum parata habet instrumenta, quàm cum illis destituitur. Sic enim cum instrumenta, seu ut D. Augustinus loquitur, *machinamenta* sciendi sint definitio, divisio, &c. contendunt quemque tanto esse expeditiorem ad aliquam scientiam, quanto perfectius calluerit artem definiendi, dividendi, & similia, quæ ex officio proprio præparantur, suppeditanturque à Dialectica.

Lib. 2.
de ord.
cap. 13.

Quamobrem ut aliquid primò de Definitione dicamus, per quæ debet mihi alicujus rei scientiam appetenti Dialectica explanare illius naturam, seu explicare quid ipsa res sit. Quæso imprimis quid ab hoc mihi Dialectica conferat? velim exempli gratià inclarescat mihi quid sit Sol, res omnium illustrissima; putas mihi Dialectica lucernam accendet, qua illum pervideam? gratias profecto habeo naturæ, quæ mihi sensus tribuerit, quibus ipsius splen-

III.

dorem, calorem, figuram, magnitudinem, cæteraque adjuncta percipiam. Quod autem Dialectica ad ipsissimam quoque ipsius substantiam perducatur, ne Eudoxo quidem sperandum, & optandum fuerit. Et certe quasnam admovebit Dialectica scalas, quibus non dico ad Solis, sed vel ad pulicis naturam pernoscendam evehat? ipsius-ne est naturas rerum perscrutari, reperire, & consequenter, declarare, & non potius Physicæ, scientiarumque cæterarum! si verò fuerit, nonne uni erit incumbendum Dialecticæ, cæteræ verò scientiæ negligende? Dices proprium quidem esse aliarum Scientiarum pervestigare naturas rerum; at Dialecticam tamen esse illis ut canem sagacem & venaticum. Sed quonam olfactu Dialectica pollet, ut latentem rei naturam suboderetur, & retegat? Quod ad summum poterit præstare, insuffrabit, ut perquiras rei genus & differentiam. Istud autem quàm vānū sit suo loco declarabitur. Interea verò si nihil aliud Dialectica confert, hoccinè est quod pollicebatur? Naturam ergo non aperit, sed solum perindè facit ac ille, qui inventionem Thesauri pollicitus, quære, inquit, ubi delitescat, & illud invenies? Quid enim est aliud quærendum alicujus rei genus & differentiam, ut natura ejus innotescat. Si genus & differentia continent rei naturam, expectabam illa indicares, non verò me sic luderet. At, inquires, nonne satis est à Dialectica præmoneri illa esse inquirenda, ut rei naturam possis assequi? Ita-ne hoc satis est? at tu Dialecticam jactabas, quæ rem mihi definiret, non quæ ad partes definitionis investigandas me remitteret. Dices Dialecticam hortari ut inquiram id, quod est commune cum ipsi rei, tum aliis similibus; deinceps autem communia quæque ut falce rescindens enitar assequi id, quod est ipsi maxime proprium: sic enim potero habere & genus & differentiam. Verum hoc totum perindè est, nihilque exinde promoveor; nimirum hoc eram facturus accingens me ad acquirendam alicujus rei notitiam; nemòque est, qui cognoscere aliquid desiderans, cum quod vocas genus statim pateat, non inquirat quidquid est ipsi maxime peculiare. Non vocabit quidem fortasse genus & differentiam nisi fortè didicerit ita esse appellanda: at dummodò res teneat, quid interest istone, an illo modo appellentur? nisi fortè apud Indos putas nullam esse cognitionem rerum, quod istam Dialecticam,

leſticam, & hæc ipſa vocabula neſciant. Diſtat, inquis, Dialeſtica,
 imò diſtat communis ſenſus, retexendas eſſe alicujus rei & partes,
 & affectiones omnes, ut quantum fieri poteſt intimè natura ejus
 pervideatur, & tum ſi quæras quid res ſit, ipſe eſt communis ſen-
 ſus qui verba ſuppeditat cuilibet etiam ruſtico, quibus illam aper-
 tam faciat, æquivalentibus ſcilicet generi, ac differentiz. Quæ-
 ſivi millies etiam ex pueris, & ruricolis quid hoc, aut illud vocita-
 rent; nunquam contigit qui oppoſitam deſcriptionem acciperem
 pro notitia, & captu cujuſque. Et periculum quiſque facito:
 rem ita eſſe comperies: Quod ſi quempiam in aliquo deficere con-
 tingerit, cauſam eſſe deprehendes non quod ignoret Dialeſticam; ſed
 quod rem ſaris non habeat perſpectam. Caterum enim ſi clarè per-
 cipiât, diſpeream, niſi illam tibi faciat apertiſſimam. Hinc con-
 ſule Politicum virum de regimine Reipublicæ, in qua diu verſatus
 eſt; conſule mercatorem de rebus ad negotium ſuum pertinentibus;
 conſule agricolam de agricultura; conſule quotquot uno verbo vo-
 lueris artificeſ, qui neque tamen Dialeſticam, neque genus illud
 tuum, differentiamque noverint. Deum immortalem! quam
 egregias plurimarum rerum diſtinctiones audies? Putaſ-ne verò ut
 haſ, aut illaſ res cognoscere, debuiffe illoſ prænoscere quid eſ-
 ſet genus aut differentia? Ô te ineptum & ridiculum! niſi verò ex-
 iſtimaſ te, qui noſti genus eſſe id, quod de pluribus ſpecie diſſe-
 rentibus in quid prædicatur, & differentiam id, quod in quale
 quid; ſcire melius conſequenter poſſe, quæ ſit natura ignis, vel
 auri, quàm Chymicus illorum ignarus, qui totos tamen & annos
 & nummoſ circa haſ res impenderit. Verùm, inquires, ubi quiſ-
 piam erit aſſequutus naturæ notitiam, tum illam melius definiet.
 Dialeſticeſ peritus, quàm expertus. Attamen quæſo quid hoc faci-
 et ad ipſam rei habendam notitiam, quæ jam acquiſita eſt? Occur-
 rere potiùs Dialeſtica debuit cùm res adhuc ignoraretur, at cùm
 jam detecta eſt, quid circa illam aliud, quàm nugatur. Dices at
 ſaltem conferet ut alium eandem rem doceat: Verùm attende &
 pervidibiſ ſi rem clarè doceat, non habere hoc à Dialeſtica, ſed ab
 evidente notitia; quiſque enim rem unamquamque tantò expli-
 cat apertiùs, quantò clariùs intelligit. Ecquiſ porrò noſtrum
 eſt, qui navigationem explicari ſibi non malit, ab eo qui oram a-
 liquam

liquam sæpius perlustravit, quàm ab eo, qui navis, qui maris, qui cursus, qui similibus genera & differentias longa serie, ac ad amussim Dialecticam texuerit. Hinc ad habendam rerum notitiam instrumenta reputa studiosam experientiam, aut viri illarum exercitissimi fidelem erudicionem; cum siquidem præclaræ isti Dialecticæ confideris, nihilo evadas instructior. Quòd si quando te exactiorem, paratioremque ad rem quamque explicandam deprehenderis, scito id assuetudini, observationique sedulæ oppositarum, & utilium vocum; non autem Dialecticæ, vel jejunis ejus, ac paucis præceptis esse referendum. Verùm de Definitione, ejusque inutilitate plura longè inferius.

IV.

Nunc ut etiam de Divisione, seu partitione quidpiam attingamus, illa vel rei, vel vocis est. Et vocis quidem in propria significata divisionem perspicuum est pertinere ad Grammaticam, vel eas artes, quarum sunt hujusmodi significata. Esto enim vox ambigua, & multa significans *Taurus*. Est ne proprium Dialecticæ explicare, quam multimoda sit illius usurpatio & non potius Grammaticæ vel Polylogiæ, quæ varia in varijs locis, & apud varios Authores significata observaverit? Res ut opinor, in confesso est, neque multis exaggeranda. Dici autem ad summum potest præmonere Dialecticam, ut ambiguarum voces distinguantur; ad quid est opus ejusmodi præmonitione Dialectica, cum quæ natura infervit cuique cognoscendi veri appetitum, ingenuerit etiam odium, fugamque ambiguitatis. Ut taceam & hoc nihil esse, & non esse saltem id, cujus in gratiam Dialecticæ tam multæ sunt pollicitationes. Sed veniamus ad ipsas res, quas eadem Dialectica se parturam profitetur. Quæso te, quomodo in parteis, formalve appofitas tribuet? Quid enim? ipsa-ne est, quæ res omneis introspectas habeat, quamque nulla omnium rerum pars ad ipsas usque Atomos lateat? Distribuendus sit verbi causâ homo in parteis suas componenteis; ita-ne insanies ut id potius à Dialectico, quàm ab Anatomico exigas? Distribuendus sit exercitus in cohortes & stationes; expectabis id à Dialectico potiusquàm ab Imperatore? Quidnam commune habet cum istis, cæterisque Dialectica? Crede mihi, ejus est, qui perspectam rem aliquam habet sic illam partiri, ut docet; non vero Dialectici, qui præter voces aliquas aridulas

dulas nihil habet in censu. Ubinam certè, aut quomodo docebit me Dialectica dividendum esse Cælum in has plagas, domos, aut constellationes, in hos circulos, gradus, aut minuta, atque ita de cæteris? Ubinam aut quomodo partitendam Rempublicam in tot Provincias, ordines, munera & similia? Quod si id nec docet, nec potest docere, cur ejus proprium esse dicitur distribuere & partiri convenienter omnia? Dices quidem Dialecticam ex munere proprio non partiri omnia, sed hortari tantum ut cum partitio instituenda erit, resolvatur totum in partes proprias, proximas, omnes. At quisnam id non fuerit sine illa ejusmodi exhortatione facturus? putas ergo cum faber murarius, designaturus est domum, Dialectico aliquo, indiget præmonitore ut omnia membra aptè describat? Existimas horologionomum nisi calluerit Dialecticam non posse tibi concinnè & ex ordine demonstrare partes horologii? At, inquis, Dialectica ostendit quemadmodum sit instituenda divisio; ut cum totum actuale est, ponendum sit totum in genitivo singulari hoc modo: Hominis alia pars est corpus, alia anima; vel alia caput, alia crus. Cum verò totum est potentiale seu universale collocandum sit in genitivo plurali hoc modo: Animalium aliud volat, aliud natat, aliud repit, aliud graditur; vel aliud rationale est, & aliud irrationale. Sed quid dicis? Docet hoc Dialectica? imò docet hoc communis, & protritrus loquendi usus. Ecquis enim alio modo, vel non cogitans, divisionem institueret? Existimaram Dialecticam me in partium omnium commissuras fuisse ducturam; ecce autem nihil aliud præstat, quam quod vel nutrix docere potuit, vel quod ad summum est potius exigendum ex Grammatica. Porro cum divisio, sive Methodica dispositio summam laudem habeat, & in tradendis Disciplinis, & in instituendis Oratoris actionibus, cogita quemadmodum utrumque dependeat non ex Dialectica ulla præceptione; sed ex perfecta rei docendæ, aut perorandæ perceptione; siquidem tuum adhibitum naturale iudicium mille præpoller regulis. Hinc est quod isti coacti sunt recurrere tandem ad Methodum quandam Prudentiæ, quia scilicet nulla est ars naturali iudicio, prudentia-ve certior. Certè verò quot sunt Geometræ, qui sine ulla Dialectica Arte, & discurrunt & optimè docent varietatē angulorum, figurarum, seu artificium dimetiendi sublimia, depressa, obliqua,

&c

& alia id genus? Quot sunt Oratores, quibus nulla unquam fuit Dialecticæ cura, qui tamen de bello gerendo, de pace ineunda, ac similibus optimè verba faciunt, enumeratis ex ordine omnibus auxiliis, defectibus, commodis, incommodis, alijsque id genus; adeò proinde ut si sedulò, appositèque velis, quæ sint generis alicujus species, vel totius membra, non Dialectica spectanda, sed res introspectienda sit; hac enim ratione te oratio & dinumeratio sanè non invita sequetur.

- V. Sequitur illa de discernendo verum & falsum promissio, quæ ferenda tamen tanto minùs est, quanto magis appetitui cognoscendi verum hoc quasi illicio imponitur. Sanè enim ecquænam est beata ista & immortalis, quæ eò nos deferat, quò mortalium omnium sapientissimi perungere nunquam potuerunt? sed hæc querelæ postea. Dispiciamus interea quid sit quod ad detegendam rerum veritatem Dialectica conferat? nosse volo exempli causâ verum ne an falsum sit consonantiam, quam vocant *Diapason* in proportionem duplâ consistere, quoniam adminiculo Dialectica mihi id discernet? Verum-ne an falsum sit Monarchicum regimen cæteris Reipublicæ formis esse præstantiorem, quomodo tandem id manifestabit? An-non tu me ad Musicos, Politicos, cæterosque artifices potiusquam ad Dialecticos, dum talium propositio-num veritatem exquiro, remittes? Quid enim? alia-ne ars quàm Geometria docebit me verum esse omne Triangulum habere tres angulos pares duobus rectis; falsum esse Quadratum lateris angulum rectum subtendentis minorem esse duobus Quadratis includentium laterum? Dialectica-ne habet ullam Regulam, qua in his rebus verum à falso discernere doceat? Quid si quærat an sit sphaera ignis sub concavo Lunæ? tueretur esse Aristoteleus; ego mihi non persuadeo. Non cupio falli si id quidem verum sit, ego lubens assensurus sum; proferat ergo Dialectica suum illud discerniculum, quo veritatem liceat explicari. Sed quid habet Dialectica cum illa ignis existentia, vel non-existentia, commune? Exhibeatur Oraculum; ambigo verum-ne an falsum; adesto heu, O dialectica arcanorum interpretatrix, ecquid habes quo planum facias verum esse, potiusquam falsum? Quid tamen longum facio; cum perspicuum sit, si veritatem aliquarum rerum cognoscere cupio

pio, adeundas esse Artes & Scientias, quæ de illis ex professo tractant, non autem ipsam Dialecticam? neque verò id profectò mirum cum unaquæque profiteatur, & pro fine habeat Veritatem, quatenus nempe subjectum suum ita illustrare contendit, ut appareat cujusmodi sit. Præsentio quid sis responsurus; dices nempe Dialecticam non discernere quidem speciatim hoc verum aut falsum tanquam ex officio, sed tradere tantum quandam generalem methodum, qua scientiæ omnes deinceps utantur, quo valeant ipsa discernere. Hæc nempe est causa cur Dialectica vocetur libra, trutina, & examen Veritatis; cur mensura, iudex, & regula Artium; cur vestibulum, janua, & clavis Scientiarum; cur Sol, fax, & oculus Mentis. Quanta farrago, Meum immortalem! at quæso te bona fide, quænam tandem hæc est methodus? vel ut unum seligam ex tam multis Epithetis, quænam est hæc trutina, quæ verum omne ac falsum castigare liceat? hoc est enim, quod jamdudum quæro, ecquid habes, quod proferas propter pulchra hæc verba? Si diceres experimentum esse trutinam, quæ veritas alicujus rei ponderanda sit, ut sit-ne ignis calidus, an non; Sol lucidus, an tenebrosus? non procul sanè abnuerem; hoc est enim *Iudicorium*, seu ut Græcè dicunt *κρίσιον* quod ex tam multis propositis videtur esse eligendum; at experimentum est sensus, vel facultatis naturalis, non autem Dialecticæ, tuque aliud nobis propinas. Dicis nempe modum sciendi, seu dijudicandi verum esse triplicem, videlicet *Definitionem*, *Divisionem*, *Argumentationem*. Bona verba igitur, si hic quidem sit funiculus triplex, potiusquam triceps Cerberus: imaginari quippe trutinam trilancem, qui liceat? Sed esto: jam est de duobus prioribus dictum, de postremo dicetur mox; adjicio hîc tantum, volo nosse an verum sit Solem esse lapidem candentem, an factum pumiceum? ecquid mihi subsidij præstat Dialectica tota cum formulis suis definiendi. Ecce enim definitio illa Anaxagorea constat genere & differentia; constat & hæc Epicurea. Utraque explicatur verbis perpaucis, & perspicuis; putasne ergo alterutrâ, vel utrâque assequutus sim veram cognitionem naturæ Solaris? desidero scire utrum verum sit omnem animam esse vel Hominis vel Bruti; quonam modo Dialectica id mihi patefaciet per regulas suas dividendi? & maximè cum Stoici divisionem hanc animæ constanter tueantur? si dicant Aristotelem aliter dividere, sit

B

res

res plenior suspicionis. Cum enim normas divisionis utrique sequantur, dubium sit per neutram divisionem verum elici, (maximè verò cum Platonici addant rursus Mundi animam, neque desint, qui putent metalla & lapides vivere) & requiritur saltem Methodus discernendi quænam sit divisionum omnium vera maximè & germana; profeſſò autem Dialectica etſi crepuerit, illam non dabit. Cupio tandem cognoscere utrum vera sit Arriana illa conclusio, Quod Christus dixit se nescire diem judicij; igitur credendum est Christum nescire diem judicii. Quæſo enim an non ista est Dialectica argumentatio? porrò autem ita-ne veritatem affecuturus sum ejusmodi argumentatione, quæ ductura potiùs est in damnatissimam hæreſim? non igitur germani hi sunt veritatis cognoscendæ modi, quando illam vel nihil præmonent vel etiam impediunt. Sed crede mihi unaquæque scientia, ut proprium habet verum cognoscendum; ita proprias habet illius cognoscendæ regulas. Geometria habet suum Quadrantem, Arithmetica calculos, Physica sensum, Theologia revelationem, cæteræque scientiæ alia, ex quibus potiusquam ex ullis Dialecticæ placitis discernendum sit verum à falso. Totum quod Dialectica discernere potest in eo est, utrum per Aristotelem sint tantum quatuor genera Propositionum Modalium, utrum omne B sit C ex eo quodd omne A est C & omne B est A. Utrum suppositiones terminorum ad interpretationem potiùs, quam ad Elenchos pertineant, atque ita de cæteris illis innumeris nugis, quæ intra cancellos asservantur Dialecticæ. In his quidem & de his extolli & gloriari potest: at ulterius contendere, circa veritatem nec debet, nec potest magis quàm futor ultra crepidam. Continere me hic non possum quin hoc caput egregio Ciceronis loco concludam. Is enim quantumlibet alias Dialecticæ plurimum tribuat, ac præsertim Oratoriè ac populariter agens, ecce tamen in Academicis, ubi juxta proprium loquutus est sensum atque institutum, *Dialecticam, inquit, inventam esse dicitis veri & falsi quasi disceptatricem & judicem? Cujus veri & in qua re? In Geometria-ne quid sit verum, aut falsum Dialecticus judicabit? An in literis? an in Musicis? at ea non novit. In Philosophia igitur sol quantus sit? quid ad illum? quod sit summum Bonum? quid habet ut queat judicare? quid igitur judicabit? Quæ conjunctio,*

quæ

que disjunctio vera sit? quid ambigè dictum sit? quid sequatur quamque rem? quid repugnet? si hæc & borum simillima judicat, de ipsa judicat, plus autem pollicebatur: nam hæc quidem judicas ad cæteras res, quæ sunt in Philosophia multæ atque magnæ, non est satis. Tantùm Cicero.

jam quod attinet ad Consequutiones eadem ratio est. Quasi verò tantum sibi arrogare Dialectica debeat, ut ostendere possit quid sequatur, vel non sequatur ex quolibet. Videlicet Dialectici est ex pallore Lunæ colligere sequuturam pluviam; ex symptomate vulnerati cordis sequuturam mortem, ex foedere rupto sequuturum bellum, ex bonis operibus sequuturum Paradisum, atque ita de cæteris? An non vides potiùs unamquamque artem & Scientiam ut propria, ita quæ ex illis consequantur elicere, Dialectica nihil conferre? Dicis cæteras quidem Scientias penes se habere consequutionum materiam; at formas tamen illorum, sive modos argumentandi desumere ex Dialectica. Et profectò si illæ quidem desumere, hoc est si nugari velint, nihil est quod prohibeat; verum tamen nihil indigent. Noverit ecce Astronomus futura mense proximo Luminaria in ipsis nodis, Terra interposita, pronuntiabit statim futuram Eclipsin. An-ne autem ut agnoscat mutuari debet jumentum (dicere volui adjumentum) à Dialectica? an conscendere ut barbarum equum decantatum illud *Barbara*? Dices, at si proponere volet, luculentèrque demonstrare, debet ita dicere; Quandocumque Terra est Soli, ac Lunæ interpositio, Luna paritur deliquium; atqui mense proximo Luna erit Soli, ac Lunæ interposita, ergo mense proximo Luna patietur deliquium. Tum probans *Majorem* dicet, tunc Luna delinquit cum corpus opacum interpositum lumen Solis ipsieripit, sed Terra est opacum corpus, quod interpositum possit lumen Solis eripere, ergo Terrâ interpositâ Luna patitur deliquium. Deinde *Minorem* sic, Quandocumque Sol est in capite, & Luna in cauda Draconis, Terra est ipsis interposita; at proximo mense Sol in capite, Luna erit in cauda Draconis: igitur mense proximo Terra erit Soli, ac Lunæ interposita. Atque ita quidem ille dicet, & longè pluribus adhuc si volet argumentationibus sese explicabit; verum si ita dixerit, proximo mense Luna deficiet; quia quod sint futura in nodis Luminaria, Terra interposita impedit Lunam

à mutatione luminis Solaris, quo claret. Si ita, inquam, dixerit non tam apertè rem demonstraverit quàm farragine illa argumentationum. Testari certè ego possum Viros ingenuos bene multos, quibus situm trium illorum globorum in Lunari deliquio per sphæram offèdendens cùm dixissem tali die futurum hujusmodi situm, illi incunctanter exceperint, tali ergo die Lunam defecturam. Non poterant illi respectare Dialecticas leges, aut formulas argumentandi, qui nequidem noverant an esset, aut quid posset Dialectica: natura igitur duce solum utebantur, quæ ut in hac disciplina, sic in cæteris latis insinuat num quid sequatur ex aliquibus positis, intellectisque principiis sine præsidio Dialectices. Neque enim quantumlibet possis de re, ac materia cujuscumque scientiæ contexere Syllogismos in omnibus figuris & modis, fidem facias propterea Dialecticam esse cuicumque scientiæ necessariam. Nam & sine Syllogismis tradi, excipique possunt, & ne Aristoteles quidem usus est unquam Syllogismis in Physica, Metaphysica, aut qualibet alia, & tu cum per Syllogismos explicare niteris quidquid cæteri artifices dicunt, tam ludis pueriliter, facisque inutiliter, quàm qui pannum sericum, aut chartam albam millies plicans, atque replicans nitatur varias formas exhibere. Vrcumque enim hæ formæ delectent, quid profunt tamen, aut quomodo pannum aut chartam meliorem efficiunt? Verùm de inutilitate artis Syllogisticæ suo infra loco dicetur copiosius. Moneo hîc solum si quis urgeat Galenicum illud argumentum, aut quidlibet sequitur ex quolibet, aut non sequitur; si sequitur, bona igitur erit ista consequutio, Cygnus est albus, Corvus est niger, ergo Erasistratus stultus: si non sequitur, necessaria erit igitur quædam ars, quæ doceat quid non sequatur, vel sequatur ex alio; illa verò Dialectica est. Moneo inquam, responsionem ad hoc argumentum patere ex dictis. Nam neque quidlibet sequitur ex quolibet, neque propterea necessaria est una quædam ars, Dialectica putà, quæ omnes omnium generum consequutiones doceat: necessaria ergo sunt potius artes variæ, quarum unaquæque proprias consequutiones instituat, & tradat: vel inferendum etiam est necessariam perspicaciam quandam Intellectus, non arte Dialectica quæsitam, sed natam, quæ ostendat quomodo unum alteri repugnans, vel consequens sit. Alioquin enim cùm pueri, rustici, imò &

ingenui, sed expertes tamen Dialecticæ viri nullam prorsus ullius rei viderent consequentiam, seu discernere non possent an istud revera sequatur. vel non sequatur ex illo; quod illa scilicet arte destituti sint, cum illi tamen consequi tam multa; adeoque clarè pervideant. Attamen, inquires, Dialectica efflorescit hîc maximè, quod una omnium artium ut texere, sic retexere noverit captiosas, & fallaces consequutiones; adeo ut Dialecticum etiam juvenem difficilius sit quàm vetulum, simiam, aut vulpeculam capere. Ita-ne verò per Herculem dicis? esto igitur ista consequutio, si ex duabus quantitatibus inæqualibus major continuè; ac infinitè minuatur, minor continuè ac infinitè augeatur, transibunt per æqualitatem: atqui ex duobus angulis, altero rectilineo, altero contingentia, ille major potest infinitè minui, hîc minor infinitè augeri, ergo si id fiat evenit, ut transeant per æqualitatem. Vel si lubet, sit hoc argumentum, duæ lineæ rectæ, non parallelæ si infinitè producantur, coibunt tandem qua parte una accedit ad aliam: ergo à fortiori si una tantum sit recta & altera curva si infinitè producantur coibunt, qua parte scilicet curva versus rectam inflectitur. Eligat jam Dialecticus qui teneat ad unguem fallacias omnes, quæ committantur seu in dictione, seu in re, cum artificio retegendi, utramlibet voluerit ex his consequentiis, ac vitium ostendat si possit; sunt enim haud dubiè fallaces. Quod si non possit, quorsum ergo sic inflatur Dialecticus, quasi proprio jure vindicare sibi possit, quod in artibus singulis uniuscujusque proprium est. Sileat ergo Dialectica, quod ad seria spectat; interea verò gloriabunda in his sese ludicris exerceat, omnis Canis latrat, sed quoddam Sidus est Canis, ergo quoddam Sidus latrat. Item, quod non amisisti habes, at cornua non amisisti, ergo cornua habes, Et, quod ego sum, tu non es, at ego sum homo, igitur tu non es homo. Atque ita de cæteris. Siquidem hujus farinæ sunt quæcumque à Dialecticis & contextuntur, & resolvuntur. Et ludicra quidem hæc dixi, imitatus Senecam, qui comparat eadem acetabulis, calculisque præstigiatorum, in quibus fallacia ipsa delectat: *quanquam ista, inquit, nec ignorantem nocent, nec scientem juvant.* Cæterum cum apprimè adeo, quod ille est quæstus de suis temporibus valeat nostris accommodari. cur non hûc quoque transferam. *Pudet me, inquit, in re tam seria, senes ludimus; mus syllaba est.*

est, *mus autem caseum rodit, syllaba ergo caseum rodit. Putas nunc me istud non posse solvere, quod mihi ex ista sententia periculum imminet? quod incommodum? sine dubio verendum est, ne quando si negligentior fuero, caseum liber comedat: nisi forte acutior est illa collectio, mus syllaba est, syllaba autem caseum non rodit, mus ergo caseum non rodit: o pueriles ineptias! in hoc supercilium subduximus? in hoc barbam demisimus? hoc est quod tristes docemus & pallidi? haecenus ille. At, inquis, homines tamen qui verum reperire volunt, edocendi ista sunt, ne argutiis similibus aliquando decipi possint. Quid verò ais? edocendi sunt qui ad verum tendunt, imò qui sese ad pueriles ludos dumtaxat componunt; nam ea quibus veritas est cordi generosa ingenia hisce cavillationibus nihil prorsus commoventur. Et sanè quidem ille qui contextit huiusmodi Sophismata, veritatis causam non facit, ut perspicuum est: At finge quempiam qui ad illum veritatis amore accedat, si viderit illum id solum curare, ut rebus hisce implicet, quidni illum contemnat & fugiat; quidni alium quæreret à quo seria possit edoceri? Verum nisi paratus sim, tu me facile capies? Quid si ergo tuas præsentens argutias nihil planè tibi respondeam? an me capies etiam tacentem? atqui argues me stoliditatis quòd respondere nequeam? Ego verò te coarguam vanitatis simul & malitiæ, qui candidè nolis agere, cum possis, silentioque meo declarabo quàm te floccifaciam. Sed esto cum respondero, victoriam reportes? Egregiam videlicet laudem, spoliaque ampla retuleris, quippe qui me aperto Marte, & cum candore procedentem, contra datas & acceptas leges dolo malo deviceris. Et verò tamen quo in genere certaminis superior fuisti! nimirum in vanis verbis, & cavillis, quorum nemo vir bonus est quem suppedere non debeat. Quanquam qui tibi facile sit reportare victoriam? primum enim si compellam te planum facere quod dices, quonam tandem pervenies? Quæram quid intelligas per has voces, *Taurus*, *Mus*, & similes? cogam mihi explices distinctè quid per singulas propositiones intelligi debeat: tum verò nonne ad manum erit ut te & vanum convincam & ridiculum faciam? Crede mihi omnia ejusmodi machinamenta araneorum tela sunt; neque enim irretiunt nisi culices debiliorum ingeniorum, de quibus triumphare indecorum est; animosiora verò, vel nullo negotio perrumpunt si accesserint, vel ac-*

cedere

cedere etiam prorsus non dignantur. Quod si se interdum implicitos sentiant, tunc quos nodos solvere digitis non possunt, contemptos esse dissecant; nisi quod etiam plerumque succurrit unde par pari referatur, ut cum Philoxeno Dialectico ad Dionysium Tyrannum dicenti, ego te convinco, nimirum verbis, excepit ille, at ego reipsa te, qui tuis relictis, me meaue colas. At roges quid cito? celebratur ecce rusticus, qui Filium ex studiis Dialectices redeuntem, artisque suæ periculum facere volentem, excepit ut debuit, iusserat ipsi ut sex ova sorbilia pararet, duo sibi, duo matri, duo ipsi; apparavit ille solum tria. Roganti Patri cur sex non coxisset, nonne inquit, cocta sunt sex? quomodo tandem, inquit Pater, ego enim video tantum tria? an non, pergit adolescens, ova numerando hæc sunt unum, duo, & tria; porro unum, duo, & tria simul juncta faciunt sex. Tum demum Pater, optime tu quidem fili, ego igitur accipiam duo, Mater tua habebit unum; reliquis tribus tufruere.

De Inventione Argumentorum non est quod multa hæc congeramus; suppositis iis, quæ jam dicta sunt. Etenim paucis liquidò constat non esse Dialectices invenire argumenta ad omnem quæstionem, sed singularum esse scientiarum ad quas quæstiones attinent. Et illicò quidem respondebitur tradere Dialecticam generales locos, ad quos respiciant, qui in aliis scientiis argumentis indigent. Verumtamen putasne Dialecticam unicam adeò esse oculatam, ut prospiciat, ac indigitet quidquid in cæteris est argumentorum, & virium? ut cæteræ excæcata nihil per se videant; ipsa verò tantum possit, quantum junctæ omnes simul? ut cæteris labascant solum, subsitque periculum ne in Epicureum illud decidant inane, nisi illas in oculos suos Dialectica receperit, & in tuto quasi collocarit? videamus ergo Grammaticam exempli causâ quomodo sustentet? Quæritur utrum hæc sit bona & Latina phrasis, Interdico tibi domo mea, ut Grammaticus probet esse quem Dialecticus nutum observabit? dices, opinor, æquid enim aliud? fore ut si Grammaticus percurrerit omnes Dialecticæ locos perveniat tandem ad locum ab authoritate, ex quo admonebitur quærere num Classicus Author ita unquam loquutus sit, si quem verò reperiat, tum sententia illius nitatur ad probandum, quod intenditur. At primum ille quærebat argumentum; exspectabat à Dialectica, quæ pol--

pollicebatur alicujus inventionem; ecce autem Dialectica non suppeditat, sed rursus illum quæsitum remittit. Deinde putas, Grammaticus non erat hoc ipsum facturum inconsultâ Dialecticâ? nonne vel rusticissimus si fuisset illi proposita hujusmodi quæstio, censuisset linguæ Latinæ Auctores esse consulendos? Est ne ullus qui dubitans num aliquid sit Latine dictum, ex solo communi sensu id faciendum esse non provideat? sed rursus proponatur quæstio, Sit ne centrum circuli in altera duarum linearum rectarum, quæ intra ipsum circulum recta se intersecant. Quodnam è Dialecticæ locis erit subsidium Geometræ ut confirmet rem ita esse? Est-ne qui illos percurrat adtexendam hujusmodi, aut similem demonstrationem? remittet quidem Dialectica ad definitionem & circuli, & rectæ, & anguli recti. Remittet ad genus, ad speciem, & antecedens, &c. Colligat miser Geometra dissolutas scopas si possit, disperseat potiusquam semuniciam demonstrationis evertere valeat. Quærat in Physica nam rarefactione acquiratur quantitas, consule autem Dialecticos locos, ecquid, quæso, proficies? Quærat in Medicina num pharmacha irritando, an eligendo purgent, eadem patebit infirmitas. Verum tamen quid Inductione prolixa est opus? Cum si quis attenderit, videat perspicuè probationes, quæ habentur in scientiis, vel ne revocari quidem posse (nisi quis fortè per annum nugetur) ad locos illos Dialecticos, vel si revocari possint, neminem tamen ad illas habendas Dialecticam respicere. Quæso te enim cum se localis hæc Dialectica efferat præsertim in judiciis, quærat an Caius occiderit Mænium; an Tiberius sit ære obstrictus Sempronio? si quis asserat, Author illi Dialecticus erit, ut quærat testes & syngrapha, ut præcedentia, conjuncta, consequuta pervestiget, ut adigat ad iurandum, aliaque similia. Quali verò quispiam adeo hebes sit ut sua Dialectica hæc non sit facturum. Expectabat à te miserille, cui deficiunt testes, qui perdidit chirographum, ut ex divite tuo penu subministrares unde veritati posset fidem facere: Tu verò nihilo minus, quàm venerat, dimittis jejunum. Equidem ut hoc fatear, observata sunt à viris peritis generalia quædam probationum capita, quæ percurri possint, ubi quidpiam confirmandum est. Attamen verò neque illa comprehendunt omnia probati-

probationum genera, quonam enim exempli causâ Theorematibus hujus probationem referes. Numerus planus ductus in planum similem producit quadratum, sicque de aliis sexcentis, nisi fortè cuniculos innumeros suffodias, & tentes, neque nisi pauca accommodari possunt determinatæ materiæ. cedo enim quantâ solertiâ probes, verbi causâ, Dialecticum esse utilem à *definitione*, à *divisione*, à *notatione*, à *genere*, à *forma*, ab *antecedentibus*, à *repugnantibus*, à *majori*, & c. neque ullum denique reperiās virum cordatum, seriatque amantem, qui ali quid probaturus ejusmodi cellas adeat: videlicet bonitas & acumen ingenij, natura & fecunditas materiæ subjectæ, experientia denique & exercitatio suppeditare rationes debent & firmas & appositas. Cæterum enim si quem hosce locos artificiosè retrastantem videas, Deum immortalem! quàm frigida, quàm inconcinna profert?

Atque hæc quidem in præcipua utilitatum capita, quæ Dialecticæ putantur breviter perstrinximus. Specialiùs enim aperire inutilitatem illius farraginis, qua Dialectica tota intricatur *Categorematum*, *Syncategorematum*, *suppositionum*, *ascensuum*, *descensuum*, *ampliationum*, *distractionum*, *restrictionum*, *appellationum*, *statuum*, *equivollentiarum*, *conversionum*, *exponibilium*, *hypotheticorum*, & similibus, quæ sunt infinita, profectò vel admodum inutile est, vel aliquid etiam insequentibus attingetur, vel denique nemo frugi est, ac sanæ mentis, qui tot ineptiarum Artem non derideat, ut derisit sæpe Cicero Dialecticam illam Stoicorum, quos vocat spinas vellentes, & ossa nudantes, tum & Dialecticam à Chrysippo sic memorat scriptam, ut si quis, inquit, obmutescere cupiat, nihil aliud legere debeat. Quamquam, ô bone Cicero! putas qui in istis Dialecticis est eruditus, & exercitatus obmutescere tanquam piscem? ita me Deus adjuvet, ut illius potiùs est loquacitas, & verbositas invidia. Sed nimirum est tantum verborum inutilium seges, nam ad eloquendum & bona & seria nihil est ineptius. Ex quo passim videre est innumeros garrulos è Scholis istis emergentes similes illi Stoico, qui ut est apud Gellium vocabulis haud facile cognitis Syllogismorum, captionumque Dialecticorum laqueis strepebat, *κρετὸν τὰς γκαλῆσας θεωρεῖν*, aliosque id genus gryphos, neminem posse dicens, nisi se dissolvere, donec Herode Attico

ipſius Epiſteti verbis oſtendens id genus Hominum ſe in Theorematis tantum nugalibus, & puerilium Ifagogarum commentationibus oblectantium, neque frugis, neque operæ probæ eſſe, inſolentiſſimus adoleſcens (ſic illum vocat Geilius) obtruncit. Neque vero eſt quod quis putet ejuſmodi rebus acui diſcentium ingenia (ſic enim vulgò dici audimus) adeò ut ipſis intellectis cum ſint ſpinofæ, ac difficiles, promptiores fiant ad ea capeſcenda, quæ faciliora, ac planiora ſunt. Etenim cum humanum Ingenium non poſſit nihi non agere, verum quidem eſt quod exiſtis aſſequetur aliquid, ſed nimirum ut fœcundum ſolum non reddit ex ſemine parvo, niſi malam frugem, ſic ingenium natum ad magna, ubi iſtis imbuitur, ad aliud nihil quàm ad rixas, contentiones, moroſitates præparantur. Quemobrem ſic habe, iſta ingenium non acuerè, ſed cogere ut ſylveſcat: neque verum ipſum præmovere, ſed potius ita frangere, ut magno deinde labore ſit opus, quo ſemel ita debilitatum ad res præclaras attollatur. Exinde enim perpetuo ſunt opinioſiſſimi homines, quemadmodum M. Tullius vocat Dialecticorum Principes Antipatrum & Archidemum, vel certè viri facti cum ſumus magnà curâ enitendum eſt, ut tortuoſa facta mens in rectitudinem aſſeratur. Niſi fortaiſis mirari licet naturæ benignitatem, quæ pleroſque omnes ita dedocet ejuſmodi nugas dum negligere & obliviſci voluerint, neque illis perpetuo teneri, ut demum ſe illas vidiffe vel per ſomnium vix imaginentur. Quo ſanè loco magis demiror, cum hæc non modo dediſcamus, verum quoad uſum proſus relinquamus in ipſo Scholæ limine, ecquis enim extra vel meminit, vel utitur aut in bonis Artibus capeſcendis, aut in cauſis perorandis, aut in ægrotis curandis, aut in populis exhortandis, aut in Legationibus fugendis, aut univerſe in agendis rebus huiusmodi ambagibus ſuppoſitionum, converſionum, & ſimilium. Quid dico? imò quis eſt inter argutiſſimos diſputantes, qui meminiffe poſſit, ac præſertim in fervore certaminis myſteriorum artificioſorum, quæ vel illo uno incluſerunt carmine,

Phæbifer axis obit Terras, athramque quot annis?

Demiror, inquam, cur vix ullus ſit, qui non ſuos oculos ſcincinæ malit, quàm agnoſcere tandem, ac fateri inutilem eſſe

ar-

artem, quæ nullius usus sit, cur ne adolescentes ingenuos ita compellamus contere tempus, ac ea discere in Scholis, quæ egressis nihil profutura sint; quæ verò ejusmodi ætas sic parvipendi debeat, ut in rebus nihili per multos menses sit occupanda? sed nimirum ita sit, traditus per manus error abit in exemplum, & quia res non intelliguntur, vel habentur difficiles, idcirco & habentur in pretio, & creduntur scitu necessariæ, perinde ac si eadem futilia, & operosa esse nequeant, juxta illud

Na iste magno conatu magnas nugæ dixerit, adeo ut possit & hoc illud maximè convenire

Turpe 'St difficiles habere nugæ

Et stultus labor est ineptiarum.

Verum enodando hoc loco superest objectio superius proposita de instrumentis artifice ut expeditior sit ad opus peragendum necessariis. Paucis itaque respondeo expeditiorem quidem reddi artificem ad operandum cum instrumenta ad manum habet, quam cum illis destituitur. Nego tamen instrumenta quibus ad Scientiam comparandum instructus quis esse debeat; esse istas Dialecticas, Dialecticorumve ineptias. Quid ergo, inquires, nulla-ne sunt? fateor aliqua quidem sunt, verum ex Dialectica ista non petenda, atque ut aperiā quid sentio, existimo instrumenta ad sciendum esse primo faciem Mentis naturam, nisi hæc enim snppeditet ingenium solers, judicium maturum, & memoriam firmam, frustra quis ad scientiam contendat. Secundo voluntatem bonam, quæ scilicet impigrum ad laborem faciat, quæ difficultates vincat, quæ quantum natura patitur humana absque regressu ullo progrediat. Nisi enim hæc vigeat frustrà eximæ illæ dotes Intellectus emineant. Tercio corpus temperate sanum, hoc enim si variis morbis, doloribusque divexetur, parum profint cætera. Quarto copiam rerum externarum, ut scilicet quantum fieri potest quispian victu, vestitu, cæterisque non indigeat, ne in illis comparandis locet tempus & operam, quæ studiis foret impendenda. Et si enim aliqui, ut Cleanthes utrumque præsent, nemo tamen negaverit, quin scientiæ dumtaxat vacando, evasuri adhuc illustriores sint, cum & constet quam emergant difficile, quibus domus res est angusta. Quinto fidelem & doctum Magistrum, esse enim

C 2

nim

enim aliqui *autodidactos* celebrentur, constat nihilominus quanto compendio præunte ductore pervenire eò liceat, quò quæ via ducat, ignores. Sextò organa propria uniuscujusque disciplinæ, ut enim libros reticeam, quorum quam sit utilis usus, nemo est, qui non videat, cùm ij sint quasi muti præceptores, vix aliqua scientia, quæ ad facienda experimenta multis non indigeat? Eger Geometria pulvere ac Radio, Astronomia Organis, ut alis, atque ita de cæteris. Hæc itaque ego existimo esse instrumenta ad scientias parandas utilia, atque necessaria, non frivola illa commenta, delirique Dialecticorum. Heinc etiam cum vulgò obijcitur illud Aristotelem, *absurdum esse simul scientiam & modum sciendi querere*. Si per modum sciendi intelligat quæ videntur ex his necessaria, subscribam: Debet enim, exempli causâ, cuiuspiam provideri de Magistro, de libro, de charta & calamo, quæ ad ludum literarium: de Regula, de circino priusquam ad Geometriam mittatur. At si per modum Dialecticas hæc quilibet intelligat, ibo planè inficias. Et certè quis non videat pulcherrimas omnium scientiarum, ac plerumque etiam difficiles valde Mathematicas non absurdè quæri, & addisci absque præmissa, aut præacquisita Dialectica? Quot enim est in promptu testari summos Arithmeticos, Musicos, Geometras, Astronomos, qui ne primoribus quidem labris Dialecticam degustaverint? Sed quid propono Mathematicas? nonne etiam ante repertam hanc artem & Peripati, & Porticus aliarum quoque scientiarum Principes claruerunt? Physicæ Thales, Medicinæ Hippocrates, atque ita de cæteris. Quid dicam de Theologia? censebimus ne Moſen, Prophetas, Apostolos, Sanctos illos Patres imperitos illius fuisse, quod Dialecticam ignorarint, vel neglexerint? Profecto quidem si reminiscerent argutuli satis non deessent ex nostris Theologis, qui eniterentur illos novis hisce verbis, & distinctionibus allaqueare, ducereque subtilibus suis argumentandi formis ad incommodum. Verùm ut generosi Canes, putas, catellorum istorum latratus non contemnerent? accipe omnium nomine quorsum totum istud genus Tertullianus rejiciat. *Inferunt, inquit, Aristotelem, qui illis Dialecticam instituit, artificem struendi, & destruendi versipellem in scientiis coactam, in conjectu-*

auris duram, in argumentis operatoriam contentionum, moleſtam etiam ſibi ipſi omnia retractantem, ne quid omnino tractaveris. Et quamvis opponi hic ſoleat Divus Auguſtinus, ut Dialeſtices peritiſſimus (quanquam hæreticus adhuc illam & didicerat & profeſſus fuerat) qui interdum viſus ſit Dialeſtices uſum commendare, ecce tamen quomodo illius inutilitatem his verbis conficiat, Si quidpiam, inquit, dare volens præcepta deambulandi, moneat non eſſe cumque levandum pedem poſtერიorem, niſi cum poſueris priorem, &c. vera dicit, nec aliter ambulari poteſt, ſed facilius homines hoc faciendo ambulant, quàm animadvertunt cum faciunt, aut intelligunt cum audiunt. Qui autem ambulare non poſſunt, multo minùs ea curant, qua nec expediendo poſſunt attendere. Itaque plerumque citiùs videt ingenioſus non eſſe ratam concluſionem, quàm præcepta ejus capis, tardus autem non eam videt, ſed multo minùs quòd de illa præcipitur, magiſque in his omnibus ipſi ſpectacula veritatis ſæpe delectant, quàm ex eis in diſputando, aut judicando adjuvamus. Atque ut hoc obiter circa hanc egregiam Divi Auguſtini ſimilitudinem adnotem, ſubiit ſæpe meam mentem illa cogitatio, cur ſi oculus videret, auris audiret, & ſingulæ ex cæteris facultates munera ſua obeunt ſine doctrina præcedente, ipſe Intellectus non poſſit ratiocinari, quærere, invenire verum, & de illo judicare, quæ propria ejus munera ſunt abſque præſidio Dialeſticae. At ne longiùs tamen digrediar, volunt Dialeſticam eſſe præſidium adverſus Hæreticos firmiſſimum, ſiquidem qui Theologi illà adverſus Turcas jam utantur, non ita numeroſi ſunt, multat-ve eorum Myriades illius-ope in dies non convertunt. Exiſtimarum profeſſo artem optimam revincendi, reducendique Hæreticos eſſe implorationem gratiæ Divinæ, probam Catholicorum vitam, cognitionemque egregiam Scripturarum, Traditionum, Conciliorum, & Doctrinæ Sanctorum Patrum. Ex his nempe adhibito naturali judicio apprime edoceri poſſunt, cum Dialeſticis argutiis, ut malæ cujuſdam cauſæ ſuſpicionem inducentibus à noſtra fide potiùs advertantur. Memorabile ſanè eſt quod Eusebius, & Authores Tripertitæ hiſtoriæ de ſimplici illo, ac innocente Patre circa cujuſdam prætumidi, & peracuti Dialeſtici refutationem & converſionem ad Orthodoxam fidem memorant. Attamen jam hæc plus æquo trahuntur.

Eccl.
Hiſt. lib.
10. c. 3.
lib. 2. c. 3.

EX-



EXERCITATIO II.

*Quòd in Vniuersalibus, seu Prædicalibus tradendis
varie peccetur.*

Quandoquidem superiore libro distulimus in hunc locum de Porphyriana, seu Prædicabiliū Isagoge differere, idcirco dispiciendum statim ab initio est, num pares in illa navi, qui in Textu Aristoteleo appareant. Et forassis quidem si quispiam de hoc opere ex pulcherrimis aliis, quæ adhuc supersunt Porphyrij monumentis judicare voluerit, pronuntiabit facile, non videri eundem esse hujus, cæterorumque Authorem. Verumtamen ne in hoc hæreamus, & utcumque res se habeat, in promptu est deprehendere, quàm variis maculis sit Isagoge ista respersa. Ac primum quidem circa ea, quæ deficiunt, cùm Libri subiectum ex omnium sententia sit prædicabile, nullam tamen initio videas traditam Prædicabilis notionem. Quænam verò est Hysterologia, seu perturbato ordinis, ut postquam capite primò de genere, & primo Prædicabili multa disputavit, divisionem Prædicabilis in individuum, genus, speciem, cæteraque instituat? Porro & quis non videat quàm insufficienter hæc enumerentur! Quasi verò & subiectum non prædicetur quoque de accidente, ut dum dicitur aliud candidum est nix, aliud cygnus. Et causa de effectu, ut cùm dicitur hæc lux est Solaris, aliaque similia. Cùm autem duo tantum prædicandi modi afferuntur, quæ so num satis sufficientur? Deinde verò cùm enim duo illi prædicari *in quid* & *in quale* quid assignantur, prior quidem generi & speciei, posterior differentiæ & accidenti, putas omnes & pro omnibus enumerati sunt? Colliguntur isti duo ex interrogationibus, quæ fieri possunt de aliqua re, quid sit? & quale quid sit? an non etiam quæri potest quantum quid sit? cujus quid sit? &c. atque ita plures, & pro pluribus colligi prædicandi modi. Prætereo absurdum videri cùm prædicatio accidentis tam diversa fiat à prædicatione differentiæ, cur nullum utriusque discrimen à Porphyrio positum sit. Prætereo &

& ridiculum esse nullum prorsus prædicandi modum esse assignatum Proprio, nullum Individuo; præterea alia innumera in sequentibus etiam attingenda. Circa ea quæ superfluum, primum supervacaneus & alienus est à Dialectica totus liber, si germanæ enim Dialecticæ partes juxta Aristotelem sunt inventio, & iudicium; Ilagoge hæc neutrius est; non Inventionis, neque enim hi sunt loci, ex quibus argumenta eruantur. Non Iudicii, quia isthuc non spectat argumentorum dispositio. Quod si dicas Inventionis, quod argumenta erui possint ex genere, &c. cur non etiam adscribebantur causæ affectus, &c. Si Iudicii quod ex his terminis seu vocibus coagmentari propositiones, & argumentationes possint, an non etiam possunt ex causis, ex subjectis, &c. Deinde restatur Porphyrius non concessisse se Aristotelea modò in hunc librum, sed & quæcumque ab antiquis prodita fuerant de his vocibus, aded ut omnia bona, mala, mediocria videre liceat confarcinata. Hinc est putà quod ad decem usque conglobentur Speciei definitiones, quinque Differentiæ, quatuor Proprii, tres Generis, & tres Accidentis. Atque ut nihil dicam de Perissologia, quæ extat cap. de genere circa differentias harum vocum; cap. de Specie circa suprema, infima, subalterna ex generibus, speciebus, individuis; cap. de differentia circa varietatem, numerum differentialium, &c. Observo dumtaxat perissologiam, Tautologiamque tantam esse à capite de accidente ad extremum usque circa ea, in quibus hæ voces conveniunt, & differunt, ut nihil vanius possit cogitari. Communiones facit 21. differentias 40. & quod mirare, videtur adhuc sub finem quasi gratiam postulare, quod non omnes, quas poterat enumeraverit. Et sic me tamen Deus amet, ut importunam farraginem nemo frugi percurrere possit, cui non moveatur stomachus. Quasi vero si traditis semel bonis, ac legitimis vocum definitionibus non illico innotescat in quo conveniant ac differant, quod & genus communitatem & differentiam cuiusque à quibullibet discrimen in definitione ob oculos ponat; absque eo quod necesse sit vel discitem vel legentem sic onerare & ludere.

Adhæc autem circa ea, quæ fallunt, omitto impietatem illam, quæ cap. de differentia, & in locis plusculis facit Deum animal ex genere

genere substantiæ corporeæ, atque animatæ, adde ut cum duplex distinguatur species Animalis Rationalis, sub mortali constituitur Homo, sub immortali verò Deus. Omitto & aliam illam cap. de accidente, qua asserit accidens extra subiectum nunquam reperiri; cum scilicet juxta nostram Fidem, accidentia Eucharistica extra subiectum omne subsistent. Quæro solum an non falsum sit quod solum genus, non item differentia prædicetur in quid: si id quidem judicetur penes quæstionem *quid sit res*. Quisquis enim quærit quid sit homo, non modò petit ipsius genus, verum etiam differentiam, definitionem purà integram. Ille verò qui respondet, non satisfacit, si solum genus exhibeat, & absurdè expectabit donec cogatur etiam qualis res sit. Quin etiam non modò non facies ineptè, si quærenti quid sit homo, respondeas esse animal rationale; verum & aptè quoque respondebis quærenti qualis res homo sit. Omitto autem si quis nosse cupiat alicujus rei genus non quæsiturum quid sit, sed è quo genere, cujus generis, aut ad quod genus pertineat. Rursus falsum quod infima species de pluribus prædicetur; hac de re tamen fusius paulò post. Falsum item quod in communitatibus & differentiis asserit sublati rationali & irrationali differentiis non tolli genus, animal: qui enim hoc posito subsistere intelligi potest? Cogitari potest, inquit; esto; quænam est ista consequutio, ut si sublati differentiis cogitari adhuc genus possit. Eadem porro seu falsitas seu contradictio colligitur ex cap. de accidente, ubi postquam Porphyrius generatim definivit accidens quod adesse & abesse, seu quod est idem separari, præter subiecti corruptionem potest, illicò accidens dividit in separabile, ut est dormire, & inseparabile, ut est nigrum esse in corvo; & quia statim poterat obijci propria definitio, subdit, potest intelligi corvus albus. An non prorsus egregiè? cur non ergo definierat, quod potest intelligi adesse & abesse, non absolute quod adesse & abesse potest? Quasi verò istud perinde sit ac cogitari? Sed circa ea quæ contradicunt, prætereo quod Porphyrius contradicat sæpe Aristoteli, ut cum enumerat quinque Prædicabilia Universalia, Genus, Speciem, Differentiam, Proprium & Accidens. Et Aristoteles tamen primò Topic. capite 3. enumerat tantum quatuor, genus, definitionem,

pro-

proprium, accidens (quo loco dicere non potes sub definitione contineri speciem, hæc enim est definitum; neque etiam differentiam, pari enim ratione contineretur genus, ut alia definitionis pars, quæ separatim tantum ponitur) Deinde cum Porphyrius dicit Proprium non minus univocè prædicari, quàm genus, & tamen Aristoteles 1. de part. an. capite 5. Universalia enumerans dicit illa esse aut analogæ, aut genus, aut speciem; ac proinde sub analogis, non sub univocis comprehendit Proprium. Cum Porphyrius facit bipedem differentiam, &c. proprium hominis, &c. cap. de specie facit corpus animatum genus Animalis, & Aristoteles tamen libro 4. Top. capite 5. sic habet, *Fallunt nos interdum ij, qui totum ad partes transferunt, veluti animal ad corpus animatum*, atqui pars in toto nullo modo dicitur, non est igitur corpus genus Animalis, quandoquidem pars ejus est. Contradicit autem quoque sibi ipsi Porphyrius, cum exempli gratiâ eodem capite facit rationale differentiam genericam, putà superiorem Deo & homine. Et capite tamen de differentia specificam hominis, & maxime proprium facit. Cum definit differentiam id quod prædicatur de multis specie differentibus, ex quo sequitur ut omnis differentia generica sit; & idem tamen dicit dari differentiam specificam putà hominis, quæ per ipsum prædicari nequeat de specie differentibus, cum sub se habeat solum individua. Cum in communitatibus generi & proprio asserit esse commune æquè, seu non magis, non minus attribui. Et capite de differentiarum inseparabilitate per se, seu spectantium ad essentiam & per accidens, seu quæ extra illam sunt (cujusmodi est Proprium) docet istas posteriores augeri posse, & minui, verumtamen pauca hæc selecta sufficiant.

Jam cum Porphyrius meritiò Isagogen, nempe compendiarium scribens, abstinuerit à spinosis illis & obscuris quæstionibus, cohæreant ne universalia per se, an sint tantum per animum; an separata à rebus, an cum ipsis solum existant, cæterisque similibus? Nonne mirum prorsus est Porphirizantes Aristoteles supra Porphyrium sic sapere, ut quæstiones ejusmodi tam petraçcent, & doceat prodeuntes solum ex Grammaticis aut Rhetoricis pueros cum deberent potius Isagogen illam compendiosiore methodo facere ac

D

pro-

III.

proponere? Cæterum ut appareat quàm abs re tantæ hoc loco contentiones excitentur, cogita nihil esse aliud grandia hæc universalia, quàm quæ Grammatici vocant nomina Appellativa, verbi causâ hominem, equum, & quæcunque tribuuntur pluribus; quemadmodum individua nihil aliud sunt, quàm nomina propria, ut Plato, Bucephalus, & quæcunque uni soli rei dantur. Quid? inquires, accedis ergo ad vesanam illam opinionem Nominalium, qui universalitatem aliam non agnoscunt, quam conceptuum aut nominum. Ita sanè est, accedo, sed puto me accedere ad opinionem admodum sanam. Quæso te enim per Deum immortalem! tu qui naturas universales, easdèmq; reales tueris, quid animadvertis in Mundo, quod singulare non sit? singularissimus est Deus, singularia omnia ejus opera, hic Angelus, hic Homo, hic Sol, hic lapis, nihil denique reperire licet, quod singularis hæc res non sit? ubinam ergo gentium demonstrabis universalia hæc degere? Dicis exempli causâ humanam dari naturam, quæ universalis sit. At ubinam visitur universalis hæc natura? Ego quidem video hanc naturam humanam Platonis, illam Socratis, at hæc omnes sunt naturæ singulares. Tu si magè Lynceus es dicito ubi aliam pervides, quæ universalis sit. Cum dentur, inquis, tot singulares, reperitur ergo una communis in omnibus. Itane dicis? quomodo probas? mihi quidem satis est, ut habeam unam singularem; & tibi etiam quidquid dicas singularis una satis est; quod me attinet, ego nullam, quæ sit in te, & me eadem, communisque perspicio. Tu tuum habes corpus, tuam Animam, tuas partes ac dotes proprias; mihi quoque propria sunt. Ecquænam tandem est hæc natura, quæ in te simul, ac meipso sit? nisi fortè si tu ultra, ego citra parietem sumus, paries abundè non discernat quidquid inter tuam, meamque naturam est, si quispiam autem te inter & me ensem duxerit, abscindere non valeat totam hanc communitatem? Certè enim concipere velim quomodo tu hanc hujusmodi communitatem concipias? an ut fornicem ambos includentem, an ut aerem utrumque vel ambientem, vel penetrantem, quo enim tandem modo concipis? Dicis & magno quidem cum applausu; nonne nemine cogitante natura humana est in multis? quæ reverà autem est in multis, nonne reverà universalis est? Ego fateor quidem naturam hu-

humanam nemine cogitante esse in multis, sed adjicio multiplicem. Tu volebas inferre unam, ut statueres universalem, at ego multiplicem dico, ut singulares tuear. Sanè verò nemine cogitante est natura humana Platonis, est natura humana Socratis, & multorum item, omniumque aliorum singularium hominum. Et hoc ego demonstrare possum, videlicet triplicem esse naturam humanam nullo cogitante, quot singulares sunt homines. Cedo autem cum tu dicis unam, eandemque esse naturam humanam in multis, vel omnibus hominibus, quomodo ostendis aut probas? At, inquires, nonne dicuntur omnes homines ejusdem esse naturæ vel habere eandem naturam? Quo sensu ergo istæ loquutiones, & aliæ id genus sint veræ, ac admittendæ ut paucis accipias.

Observe Intellectum nostrum, nihil primo intuitu videre in rebus, quod singulare reverà non sit. Porro cum res variæ sint, ac multiplices, tum Intellectus illas inter se comparans, videt illas inter se partim convenire, partim dissidere; seu quasdam esse similes, quasdam verò dissimiles, idque per varios similitudinis & dissimilitudinis gradus. Quare & sepositis dissimilibus, quæ sunt similes in eodem, etiam ordine, eodemque modo concipit, unde & eodem nomine donat: exempli causâ videt Platonem, Socratem, cæterosque particulares homines, et si particulares quasdam habeant inter se differentias, adhuc tamen inter se esse aded similes, ut quemadmodum unus ratiocinatur, ita alius; quemadmodum unus erectæ staturæ est, & bipes incedit, ita alius; atque ita de cæteris. Quamobrem ut propter particulares differentias (quia hic est magnus, ille parvus, hic pulcher, ille deformis, hic solers, ille stupidus, hic juvenis, ille senex, hic hujus, ille illius filius, &c.) ut inquit, propter hujusmodi particulares differentias Intellectus format particulares conceptus de singulis, & singulis etiam propria tribuit nomina, quibus discernantur: Ita propter similitudinem, qua iste refert illum & alios, & ille rursùm cæteros, Intellectus omnes homines ut pro una quadam re habens, conceptu uno, eodemque apprehendit, nomenque excogitat conceptus hujusce repræsentativum, quo omnes æquè insigniat. Istud autem est verbi causâ *Homo*. Eodem autem modo ex visis Bucephalo, aliisque consimilibus efformat conceptum communem, & excogitat generalem vocem equi, eodemque modo procedit in cane, in tauro &

similibus. Deinde verò comparans hominem cum equo, tauro, leone & cæteris, discrimina quippe plurima observat, ut proinde nomina diversa merita & sortita sint. Quia tamen adhuc inter illa similitudinem observat, nam ut homo videt, audit, ambulat, imaginatur, ita equus, leo, canis, & ita de cæteris. Idcirco & ratione hujus similitudinis efformato uno communi conceptu, invenit etiam ac tribuit commune omnibus nomen, videlicet *Animal*. Rursus Autem animali & Plantæ propter similitudinem in nutriendo, crescendo, generando efformat communem conceptum, & tribuit nomen commune *Viventis*; sic viventi & lapidi conceptum & vocem communem *Corporis*. Atque hoc modo ex corpore & spiritu abstractus est conceptus, & imposita vox *Substantia*; ex substantia & accidente & conceptus & vox *Entis*, quæ jam communissima est. Ita ergo universalia videntur esse affixa, & excogitata, aded proinde ut una, eadèque particularis res propter varios cum cæteris similitudinis gradus varia fortitur nomina, in quibus conveniat cum similibus, & per quæ à dissimilibus discernatur, exempli enim causâ Plato propter similitudinem, quam habet cum Socrate & Demosthene appellatur *homo*; & qui similis in aliquo est equo & leoni, & appellatur *animal*, & quia cum arbore & herba, *vivens*, & quia cum lapide, & metallo *corpus*, & quia cum Angelo & Deo *substantia*, & quia demùm cum iis, quæ vocantur accidentia, quantitate, qualitate & cæteris *Ens*. Cùm & quia per vocem Platonis discernitur à Socrate, ita per vocem Homo ab equo, per vocem Animal à Planta, atque ita de cæteris. Quare & per hæc nomina non efficitur propterea aliquid universale, est enim semper ut Plato, ita hic homo, hoc animal, hoc vivens, hoc corpus, hæc substantia, hoc ens; sed cùm una res singularis sit, declaratur inde quàm variè cùm cæteris rebus quidpiam simile, vel dissimile habeat.

VI.

Ut igitur id repetam quod propositum fuerat; cùm dicuntur omnes homines esse ejusdem naturæ, vel habere eandem naturam humanam, sensus alius esse non potest, quàm quòd sint similis naturæ, vel quòd habeant similem naturam, seu veriùs quòd habeant naturas inter se simillimas. At cur eadem tamen, ac una dicitur vulgò natura? Profectò non quòd reverà una, eadèque in illis sit, sed quòd concipiatur per modum unius, ejusdèque propter simi-

similitudinem, ac uno eodémque conceptu exprimi valeat; at nunquid similitudo fundatur in unitate? Ita quidem Aristoteles; si tamen attendas potius unitas in similitudine fundatur. Cur enim Plato & Socrates uno conceptu ut nomine exprimuntur, nisi propter similitudinem? Sic sanè & amicitia est unitas quædam, cujus fundamentum similitudo & sympathia quædam, non contrà. Sed hac de re plura cùm de Relatione. Dices nonne natura humana prædicatur de pluribus, ergo si prædicatur, inest? Diximus jam pluribus inesse naturam humanam, sed multiplicem; quamobrem & dicendum jam multiplicem prædicari. Quæso enim te cùm dicitur Plato est homo, an qui homo dicitur de Platone sit ipse Plato, an aliquis alius? Profectò alius non dicitur, quàm qui ipse est; similiter & cùm dicitur Socrates est homo, hîc homo non est alius ab ipso Socrate, quamobrem quia natura humana duobus istis convenit, non una est, sed duplex; at inquires, ergo nugatoria, & identica erit propositio, cum dicetur Plato est homo; prædicabitur enim idem de seipso. Respondeo omnem propositionem, ut sit vera, debere esse identicam, quia scilicet nihil de re prædicari debet, quod vel eademmet, vel in eadem non sit. Quæ verò identica nugatoria dicitur, ea solùm est quâ per prædicatum nihil aliud quàm per subiectum designatur, ut si quis dicat Plato est Plato, vel albedo est candor; at quando prædicatum aliquid amplius quàm subiectum designat, tunc nugatoria dici non debet. Cum itaque dicitur Plato est homo, per priorem vocem scilicet Platonis intelligo solùm hanc particularem rem, at per posteriorem nempe hominis, intelligo eandem rem ut habentem quid simile cum Socrate, &c. & si dicatur est animal, per animal intelligo ut sit aliquid amplius, atque ita consequenter. Urgebis, si universalis sint tantum voces, aut conceptus, ergo cùm universale prædicatur de particulari, ac dicitur verbi causâ Plato est homo, sensus erit quod vox Plato sit vox homo, aut conceptus Platonis sit conceptus hominis. Ita quidem solet objici contra Nominales; at me Hercule injuriâ. Neque enim in propositionibus vel res ipsæ nudæ predicantur, vel sine rebus nomina. Intellectus nimirum est, qui propositionem & prædicationem de rebus instituit, ipsas concipiens & nominans. Concipit autem non uno modo, sed nunc particulariter & seorsim, nunc communiter & conjunctim.

Post-

Postquam igitur semel efformavit ex visis Platone, Socrate, &c. universalem hominis conceptum, & utrique indidit idem universale nomen ob id in quo sunt similes, tunc Platoni tribuit illum conceptum, & istud nomen, & Socrati similiter. Quare cum dicit, Plato est homo, non vult dicere quòd vox Plato sit vox homo, nec quòd conceptus particularis Platonis sit conceptus generalis hominis, sed sensus solummodo est quòd hæc res particularis, quæ propter suas particulares differentias concipitur, & dicitur Plato, eadem propter similitudinem cum aliis concipiatur quoque sub universaliori ratione, ac proinde exprimat universaliori voce, quæ est homo: cum sit tamen semper particularis aliqua res. Unde & rota universalitas est semper penes conceptum aut vocem absque eo, quod conceptus unus sit alius, & vox una, alia, cum & conceptus & voces sint rei, sed alio & alio modo conceptæ atque nominatæ. Ex quo proinde intelligitur non tolli scientias, definitiones & alia id genus, ut tamen solet obijci, quasi nimirum conceptibus aut vocibus nulla res subesset. Quanquam de definitione, scientia, &c. plura dicentur inferius, ubi etiam ostendemus quàm absurdum esse videatur asserere quod universalia sint æterna incorruptibilia, ubique, &c. ubi de propositionibus sempiternæ veritatis. Sed hac de re jam niniùm ne videamur imitari illos, qui hîc quæstiones non minùs multas & prolixas, quàm intricatas & vanas instituunt. Certè si velimus eas vel attingere dies nos longè deficiet.

VI.

Sequitur paucis exploremus, num appositè assignent quinarium Prædicabilium, universaliorum-ve numerum. Præcipua hæc ratio assignari solet (cæteræ enim ejusdem sunt notæ & ad ipsam quoque revocantur) Quidquid universale est & prædicatur de pluribus, vel prædicatur in quid, vel in quale. Si in quid, vel de pluribus, & est *genus*; vel de pluribus individuis, & est *species*. Si in quale, vel essentiale, & est *differentia*, vel accidentale, & tunc aut necessariò, & est *Proprium*; aut contingentur & est *accidens*. Attamen verò ut omittam quod paulò antè inuimus, plures longè esse modos prædicandi quam in quid & quale, adeò proinde ut plura longè facienda sint Prædicabilia. Quæro hîc solum cur admissio quod aliquid possit duobus tantum modis rogari de aliqua re, & de eadem prædicari, quorsum Prædicabilia non plura, non pauciora sint?

Ecce

Ecce dicis, omne prædicabile esse vel in quid, vel in quale, siste ibi, habentur duo summa capita, vel genera Prædicabilium, neque plura requirenda sunt. At, inquis, utrumque caput est subdividendum: Ita ne? Ergo si tibi liceat capita prima subdividere, cur mihi non liceat secunda, cur non alii tertia? quæ potior enim ratio est ex quo primariam divisionem excedis, ut in secunda, quàm in tertia quiescas? nulla sanè est? Quid? quod prorsus gratis subdividis prius membrum tantum semel & iterato? saltem si ut Accidens subdividis in necessarium, & contingens, ita genus partieris in supremum & subalternum, ut partiri optimè potes, omnia satis æqua lance distribueris. Nam quod speciem absque ulla subdivisione relinqueres, solutio esset, quòd relinquas etiam differentiam. Porro ipsius differentie pœnitet, tædet, miseret. Quorsum enim si id quod prædicatur in quid, in duo partiris quoque id quod prædicatur in quale quid? nonne quòd Prædicabile in quid subdividas in genus & speciem ratio est, quod prædicetur vel de speciebus, ut animal, vel de individuis, ut homo: Prædicabile autem in quale quid nonne prædicatur vel de speciebus, ut sensitivum de homine & equo; vel de individuis ut rationale de Platone & Socrate? Sane quidquid comminiscare, nihil aliud, quàm nugabere; cum si seriò loqui velimus, nulla major de illo ratio, quàm de hoc cogitari valeat. Dic quantumlibet volueris, differentiam semper esse partem solum essentiae sed ex genere & specie, illud partem quidem, at hoc totam individui significare essentiam. Reverà tamen utrumque effugium, non esset gratis confictum, patebit satis ex infrà dicendis, si genus quidem sit pars essentiae speciei, speciem quoque esse solum partem essentiae individui. Prætereo quorsum accidens constituitur prædicabile distinctum à Proprio cum illius genus sit? cur si accidens constituit unum prædicabile, substantia quoque non constituit? Prætereo & innumera alia, quæ urgeri possent. Dico autem solummodò, nullum esse ex his omnibus, quod seriò loquendo universale sit præter unum genus: siquidem quod à genere generale dicitur, idem est cum universali, quemadmodum etiam nihil aliud est universaliter: Quòd si vel species, differentia, vel aliud quidpiam censeatur nomine universalis, ea ipsa ratione erit etiam genus seu generale aliquid. Verùm ut id possit clariùs percipi: aggre-

aggrédiamurque aliquid de his quoque vocibus specialiter dicere inde exordium est.

VII.

Genus & Species duæ voces sunt, quæ sese mutuò referunt non secus ac Pater & filius; vel clarius ut totum & pars. Siquidem & genus est totum, quod plures habet species seu partes. Et species est pars generi subjecta, ut toti. Quia verò totum quoddam est integrum, ut Homo, quatenus habet partes integrantes, caput, pectus, ventrem, brachia, tibias, vel etiam corpus & Animam; idcirco notandum est genus esse quoddam aliud totum, quod essentialiter suis partibus dici, & definiri possit, speciem verò consequenter esse, & definiri partem generis, huiusmodi totum erit verbi causâ Homo, quatenus spectat ad essentiam Platonis & Socratis: huiusmodi Animal quod essentialiter quidpiam est homini & bruto; ac proinde etiam huiusmodi partes erunt hominis quidem Plato & Socrates, animalis homo & brutum, ex clamabis illico, quid ergo homo erit genus; Socrates & Plato species hominis? ita sanè res se habebit; verumtamen quiesce tantisper, nihil aliud ad legitimam generis notionem requiro quàm ut sit totum essentialiter respectu suarum specierum seu partium; nihil ad notionem speciei quàm ut sit pars generis. Contingere autem potest ut quæ species est pars generis proprias quoque sibi partes habeat, quibus sit totum essentialiter. Porro tunc illam dico non speciei, sed generis habere rationem. Sic cum animal sit genus hominis, dicitur homo species animalis, at cum ipse homo aliunde sit totum respectu Platonis, eamobrem dici genus esse ejus, Platonem autem speciem hominis, quia scilicet ad rationem speciei est indifferens, quod habeat ipsa species, aut non; modò alicujus sit generis pars. Hinc individuum voces, per me licet, illam speciem, quæ jam in nullas dividitur species, ut Platonem, Bucephalum; at ego dixero præterea Platonem esse speciem specialissimam cum tu voces hominem specialissimam speciem; dixerim autem hominem genus specialissimum, quod in sua serie specialius nullum genus habeat, sed individuas species dumtaxat. Nunc ne tantoperè excandescas? nonne imprimis mirabile est, quod cum ex omnium sententia, aut ex communi certè, ac recepto loquendi usu genus & species relata sint, & genus à Porphyrio definitum sit per ordinem ad species, species tamen illa adeò

adeò celebri definitione definita non fuerit cum ordine ad genus? atque ut intelligas, quàm ineptè id facere cum Porphyrio persequeres, cogita ubinam Gentium, aut apud quas aures sic locuturus fuerit, Homo est species Platonis, Equus est species Bucephali, quemadmodum tamen debes dicere juxta illam tuam definitionem. Verè quidem ac perspicuè dices hominem esse speciem Animalis, at si dicas speciem Platonis, quis tandem te intelligat? Dices etsi non vulgariter, at Physicè tamen id videri posse intelligi. At, per Deum immortalem! quanam ista Philosophia est, quæ barbaris hisce & ineptis loquutionibus delectetur, cum nulla cogat necessitas: Quid enim magis proficitur ex detorto hoc, quam ex plano sensu hujusmodi verborum & phraseon? an ne res clariùs proponuntur? Tantum abest, quin potius & obscurantur formulis hisce à communi usu recedentibus, & inutiliter prorsus addiscuntur, quæ de discendo statim sunt atque à Scholis egressi sumus. Quàm satius est, quæso, eos loquendi modos discere in Scholis, quibus deinceps & uti possimus in omni consuetudine, & quibus utentes Clarissimos viros audiamus & intelligamus.

Siquidem ne existimes apud vulgus solùm audiri Hominem v. c. esse Platonis & Socratis genus, Platonem & Socratem esse hominis species. Proferam ecce Poëtas, Oratores, Jurisconsultos, Philosophos, qui non alio modo loquantur. Apud Poëtas frequenter occurrunt hujusmodi voces, hominum, vel humanum genus, & Ovidius.

— *Inde genus durum sumus*

1 Metam

Plautus vero,

Jupiter qui genus colis, alisque hominem,
vicissim autem,

— *Mille hominum species, &c.*

Ex Oratoribus Cicero, dum genus, inquit, hominum exstabit, & legem speciatim de mea salute promulgavit. Quintilianus autem propterea quæstionem distinxit in generalem & specialem, quòd habitatione personæ possit institui vel de genere hominum, vel de una aliqua specie, seu individuo homine, adeò ut ista eleganter dicatur esse generalis an homini ducenda sit uxor: hæc specialis, an Socrati? audire vis Jurisconsultos? Ecce circa stipulationes vocant pas-

2. Phil.
post red.

E

fim

sum hominem genus, Stychem & Pamphylium species. Quæso
 autem an non ad parem usurpationem respiciant dum loquentes de
 mutuo dicunt in illo recipi non speciem sed genus. Certè enim per
 speciem nihil aliud intelligunt quàm hanc v. c. individuum & parti-
 cularem pecuniam, per genus nihil aliud, quàm pecuniam in gêne-
 re, seu nempe eandem, seu similem. Discrimen quippe inter
 mutuuum & commodatum statuitur, quod cùm in illo sufficiat genus
 reddere; in hoc reddenda est eadem res individua atque nominata,
 quæ commodato accepta est v. c. idem equus, cùm non sufficiat
 quævis reddere. Quod ad Philosophos spectat ecce divinus Pla-
 to non modo vocat frequenter genus hominum, verùm etiã docet
 quidquid species est, & partem necessario esse ejus rei, cujus spe-
 cies dicitur. Quo loco vides non accipere ipsum speciem penes
 Individua seu partes quas habere possit, sed per comparisonem ne-
 cessariam ad genus cujus pars est. Et Zeno apud Laërtium lib. 7.
*Genus, inquit, est plurium cogitationum, quæ auferri non possunt conceptio,
 Species est quæ sub genere continetur, est autem maximè generalis, quia cùm
 sit genus, genus non habet: est maximè propria, quia cùm sit species, speciem
 non habet ut Socrates.* Verum attende quàm hoc apertè eloquatur
 Epist. 58 Seneca, homo inquit, genus est, habet enim in se nationum species, Græcos,
 Romanos, Partbos, colonum albos, nigros, flavos; habet singulos, Ca-
 tonem, Ciceronem, Lucretium. Pergit autem itaque quæ multa continet,
 in genus cadit, quæ sub alio est in speciem. Hæc Seneca. Audi jam
 Lib. 4. de Martianum Capellam qui idem Dialecticus est, hominum genus, in-
 nuptiis. quit, quod Animalis forma est, nam & speciem vulgo formam vocant, Ber-
 baris & Romanis genus, & usque eo genus esse potest, donec ejus formulas di-
 videns ad individuum aliquod venias, ut si homines divides in masculos & fe-
 minas, item masculos in pueros, adolescentes, & senes; item pueros in in-
 fantes, & loquentes, item puerum si velis dividere in Catamium, aut alium
 quempiam certa persona puerum, non est genus quod jam ad Individuum per-
 venit. Quanquam ecce alios quid cito, cum & adduci in medium
 possit Aristoteres, qui lib. 3. Metaphys. facit hominem genus in-
 dividorum, non speciem, nam ultima, inquit, genera sunt in indivi-
 duis, ut homo. Ejus in eodem opere est illud, hominum genus ratione
 vivit. In lib. autem de longit. vitæ, diuturnioris, inquit, vita est
 genus hominum, quàm equestrum. Atque ut hæc tandem sufficiant,
 nonne

nonne perspicuum jam est pueriliter nimis velle te Porphyrianis illis definitionibus adhærescere, cum non vulgus modò hominum, sed & Clarissimos quosque omnium Ordinum Viros etiam Aristotelem loqui longè aliter, quàm per illas edoceamur? Nonne vero etiam jam intelligis non abs re prorsus sumplisse me nihil propriè esse universale, aut si velis etiam prædicabile præter genus; cum quidquid vel est essenziale multis partibus, vel de multis prædicatur, genus sit; quidquid est pars generis vel de quo genus prædicatur, species, adeo ut album quoque v. c. dici possit essenziale cygno cum de illo prædicatur, pro ut sic coloratus est; atque ea ratione non ineptè dicatur cygnus esse de genere alborum. Cæterum cum hoc Logicum seu genus seu universale illud ipsum fuerit quod Plato Ideam vocavit, opportunum fortè foret de Ideis hoc loco disserere; verum cum illæ potissimum ab Aristotele impugnentur in opere Metaphysico, non absolum videbitur in Metaphysicam transferre.

De Differentia & Proprio haud levior sanè ruina est. VIII. Differentia enim imprimis est tantum nomen comparationis, idem sonans quod dissimilitudo, ut proinde opportuno jure, & ab Aristotele & à Cicerone similitudini opponatur. Quocirca differentia est universalium, seu Prædicabilium unum, debet esse & similitudo. Lib. r.
Top. in
Top. Dices fortè genus esse id quod similitudinem continet? at cur non excogitas aliquid quod differentiam contineat, non ipsamet sit differentia? Quanquam differentia ex natura sua opponitur universalitati, ac propriè tantum uni convenit, quia per suam differentiam unumquodque differt à cæteris, quibus est genus commune. Quamobrem cum differentia identificetur speciei, non magis erit ex natura sua universale, quàm species, & si universale quidpiam sit, tum non differentia erit sed genus. Deinde cum differentia sit quidpiam comparativum seu relativum ad aliud à quo discrimen statuit, si ulla quidem ex tot Porphyrij definitionibus, legitima illa est maximè, qua faciunt differentiam id, quo singula differunt. At receptissima illa omnium definitio, qua dicitur id quod de pluribus specie differentibus prædicatur in quale quid. Quæso quid habet quo differentia natura exprimitur? sensitivum dicatur id quod in quale quid prædicatur de homine & equo, nihil dicis non commune, nihil asfers, quod

explicet energiam differentia. Bene quidem si dicas esse id, quo animal vel homo & brutum differunt à Planta. Et certe non simpliciter dicitur differentia hujus ab illo. Hinc si quis quærat quale quid sit, qualitatem solum rogat, seu illa sit essentialis seu accidentalis, de differentia, ut differentia nihil interrogat. Quod si illam voluerit rogare, non quæret qualis sit hæc res, sed per quid hæc res differat ab illa, seu quidnam sit inter hoc & illud discriminis, aut alia simili ratione. Missum porro facio quod neque per hanc definitionem differentia discernatur ab accidente & proprio, neque ex mente Porphyrij conveniat differentiis tum specificis infimis, tum individualibus, quarum videlicet nulla prædicari potest de specie differentibus. Quasi verò hominis & equi, Platonis & Socratis nulla sit differentia? Tertiò ergo quod Porphyrius definitione hujusmodi complexus esse videtur, est non tam differentia, quàm generalis rei forma, adeo ut quærenti qualis sit homo, non respondeas est Anima rationalis; optimè tamen dicere liceat, est Anima rationali præditus. Quid enim necesse est se adstringere ad illas prædicandi leges, quibus solis qui paruerit, necesse est penè obmutescat? At, inquires, differentia petitur ex forma. Esto, at ut formæ essentielles rerum nobis incognitæ sunt, ita erunt & differentie illæ maximè propriæ. Ecquid ergo necesse est abducere nos à latissimo, patentissimòque differentiarum campo, ut redigamur ad tantas angustias? Nonne satius est differentiam in quacumque diversitate ponere dummodò per illam satis sufficienter unaquæque res discernatur ab alia? Præclare siquidem Martianus postquam definivit differentiam sufficientem ad id, quod susceperis discretionem, subjungit, ut si quærat quid inter hominem intersit & equum, sufficit ut dicamus quòd homo bipes est, & equus quadrupes, ac ne ad duplicis dumtaxat differentie pronos quoque genere, paupertatem adigamur, ut Porphyrius quidem adigere voluit, contendit ille unamquamque rem dissimiliter esse dividendam, qui possumus alias atque alias invenire differentias: Nam si inquit, animal voluerimus dividere, possumus in sexus, quod alia sunt masculina, & alia femina; possumus in ætates, quod alia sunt orisiva, alia juvenilis, alia senilis; possumus in quantitates, quod alio

alia sunt parva, alia magna, alia media; possumus in varietatem motus, quod alia sunt gradientia, alia serpentina, alia nautica, alia volantica; possumus in habitaculorum diversitates, quod alia sunt aquatilia, alia terrena, alia aërea, alia ut nonnulli dicunt, ignea; possumus in lingue sonum, quod alia sunt loquentia, alia gementia, alia latrantia, alia ululantia. Ecce quàm uberrima differentiarum suppetat seges vice illius duplicis, Rationalis & Irrationalis. Ut præteream vel omnes vel plures in unam quandam speciem ita cogi, ut ex iis demùm appareat quemadmodum illa à cæteris differat, nam masculina animalia, inquit ille, possunt & abortu regentia, parva & gradientia & terrestria, & bipedalia, & loquentia esse, ex quibus tamen omnibus seligenda solum est ea differentia quæ accommodata sit suscepto negotio.

Atque ut ex istis de Proprio etiam aliquid concludamus, nonne mirabile est recenseri Proprium inter universalia, cum opponatur scilicet ei, quod commune seu universale est? Quomodo enim coherere possunt, esse Proprium, & esse Commune? Quod si dicas Proprium aliquod specificum esse, ut risio in homine, quod proinde omnibus individuis humanis conveniat, patet profectò ex jam antè dictis, risum sic consideratum cum sit quidpiam generale, esse genus, non proprium. Quamodo enim dici possit proprium esse Socratis ridere, cum & Plato & Demosthenes & cæteri omnes rideant. Dicit ergo ad summum potest proprium hominis generaliter considerati; atqui tunc universale non est, cum nonnisi quid unum respiciat. Hinc mirari etiam licet cur Porphyrio proprium id sit, quod universæ quidem accidit speciei, sed non soli. Quomodo enim proprium illud dici alicujus speciei potest, quod quidem ipsa habeat commune cum aliis? Et fortassis quidem id posset ad differentiam sufficere; nam bipedem esse ad hoc sufficit ut censeatur homo habere ab equo differentiam, ac ut habere dicatur aliquid proprium & peculiare profectò non sufficit, cum videlicet idem Gallis, cæterisque avibus conveniat. Videtur istud consequens esse ad id quod docet citatus Capella, differentiam eo distare à Proprio, quod differentia unamquamque rem ab eo tantum distinguat unde quæstio est; Proprium vero ab omnibus, quia scilicet Proprium nulli prorsus alij debeat rei convenire. Dices hanc esse latè sumptam Proprii usurpationem, ut sunt

& illæ aliz duæ, convenire soli, sed non omni; convenire soli, omni, & quandoque. Proprium autem quale nos videmus exigere esse illud quarti modi, quo aliquid convenit & omni & soli & semper. Esto igitur hac propria ratione dicatur aliquid proprium; at quæso primum cur saltem colligendo tot definitiones acceptio- nesque Proprii nulla recensita est, quæ caperet proprietates generum & individuorum? quid enim nihil ne his proprium? Deinde verò esto tantum specificum Proprium, quid hoc tamen ad hunc locum? sunt inquis, rerum omnium proprietates aliquæ, quæ fluant ab essentia? Hoc esto, sed illæ tamen, quid ad Logicam attinent: nonne spectant vel ad Physicam vel ad Scientias alias, quæ essentias considerant? Respondebis fortè & ad ipsam Logicam spectare quatenus copulatæ subiectis prædicantur de ipsis; at verò cum hic Porphyrius de Prædicabilibus agat, nullo ex his quatuor modis definit Proprium per prædicari; non igitur de Proprietate hic differitur quatenus spectat ad prædicationem. Deinceps Porphyrius proprium cum subiecto non comparat, ut profecto facere deberet cum sit accidens necessarium accidens verò definiri cum ordine ad subiectum debeat. Comparat autem cum specie, & sanè quidem ridiculè, siquidem species ut talis est, non cum Proprio, sed cum genere germanam habet comparationem. Et quamvis eadem species subiectum dici valeat, longè tamen diversa est specie & subiecti ratio. Dices fortè Proprium pertinere ad Logicam quatenus suffici potest in locum differentiæ, cum defectu definitionis descriptio instituenda est, quæ traditur videlicet per genus & proprietatem. Id cum dederò, fuerit potius hoc cum de definitione tractandum circa locos Topicos, hoc autem loco interferere, quæ, precor, est necessitas? Omitto verò cum quarto modo Proprium definitur, nullo prorsus modo distingui à maximè propria differentia, siquidem & ipsa quoque convenit soli, omni, & semper, ac prout hæc quidem reciprocatur cum specie, ita docet Porphyrius reciprocari proprium. Ut quid ergo hæc quarta Proprii definitio iactatur tantopere quæ nec ipsi quidem est propria? adiici posset aliquid de Porphyrianis illis exemplis, at expendi aliàs poterunt, præsertim

fertim verò inferiùs celebris illa risibilitas, cùm de Demonstratione differetur. Aldo hîc solùm tertium modum confundi videri cum quarto per exempla opposita. Vel enim falsum est quòd soli & omni homini conveniat in senectute canescere, & maximè cum non omnis ad senectutem perveniat. Vel certè cum hoc dederò, si canis homo non aspergatur, nisi postquam deterior ætas illi obrigit, concedere debes neque homini convenire risum, nisi postquam natus est. Dices quidem hominem in utero etiam si actu non rideat, aptum tamen esse ad risum: at ego etiam vicissim dicam hominem in juventute, etsi nondum actu canescat, esse tamen aptum ad canos. Quod si de Zoroastre fertur, quod quo est die natus, risit. Quot opponere ego possum, qui in pueritia quoque canos induant?

Restat & de Accidente non-nihil dicamus, quod cùm sit genus respectu Proprii, mirum imprimis cur posterius illo ut ex distincta specie tractetur. Certè cùm duplex fiat accidens, necessarium & contingens, illud autem proprium sit, hujus quod posterius tractatur una species traditur inseparabilis, quod sanè aliud non est ab eo, quod necessariò inest. Dic quantum voles cum Porphyrio, nigredinem corvi, quam vis esse accidens contingens, etsi inseparabilem actu, cogitatione tamen esse separabilem: Id tam perfectò non obstat, quin illi insit necessariò. Quid quod etiam cogitare licet hominem sine risibilitate, ut tu vis, cogitari posse corvum sine nigredine. Cùm enim id non liceat cùm risibilitas sit extra hominis essentiam? Quin etiam millies cogitamus de homine, nihil de ejus aptitudine ad ridendum cogitantes. Corvus autem vix unquam in nostram cadit Imaginationem quin nigrum apprehendamus; unde & tantò majore cum necessitate videtur esse Corvus aptus ad nigredinem, quam homo ad risum, quòd Corvus semper niger sit, homo non nisi interdum rideat. Deinde mirum etiam videtur quorsum hîc translata sit ista de accidente tractatio, cùm tota sit Physica vel alterius certè scientiæ. Hæc enim quid ad Logicam! Videmus certè etiam à plerisque integram ejus disputationem in Metaphysica institui. Dices quidem ut circa Proprium, ad Logicam etiam pertinere quatenus est quoddam Prædicabile. Verùm ut taceam genus esse quatenus multis commune est, nonne augere admirationem debet, quòd ex tot

col.

collectis definitionibus, nulla sit qua accidens definiatur per prædicari. Et talis quidem hoc loco fuerat necessaria; at istæ omnes quæ traduntur, alienæ penitus sunt. Vt hoc autem sanè concedam posse multa, quæ in hunc locum accidentia congeruntur pertinere ad Logicam sub aliis nominibus, attamen ea erunt partis Topicæ, seu inventionis argumentorum: siquidem esse album, nigrum, doctum, sapientem, fortem, temperantem, aliæque similia, ut meliùs *Adjuncta* dicuntur quàm accidentia, ita propriè sunt loci adjunctorum. Eadem ratione lignum exuri, urbem expugnari, hominem cædi, Catonem propria interire manu, non accidentia, sed meliùs *Eventa* aut effecta dixeris; unde & propriè ad locum Causarum, Effectorumque reduceris. Dices quidnam igitur propriè appellatur accidens? Respondeo propriam ac germanam, imò & Aristotelem accidentis usurpationem esse, ut significet ac sit idem, quod fortuitum, & casu eveniens, ex quo etiam fortuna & Casus dicuntur causæ per accidens. Ac ne putes nobis solùm facere communem & receptum loquendi usum (qui deberet tam sufficere) ecce Aristoteles in Metaphysicis & non uno quidem loco, Accidens vult esse id, quod neque necessariò, neque ut plurimùm contingit. Unde & pluribus contendit de accidente nullam dari Scientiam, quod nullam certam ac determinatam causam habeat. Exempla proinde accidentis affert fodiendo scrobem reperire Thesaurum, navigando Æginam capi à Piratis, aliaque similia. Quàm hoc, quæso, longè abest ab eo, ut dicatur accidens Corvum esse nigrum, cum & semper, & proinde ex causa necessaria eveniat ut Corvus sit niger? Cedo verò, ecquis est, cui sermonis proprietas sit cordi, qui intelligat cum dices colores, odores, sapores, figuras, aliaque hujusmodi esse rerum accidentia; qui non meliùs dixerit nigredinem esse inseparabile adjunctum, quam accidens Æthiopis? Verumtamen si attenderis, res videbitur satis manifesta. Dices hîc solum quantitatem, figuram, colorem, saporem, soliditatem, fluiditatem, & quæ alia sunt panis & vini accidentia dici in Mysterio Eucharistico (in Concilio Tridentino non accidentia; sed species dicuntur) hac autem in re non ego is sum, qui quas voces Ecclesia Orthodoxa probat, ego improbem. Attamen dicere possum hujusmodi voces in Ecclesia recipi defectu aliarum, quas dubio procul recepisset, si Doctores Scho-

Scholastici, ex quibus illæ desumptæ sunt, loquutiones alias, quàm Porphyrianas probavissent, neque enim Ecclesia ita est alligata verbis, ut existente re integra pro libitu assumere, vel rejicere non possit. Et quanquam audio frequentius à Sacris Authoribus Sacramentalis species, quàm accidentia appellari, adhuc tamen existimo vel ex eo Ecclesiam sapienter probare vocem accidentis, quod ita existere separatim à subiecto neque ex necessitate, aut ex causa naturali, neque ut plurimum, seu in omni, ut propterea omni pane & vino id eveniat. Nimirum & hoc quoque modo Ecclesia potius respicit ad germanam vocis significationem, quàm ad Doctrinam Porphyrianam, juxta quam nunquam accidens extra subiectum reperitur. Verumtamen hætenus de his.

E X E R C I T A T I O III.

*Quòd ineptè decem Categoria, ut Rerum Classes
distinguantur.*

QVam celebris semper apud Aristoteleos hæc Categoriarum, Prædicamentorum, seu Summorum Generum distributio habita sit, nemo est, qui nesciat, hæc enim est tota suppellex, qua Lycæū instructum est, in quem divitias suas omnes Peripatetici congesserunt, Hinc pro decem Categoriis ita constanter dimicant, ut si quis unam subduxerit, Palladium exportatum putent. Nimirum hæc sunt quasi decem propugnacula ac Turres, quibus nitatur Philosophiæ salus, adeo ut pro illis decertandum sit haud segnius, quàm pro aris & focis. Quocirca mirum videri non debet si vix ulla unquam vox ipsius Categoria frequentior, adeò ut lepidissimè olim Demonax in Herminum Peripateticum, qui in ore semper habebat decem Categorias, ita luserit, *equidem, arbitror, Hermine te non indignum decem Categoriis* (jocus nempe est ex ambiguo vocis, quod Categoria significet vel Prædicamentum, vel accusationem) *Ἐμῖνε, ἐφη, ἀνθρώπος ἀξιότιμος ἡ δέκα κατηγοριῶν.* Verum ut serio dicere de re ipsa aggrediamur, fati opinor circa Textum Aristotelis insinuavimus alienam esse à Di-

E

alectica

quibus & alii totum, & isti adhuc multum tribuunt. Primò igitur, inquit, tot sunt Categorix quot sunt interrogationes, quæ de prima aliqua substantia, ut Socrate fieri possunt; hujusmodi autem interrogationes sunt omninò decem; ecce enim de Socrate quæri potest primò quid sit; & ecce *Substantiam*. Secundò quantus sit, & ecce *Qualitatem*. Quartò quò referatur, ecce *Relationem*. Quintò quid egat, ecce *Actionem*. Sextò quid patiat, ecce *Passionem*. Septimò ubi sit, ecce *Vbi*. Octavò quomodo sit, ecce *Situm*. Nonò quo tempore sit, ecce *Quando*. Decimò quomodo indutus, ecce *Habitus*. Quæso autem quomodo aſint qui ſe jaçant Philoſophos, deductionem hujusmodi pro ratione vendicare? Volunt omnes Categorias diſtinguendas eſſe per ordinem ad primam *Subſtantiam*? Quomodo ergo erunt Claſſes rerum omninò diſtinctarum, ſi tantam cum una connexionem habeant? Quorſum nam quæcumque ſit inter illas diſtinctio, atque conſtitutio ex interrogationibus petitur? Cedo tandem & quorſum plures de eadem prima *Subſtantia* fieri nequeant interrogationes? Quid enim de eodem Socrate quærere mihi amplius non licet an ſit? per quid ſit? cujus cauſa ſit? cum quo ſit? &c. Alia igitur ratio, quæ videatur firmior hæc afferri ſolet. Quidquid eſt vel eſt ſubſtantia vel accidens, ſi *Subſtantia*, hæc conſtituit primam Categoriam, ſi accidens, hoc vel abſolutum, vel reſpectivum, vel mixtum eſt; ſi abſolutum, aut ſequitur materiam, eſtque *Quantitas* faciens ſecundam Categoriam; aut formam; eſtque *Qualitas*, quæ conſtituit tertiam. Si Relativum, eſt *Relatio*, hujus autem eſt quarta Categoria. Si mixtum, vel eſt aliquid in fieri, quod quidem prout eſt ab agente appellatur *Actio*, ecce autem quintam Categoriam; pro ut in patiente recipitur, *Paffio*, ecce verò ſextam. Vel eſt modus quo res conſtituitur, aut in loco tum ſimpliciter, eſtque *Vbi*, ſtatuens ſeptimam; tum cum ordine partium, eſtque *Situs* creans octavam; aut in tempore, & eſt *Quando*, nona Categoria; aut in poſſeſſione veſtis, vel ornatus, eſtque *Habitus*, extrema omnium Categoriarum. Rurſus & alia ratio ſic contexitur (ne in ſingulis ſigillatim rejiciendis tempus conteramus) Omne Ens vel eſt per ſe & propter ſe, vel in alio & propter aliud; ſi prius, eſt *Subſtantia* prima Categoria; ſi poſterius, *Accidens*, cujus novem ſumma capita ita colliguntur, Accidens neceſſarium eſt ut ſubſtantia det, accipiat-ve eſſe, aut ut eſſe conſervetur: ſi prius ſunt duæ Categorix, *Accidens* nempe qua eſſe

tem in habitum, potentiam, &c. quo usque lubuerit? sed & pari quoque ratione cum tu pro tuo jure subdividas Accidens, quid veter quominus meo jure utens Substantiam subdividam in incorpoream & corpoream? Incorporeæ verò quot sunt vel Hierarchiæ vel Ordines tot distinguam Categorías; corpoream rursus subdividam in viventem, & exanimem, sicque in infinitum pergam? lubrica sane via hæc est, & ut iis contingit, qui semel se præcipitavere in declivem locum, ita difficile est reperire ubi pedem figas, ubi consistere recusans in jugo illo Substantiæ, & accidentis bicipiti dedis te in pronam, & latè patentem subdivisionum viam? cur enim consistentia sit in decimo potius, quam in vigesimo vestigio? video quid responsurus sis. Dices enim subdividendum quousque occurrant genera univoca, prima verò esse hæc decem; cætera quippe quæ ab Ente ad ipsa usque interseruntur esse solum analogæ. Attamen primò quorsum hæc potius, quàm illa univoca sunt? Quid enim? nonne si substantia convenit univocè omnibus substantiis, quia illis tribuitur & secundum idem nomen, & secundum eandem generalem per se existendi rationem, accidentibus, quod illis tribuatur & secundum idem nomen & secundum eadem generalem rationem inexistenti? Et si enim non idem sit modus inexistenti omnium accidentium, cum aliud ut loquuntur sit ad *aliud ab*, *aliud circa*; neque etiam est idem modus per se existendi omnium substantiarum, cum aliæ per materiam subsistant, aliæ sine materia; verum ut hæc varietas ad differentias pertinens non tollit univocationem; ita nec illa accidentium diversitas tollere debet, cum ad differentias attineat. Certè enim seu relationi, seu actioni, seu alij perinde ac quantitati, qualitati & aliis, eadem communis competit accidentis notio. Deinde verò cur accidens absolutum non conveniat univocè absolutis omnibus? cur conveniat solum analogicè quantitati, & qualitati? Dico quidquid volueris, eandem ego analogiam deprehendam in quantitate respectu continui ac discreti; neque enim ista duo magis univocè in quantitate conveniunt, quàm in absoluto quantitas, & qualitas; ostendam & dubiò procul non convenire univocè qualitatem suis illis quatuor speciebus. Et maxime quidem cum velis genus omne univocum per duas differ-

furripere. O bellas sane Categorías. O classes rerum admirabiles! nonne qui illas possederit, dignus tibi videtur imperio? cum ego decem summa capita, seu rerum genera audire illustrem quandam distributionem rerum omnium præstolabor, existimabam res omnes sic esse digestas ut sub quibuscumque generibus & præclara omnia & diversa possem observare. Ecce autem primò in his nihil amplius reperio, quàm audirem puer dum mihi enumerarentur Adverba illa temporis, *nunc, hodie, cras*, aut loci, *hic, isthic, illic*. In illis quam terminos duarum aut trium officinarum. Deinde verò omnia video sic remanere confusa, ut Categoriæ omnes includantur vel in uno Acari, cum in illo sint substantia, quantitas, qualitas, relatio, actio, &c. adeòne verò præclarè res distinctæ sunt, quæ in tam exiguo corpusculo permiscentur? Quam celebres quæso possunt esse nundinæ, quæ mercium omnium varietatem in hoc ostentent spatiolo! nisi non ibi imaginariis categorías esse quasi vicos, urbes ut Provincias, è quarum una egrediens, speres statim aliam occurruram, in qua diversissima omnia, & præclarissima exhibeantur? Profecto si categoriæ futuræ erant inter se primò ut loquuntur diversæ, si rerum omnium confusionem debebant prorsus tollere; ea fuerat rerum servanda distinctio ut nihil unius pertineret ad aliam. Id Stoici melius vidisse & observasse videntur, cum id quod est primò diviserunt in corporale, & incorporale, substantia nempe fuit dividenda in varios quasi ordines. Nam accidentia quod attinet, illa nihil amplius sunt, quam satellitium quoddam substantiæ. Unde prout variæ classes varias substantias continerent, ita & propria ipsarum continerent accidentia. Scilicet in magnis hospitibus satis loci reperitur pro famulis absque eo, quod illis paranda sint distincta palatia. Dices Categorías non dici primò diversas, quod contineant res omnino distinctas, sed quod varios modos concipiendi res. Esto ergo, at dicuntur tamen Categoriæ non series & classes rerum, sed conceptuum solummodo; quamquam neque esse possunt series conceptuū prorsus distinctorum. Accidens enim quomodo concipies, non conceptū substantiæ? quomodo situm, aut figuram; quæ est qualitas, non concepta quantitate, atque ita de cæteris? Utcumque sit vides immèrito Categorías dici rerum classes, inter se primò diversas, & maxime

ret instar nimirum illius urbis lucernarum Lucianicæ. Dico enim Categorias esse classes realium entium? At cum Dialectica per te non tam consideret res reales (quia sunt nempe aliarum scientiarum) quam varios concipiendi & prædicandi modos. quæso te, cum dicis Chymæra est figmentum, cæcitas est privatio, exercitus est multitudo, taurus est nomen, &c. nonne hæc perinde sunt propositiones, ac illæ, Socrates est homo, corpus est substantia, virtus est habitus, longitudo est quantitas, &c. Dicis autem in his Categoriam paratos tibi exhibere & concipiendi & prædicandi modos. In illis ergo quid exhibet, siquidem & concipis, & prædicationem instituis? Dicunt aliqui hæc omnia poni indirectè, & reductivè; atque hi quidem humaniores sunt: reducunt enim ut oves errantes, quas alij extra caulas abigunt, at considerare tamen debent immeritò dici exclusæ, ex quo reductæ sunt, cum municipio nempe fruuntur. Alij dicunt nonnulla poni participativè, ut Deum, ut Cælos, cum effectu scilicet Dei & Cælorum ad Categorias jus habeant; hic honor quodammodo redundare censetur in causas. Porro cum minutiora illa ut figmenta, ut privationes rejiciunt, non admodum miror, facile enim omnia, qui delicatiores sunt præter pavonem, rhombumque fastidiunt; & aliunde Categorię sunt illius quasi legiones, in quibus soli sunt veterani, flos juvenum, delecti prima virorum. At cum video ter maximum Deum, Angelum, Cælum, exercitum, aliaque similia excludi, rapior omnino in admirationem, quòd cum nullus sit Principum, qui non dulce habeat Provinciarum fines propagare, isti volentes sic sese coarctent, ac citra ullam necessitatem generosos quoque ramos, ut ex procera sylva refecent.

Omittamus cætera ne res abeat in infinitum, ac ut etiam de substantia difficultatem hanc attingamus, expendamus quam appositè Deus vulgò excludatur à Categoria substantiæ. Primum non video cur si Deus locum in hac Categoria non habeat, collocari possit in loco causarum apud Topicos, in classe Accidentium apud Grammaticos, in serie moventium apud Physicos, & ita de cæteris. Quæ enim potior est ratio? Quippe ut verè Deus est causa ac propterea inter causas, & prima quidem meritò habetur: ita verè est substantia, ut proinde inter substantias numerari valeat, &

G

qui-

VI.

quidem tanquam prima substantia, quia scilicet Deum potiore ratione, quàm Socratem, quàm Bucephalum, quàm hunc lapidem primam substantiam appellaveris, quidnam igitur est substantia? nonne vulgò definiri solet ens per se existens, & id quidem satis sufficienter nisi negare contendas accidens ipsi oppositum sufficienter definiri ens existens in alio? Sanè verò nomine substantiæ audito, nihil subit aliud cogitare, quàm ens subsistens, vel existens, per se. Deus porro ter Maximus nonne verè, ac propriè subsistit? nonne reverà existit per se? Quid dico? nonne solus Deus est, qui verè subsistit per se cùm solus sit independens, absolutus, & ab omni ævo idem immutabiliter perseverans; cætera verò omnia non subsistant nisi quatenus in manu potenti, brachioque Excelsi, ut scriptura loquitur ab illo reguntur, adeò ut ne momento quidem subsistere possent, sed redirent in nihilum, aut antiquum Chaos, si tantillum manum subduceret? Ecquis ergo jure non miretur illud, quod primum ac præcipuum locum habere debebat in Categoria substantiæ, entiumve per se existentium ab illorum serie rejici? Dices substantiam quidem in genere ac prout opponitur accidenti sufficienter definiri ens per se existens, at substantiam Categoricam definiri una adhuc voce addita, ens per se existens finitum, scilicet propter illam conditionem, juxta quam quidquid in Categoria recipitur, finitum est. At quidquid sit, bene res habet, si definitio substantiæ in genere possit Deo convenire; hæc enim est, quæ verè constituat Categoriam substantiarum; quam enim tu facere vis, non tam Categoria est, quàm pars, aut membrum Categoriæ: siquidem cum dicis substantiam finitam, unam tantum speciem usurpas substantiæ. Cedo verò, quid te cogit illam conditionem finiti Categorico enti assignere? nempe ut in particulari possis deinde excludere Deum à Categoria substantiæ. At desiste apponere illam conditionem, deincepsque Deum sine periculo in Categoria comprehendes. Quid præscribis Categoriæ tam angustos limites? permitte ipsi potiùs, quàm maximam licet amplitudinem; ne & tu cogaris multa incomprehensa relinquere, & quisquis alius pari jure condiciones apponat, ex quibus appositis hoc vel illud rejiciat, sicque Categoria demum ut nudata plurimis risum moveat. Ecce nimirum exemplo tuo alius apponit conditionem

onem corporalitatis, alius corruptibilitatis. Cur igitur isti non possint pari jure, Angelos, Cælosque rejicere, cùm pari jure ac tu suppositiones faciant. Et si quis alius supponere velit tanquam conditionem ens Categoricum debere esse inanime, quorsum tu illi objicies quòd immeritò viventia excludat? Ut enim tu dicas substantiam Categoricam esse ens per se existens finitum; ille alius ens per se existens finitum corporeum; alius per se existens finitum, corporeum, corruptibile. sic iste definiet ens per se existens finitum corporeum corruptibile non vivens. Cur enim tibi illud, his ista non liceant? Neque enim finitudo, aut infinitudo, magis facit ad rationem substantiæ, quàm corporietas aut incorporeitas aut conditionum cæterarum ulla. Et scio quidem te posse illud & quidvis aliud supponere: id enim cui non liceat? at absurdum est facere suppositiones non necessarias.

Dices necessariò ita fieri, quòd infinitæ Naturæ repugnet includi in Categoria. Scilicet tu Categoriam imaginariæ, quasi carcerem, in quem nihil possit ingredi sine jactura libertatis. Nonne vides Categoriam nihil esse aliud, quàm negotiationem Intellectus nostri ad eandem classem referentis omnia, quæ aliquo eodem conceptu generali apprehenduntur? anne Intellectus propterea injicit quasi compedes infinitæ Dei naturæ, ut in Categoria quasi reluctantem detineat? aut putas fortè Categoriam esse velut classes, quibus mens nostra, ut alter Vulcanus tantum Martem irretire, ludibrioque dare contendat? cum Intellectus Deum ponit in Categoriæ substantiæ, nihil aliud quam concipit ipsum, ut per se existens, quomodo etiam cæteræ substantiæ dicuntur existere, an si aliunde Natura Divina infinita est, conceptus hujusmodi adimit ipsi infinitatem? certè non magis quam infinitatem addit lapidi dum concipit ens per se existens. Quod si id putes consequi, cur pateris quoque Deum habere locum in loco caufarum; perinde enim timendum est ne ibi inclusus immensitatem suam amittat, & Briareo quodam sit opus, ut quibus ibi detineatur, perrumpere possit vincula. Pari modo ferre non debes Grammaticum ponere Deum inter nomina, siquidem Deum quatuor literis, ut quatuor domus angulis definiat. Quid quòd ne infinitum quidem nominare audendum est, siquidem infinitas coarctatur paucis istis literis, ac syllabis. Cogita igitur, ô bone, Ca-

VII.

tegoriis includi non res ipsas, sed conceptus rerum & nomina solum; aded ut res in sua natura sive infinita relinquantur; nos verò finitis semper exprimamus conceptibus, & vocibus; alioquin enim si tu putes res ipsas in Categoriis includi, indica mihi ubinam sint? ostende mihi ubinam sit Categoria ista substantiæ, quæ totum Cælorum ambitum contineat? monstra mihi si potes ipsam in rerum natura cum digestis illis suis loculamentis, quibus hæc & alia distincta excipiat. Crede mihi, has Categorias neque supra Cælum, neque in centro Terræ, neque in Aere, neque alibi invenes, sed solum vel mente conceptas vel voce expressas, vel in charta exaratas (eo modo quo vulgò depingunt Porphyrianam arborem) contueri licebit: ut proinde nihil sit timendum infinitæ Dei naturæ, nisi timendum asseras quòd concipiatur, quòd nominetur, quòd scribatur. At inquires, quidquid est in Categoria, limitatæ naturæ est, vel enim est aliquid commune, vel aliquid individuum. Si commune, aut id per differentiam ad individuum contrahitur; si verò individuum, eo ipso contractum quid est, ac proinde limitatum. Respondeo tamen, quidquid est Categoria eo ipso quid est, non propterea limitari, sed retinere semper naturam, quam habet seu limitatam, seu illimitatam, neque enim immutationem ullam ab Intellectu Categoriā fabricante patitur, sed solum excipitur ut res quædam ab aliis distincta pro genio Categoriæ. Quamobrem nego limitatum esse ex natura sua, quod est in Categoria, potiusquam illimitatum. Cùm autem opponis illud esse vel quid commune, vel quid Individuum, concedo, ac simul tamen pernego neutrum posse esse infinitum. Primò enim cum bene multi magni nominis Doctores fateantur posse divinitus infinitam cum magnitudinem, tum magnitudinem dari; nonne potest quantitas dividi in finitam & infinitam tanquam in duas species, ac deinde infinita nonne potest subdividi in magnitudinem infinitam, ac in finitum numerum, ut sit proinde illis quid commune? Secundò autem ex hoc nonne sequitur ut possit quoque in quantitate reperiri infinitum individuum, ut infinita quædam linea. Neque dicas non esse hanc infinitatem secundum essentiam, sed secundum extensionem solum, siquidem quidquid hoc sit (de quo paulò post) satis est ut jam intelligamus non re-

pug-

pugnare ut aliquid sit seu commune, seu individuum, in Categoria existens simul infinitum sit. Vnde quod dicis contrahi, non facit ut imaginemur contradictionem infinitatis, ut si infinita linea ad Categoriā reducta contraheretur quasi ad punctum, sed sensus solummodo est, quod Intellectus noster concipiat infinitum aliquod distinctè ab aliis rebus. Et contrahi genus per differentiam nihil aliud est, quàm concipi speciem, cujus fuerit conceptum genus. Neque enim est aliud contrahi genus infinitæ quantitatis ad infinitam magnitudinem, quàm concipi ipsammet magnitudinem infinitam, quasi condistinctam ab infinita multitudine sub eodem genere quantitatis. Quæ enim alia contractio est, aut quod torcular esse putas, quo genus prematur, dum per differentiam dicis contrahi?

Dico igitur ex his infinitatem Divinam nullam propterea contractionem. vel limitationem pati. Quare & ad illud etiam quod VIII.
 alio modo obijciunt, id quod ponitur in Categoria limitari per genus & differentiam; Respondeo similiter eatenus dici limitari, quatenus exprimi potest duobus conceptibus, altero communi, & altero proprio, absque eo quod propterea ulla vis ipsis inferatur, adeo ut minùs latè pateat, quàm patere appeteret. Quis porro neget Deum concipi modò conceptu quodam communi? neque enim dici potest vel ens, vel substantia, quin concipiatur ut quidpiam habens cum cæteris rebus commune. Quis conceptu etiam proprio? neque enim dici potest independens, Creator rerum, beatissimus, &c. quin ut peculiare quid apprehendatur: Atqui illud genus est; hoc autem differentia. Verùm per neutrum, aut per utrumque Deus, propterea limitatur. Sed quæcunque ibi potest esse limitatio penes actionem Intellectus est, quæ neque infinita est, neque infinite potest apprehendere infinitum Deum, quem bene tamen apprehendit tum ut habentem nomina communia cum cæteris rebus, tum ut habentem differentiam, per quam sit una quædam res à cæteris omnibus distincta. Dices, sequeretur ergo ex his posse Deum definiri, cum ab omnibus tamen admittatur esse indefinibilem? Respondeo imprimis non esse consequentiam necessariam, quatenus non possumus quidquid est in Categoria ob differentiarum ignorance[m] definire. Deinde dico Deum

Deum in tantum posse definiri, in quantum est cognoscibilis. Et quidem quod Deus seipsum perfectè definire possit, quis neget? nos autem quod attinet, nonne querenti quid sit Deus? responderi solet esse summum ens, infinitum, perfectissimum, & summe beatum, vel substantiam independentem, sapientissimam, creatricem, &c. Hoc vero quid aliud est, quàm Deum definire? Neque enim alio artificio definimus cæteras res, quàm asserendo aliquid commune, quod sit genus, tum quascunque maxime proprias proprietates possumus, quæ faciant differentiam. Dicitur autem vulgo Deus indefinibilis, intellige tamen nobis, & perfecta definitione, quod scilicet non liceat nobis ipsum perfectè cognoscere? Rogabis quonam verò modo quæ essentia infinita est habere potest certum genus, certamque differentiam? at imaginare genus & differentiam non esse duas entitates in ipsa metre, sed Intellectum esse nominatum, qui illa discernat propter similitudinem, & diversitatem, quàm habet cum cæteris rebus modo super exposito: adeo proinde ut essentia rei possit esse simul infinita, & præbere tamen anam Intellectui apprehendendi in se & genus & differentiam, quæ valoris sint infiniti. Siquidem & differre potest ab aliis essentiis per seipsam, seu per aliquid quod sit infinitum, & convenire in attributis aliis, seposita infinitate. Hinc etiam quod vulgo obijciunt repugnare simplicitati naturæ Divinæ compositionem hujusmodi ex genere & differentia, nullo negotio solvitur, cum & nulla à parte rei compositio sit, & maxima Theologorum pars distinctionem rationis admittat inter attributa Divina, quæ nulla major admittenda est inter genus & differentiam. Rursus ad id, quod urgetur continere Deum perfectiones omnium generum seu Categoriarum, ac proinde omnes transcendere; Concedo quidem continere Deum eminenter perfectiones omnium generum, at hoc non ob stare quin possit unius determinati esse generis, quemadmodum Sol licet contineat eminenter, & plures substantias & omnia ferè omnis generis accidentia corporea, in genere tamen substantiæ determinatio collocatur. Vnde & cum instant transcendere Deum omnes Categorias; Respondeo transcendere non ut prædicata illa communia, sed tanquam omnium, quæ in Categoriis reponuntur nobilissimum, absque eo quod proprie-
rea

rea omnibus excludatur. Quemadmodum licet Rex dignitate præstat omnibus Regni incolis, qui in variis civitatibus sunt, non obstat hoc tamen quin & ipse unus homo sit, & in aliqua civitate resideat.

Scrupulum adhuc injiciunt nonnulli, quod non videatur posse abstrahi conceptus ullus, qui Deo & creaturarum sit communis & univocus, cujusmodi tamen videtur ad Categoriam exigi. Verum tamen ut taceam si non sit univocatio, debere analogiam abundè sufficere, quod antè insinuavimus; ut taceam item Scotistas fateri univocè Deo & creaturis convenire, dico ut nihil recedam ex Principiis communibus tam nomen, quàm definitionem substantiæ verè ac formaliter convenire Deo, & creaturis, quare & convenire ipsis substantiam sive conceptum substantiæ abstractum univocè. Neque verò dicas ibi reperiri dependentiam per quam tollatur univocatio, inveniatur analogia; siquidem causalis hæc dependentia id non facit, alioquin dicam hominem non esse quid univocum ad Sophroniscum, & Socratem, cum ibi sit dependentia. Urgebis, erit igitur conceptus quispiam abstrahibilis Deo ipso superior? sed quidni sit? cum nemo neget conceptum esse Deo superiorem. At quàm absurdum est inquires, subicere Deum, & facere quidpiam superius Deo. Hui! amice, hucne contendeabas? inverte ergo Categoriam, ut Plato ille non erubuit arborem inversam ex homine facere; sic enim quod est in Categoria summum, fiet infimum, poteritque Deus demùm remanere superior. Quid enim te prohibeat, cum tota hæc superiorum, & inferiorum distractio res ipsas non tangat, sed Intellectus solummodò illas machinetur, ut propositiones, quas vocat directas contexat: procul autem dubio idem faceret si inverso ordine subjecta propositionum superiora imaginaretur, prædicata verò inferiora. Quod si id nolis, cave unquam dicas, Deus est bonus; sed dicito bonus est Deus, ne priore modo loquendo Deum subjectum facias. Instabis, quomodonam tandem ponetur Deus in superiorum, aut inferiorum serie; neque enim videtur posse poni, vel ut genus, vel ut species, vel ut individuum. Non enim primò genus aut species, quoniam hoc modo plures sub se vel specie vel numero distinctos Deos containeret, quod dicere est impium. At nec secundo, ut individuum, siquidem individu-

Um omne ponitur sub aliqua specie, illa autem species esse non potest, quin propter tale individuum vel sit vel esse possit aliud. Porro neque est neque esse potest alius Deus præter unum. Respondeo tamen ut neque in hoc terminos communes, receptosque prætergrediar, respondeo, inquam; Deum esse maximè individuum. Quod dicitur autem individuum collocari sub aliqua specie, verum est, cum & esse prius alia individua, & gradus specificus latius patet quàm individualis, at verò secus res se habet in proposito; idem est ac si nullus esse posset equus præter Bucephalum in Mundo. Ut enim tunc gradus Bucephali & equi essent prorsus unus & idem, illæque duæ voces Sinonymæ forent, sic in re præsentī cum dicimus Deum infinitam substantiam, hæc duo sunt tantum synonyma, neque ibi sunt duo gradus, alius alio patentior, seu non est specificus distinctus ab individuali. Ponitur itaque Deus immediatè sub genere substantiæ summo, vel sub genere substantiæ incorporeæ. Sed dices individuum definiri à Porphyrio, id quod ponitur sub specie. Ut Paradoxicas tamen quas asserre possem responsiones præteream, dico definiri etiam individuum à Porphyrio id, quod de uno solo prædicatur, quare & nisi illa quadret, istam saltem Deo, ut individuo convenire. At jam multa nimis hac de re.

X.

Sequitur ut celebris quoque difficultas seligatur de Quantitatis essentia, quæ sic explicatur à nostris, ut cum nulla esse videatur quantitate evidentior, nulla jam dici possit obscurior. Et fateor quidem Eucharisticum quod Fides nostra tuetur Mysterium aliquam posse huic materiæ difficultatem conciliare. At si possimus optimè ineffabile Mysterium tueri, & notionem quantitatis claram nihilominus retinere, cur id eligendum non sit? primum igitur cum sit in confesso quantitatis essentiam in extensione consistere (de continua enim & corporea difficultas excitatur) videtur mihi hæc extensio nulla alia esse, quàm hæc rerum extensio, quæ oculis patet, quæque mensurari, dividi, & considerari solet secundum longitudinem, latitudinem ac profunditatem, & quæ rursus ejus est naturæ, ut rem extensam sic faciat commensurabilem loco, ut singulis ejus partibus totidem loci partes respondeant. Multa hîc dico, sed si velis brevius, nihil aliud dico quantitatis essentiam, quàm extensionem externam, ut vocant. Enim vero quæso ex te quidnam aliud concipimus quantitatis nomine audito, quàm ejusmodi extensionem? Volunt quidem

dem communiter distingui aliam extensionem, quam internam nominant, in qua constituta sit quantitatis essentia, & cujus hæc, quam asserimus nihil sit aliud quàm proprietas. Attamen quæso per Deum immortalem, qualisnam est ista interna extensio: Dicunt esse positionem partium extra partes in ordine ad se? adeò ut in homine v. c. positum sit caput extra collum, collum extra thoracem, thorax extra brachia, &c. porro ex hac positione sequi deinde ut proprietatem positionem partium extra partes in ordine ad locum, quæ sit extensio, quam nos dicimus. Verùm cum ponuntur partes extra partes, aut eo ipso commensurationem cum partibus loci accipiunt, aut non: si primum, una est tantum, eaque nostra opinio; si secundum, tum revera nulla est extensio; quare & nulla quantitas. Hic non multum tergiversantur, sed dant statim sic posse has duas extensiones separari, ut rejectâ externâ, interna adhuc perseveret. Et si quæras possit ne corpus quantum v. c. mons sic spoliari sua ista externa magnitudine, ut ad punctum mons totus confluat, & nihilominus suam adhuc internam extensionem ac proinde etiam quantitatem retineat; hoc ipsum est quod profitentur, ac defendunt pro aris & focis. Verumtamen quæso bona fide quamnam extensionem in puncto concipias? quamnam magnitudinem in eo, cujus pars nulla? Dices remanere adhuc extensionem partium in ordine ad se: at quomodo potest esse ordo partium, ubi nec superius nec inferius, nec ulla omninò alia positionum differentia est? sunt ordinatæ, inquis, partes inter se: at quomodo potius non sunt confusissimæ inter se, quæ in tam angustum spatium coaluerunt? Dicis montis verticem esse adhuc extra medium, & medium extra radicem: at quonam modo hoc esse potest cum & vertex & medium & radix & aliæ omnes omninò partes simul ac in Atomo sint, neque liceat designare ut dicere possis hic verticem esse potiusquam radicem, medium, potiusquam verticem? Recurris semper istud esse ex eo quòd mons nullam partium positionem in ordine ad locum habeat. Mihi tamen crede, si sit ulla partium extensio in ordine ad se, non fit hoc absque eo, quod illæ sic positæ sint ut una hanc, alia illam loci partem possideat, adeò ut si sitalem hanc & ordinatam in loco extensionem sustuleris, non possint partes ullum ordinem retinere inter se, sed necessariò prorsus confundantur. Et recurre

H

quan-

quantum volueris, sic enim vincas per me licet, at quidquid effutieris, non evinces tamen opinor, ut si quis seriò attenderit, magnitudinem, extensionem, quantitatem ullam valeat in puncto agnoscere.

XI.

Oppones, quid si hoc nos Sacra Fides asserere cogat? sanè si cogat, ego statim, lubentissimèque idem tueor; non quidem quòd quantitatis ullam ibi umbram naturali iudicio pervideam, sed quòd constanter arripiendum mihi proposuerim quidquid Fides Orthodoxa dicat, nihil cunctando quòd ridiculum, aut incredibile videatur. Cæterùm autem si Sacra Fides hoc ipsum non determinàrit, cur vis imponam mihi jugum, quòd præstabilius sit excutere? cur vis gratis & absque ulla credendi necessitate crucem figam Intellectui, quem sufficit cogere in iis, quæ necessaria creditu sunt? Dices teneri nos credere Christi corpus esse sub Eucharisticis speciebus cum tota eadem quantitate, quam habet in Cælo, adedò ut si in Cælo fuerit altitudinis v.c. quinque pedum, ejusdem esse debeat sub exili quoque fragmento hostiolæ. Age tamen, quomodo id probas? habes-ne Concilium, Decretum, aut ullam omninò Ecclesiæ determinationem, quæ teneri me ad illud credendum persuadeas? Concilia sunt, quæ profitentur verum Christi Corpus & Sanguinem in Sacramento Altaris sub speciebus panis & vini veraciter contineri, transubstantiatis pane in corpus, & vino in sanguinem potestate divina: & quæ explicatius adhuc pronunciant *Anathema*, si quis negaverit in sanctissimo Eucharistiæ sacramento contineri verè, realiter, substantialiter Corpus & Sanguinem unà cum Anima, & Divinitate Domini IESU CHRISTI (quòd habet Concilium Latenraense sub Innocentio III. de Fide Catholica can. 1. & Concilium Tridentinum sessione 3. can. 1.) Quare & ego hisce Decretis subscribo, & consentio. Fateor scilicet in hoc Sacramento contineri veram, realèmq; substantiam Corporis Dominici, quòd credere ex Conciliis contineri transubstantiatione, & substantialiter; at cur teneas credere contineri quoque ibi veram quantitatem corporis cùm Concilium nullum dixerit contineri quantitativè? quid quòd astringi potiùs videmur ad credendum quòd nulla sit ibi Corporis Christi quantitas;

titas; quòd in Atomo consistat; quòd perinde invisibiliter, ac indivisibiliter sit, ac sunt res merè spirituales incorporeæ, & minimè quantæ; quòd hujus tanti Mysterij difficultas, & altitudo in eo consistat maximè, ut admiremur quomodo substantia tanti corporis denudari extensione, occupationèque loci sensibilibis valeat. Dices cùm Concilia pronunciant esse ibi corpus substantialiter, subinferendum necessariò esse etiam quantitativè, quòd substantia corporea trahat unà quantitatem per concomitantiam. Verum tamen si de tractione & concomitantia naturali loqueris; nonne pari necessitate & externa extensio, & loci occupatio, & similia sunt subinferenda? At quoniam fatendum est virtute supernaturali præscindi hinc aliquid, quod naturali tractione concomitetur, cur illud sit potiùs aliud quilibet, quam ipsamet quantitas, quæ cum substantia corporis extensionem non habeat, censeatur arceri à concomitantia substantiæ talis corporis? Sanè hoc longè minus molestiæ creat Intellectui esse in hoc Sacramento substantiam magni corporis redactam ad Atomum, quòd quantitate destituta, destituta quoque extensione sit, quàm quod retenta sua quantitate in individuo maneat collocata. Objicies quidem denegandum potentiæ Divinæ non esse, quin quantitatem sine externa extensione conservare valeat. Attamen hinc non quæritur quid vel possibile sit, vel impossibile factu, sed solùm quid re ipsa fiat. Cum verò subscribentibus Doctoribus bene multis affirmare liceat posse substantiam divinitus conservari sine quantitate, quid nunc id liceat assumere? At inquires, Corpus Christi Domini non est in Eucharistia sine capite, brachiis, cæterisque partibus, quomodo autem hæc partes intelligere liceat sine aliqua extensione, ac proinde sine quantitate? quomodo defendere liceat non effici inde aliquid planè homogeneum, & absque ulla penitus organica distinctione, ac dispositione partium? Quomodo liceat figuram, colorem, cæteraque hujusmodi, quæ quantitatem consequantur, Accidentia imaginari? Quomodo tandem aliud, quàm ens monstruosum, & præposterum liceat omninò concipere? Ut quid tamen ista nobis objiçantur specialiter cum eadem solvenda sint communi senten-

tia propter coëxistentiam partium omnium gloriosi Corporis in spaciolo, quod sensibilem omnem extensionem, distinctionem, subjectionem, dispositionem fugiat. Omitto quod responderi posset ex multorum placito, entitativas partes superesse; quæ substantiæ citra subsidium quantitatis convenient, quæque istis incommodis denodandis sufficere possint. Præterea quod adjici posset, esse ibi partes omnes reverà secundum substantiam, at non habere eam extensionem, distinctionem, &c. quæ habent in Cælo, quod perinde ac in cælo non sint ibi secundum suam quantitatem, aliæque similia. Placet autem cum utcumque hoc Mysterium accipias, humanæ mentis captus excedatur referre quidquid in ipso mirum, ac inimaginabile, si modus ipsius foret nobis pervestigabilis, existimas tu melius posse secundum sententiam communem intelligi quomodo nulla sit ibi confusio partium corporis, cum eadem omnes sint in eisdem omnibus Hostiæ partibus; ac proinde in apice caput simul et tibia. Ego neutro vel nullo modo video id posse percipi, quare & solum adorandum censeo incomprehensibilem Dei majestatem, & potentiam, Authorem puta operis tanti cujus ego intelligendi, perscrutandique sum incapax. Est in Mysterio Eucharistiæ Corpus & Sanguis Christi Domini, hoc est mihi satis. At quonam modo ibi est? an sedens, an stans? quid molitur? &c. hoc ignorare me fateor neque volo ob Fidei reverentiam inquirere: hoc unum scio: esse ibi Corpus Christi, & esse quemadmodum vult. Ut quid autem divini ipsius potentie nomen dem, ut modis ibi innumeris, mihi que incognitis existere valeat. Sed alibi Deo volente plura hac de re.

XII.

Circa de Relationem hoc unum observare & mirari licet qua ratione entibus realibus adnumeretur. Ac ne quis statim initio Relationes divinas objiciat, fateor me de illis non loqui; nam & nolunt communiter illas esse prædicamentales, & revera alterius longè rationis sunt, quàm cætera, siquidem est verum per illas constitui personas divinas, adeo, ut cum in rebus creatis, paternitas v. c. ad productionem filij in patre jam antè constituto consequatur, paternitas tamen divina intelligatur primam personam constituere antequam & ut filius produci posse intelligatur. Loquor igitur de quacumque alia, quæ mihi sanè nihil amplius videtur, quam id quod vul-

gò denominationem extrinsecam nominant. Hæreamus in unica cùm par sit de cæteris ratio. Similitudo est Relatio, quæ parieti albo advenire dicitur quoties alicubi gentiû constructur alius paries albus. Ejusmodi verò relationem volunt esse reale ens, quod cùm antea non adesset, parieti de novo adsit, & quod ubi alius paries denigrabitur, aut dissolvetur, pereat. Attamen, quæso, bona fide intueri quendam parietem album, cùm alibi alios albos extrui, diruive intelligis, ac tum si ejusmodi Relationis entitatem accidere videas, aut abscedere; Phyllida sanè solus habeto. Deum immortalem! nonne hoc est simile portento! est paries albus in Gallia, deatbatur alius apud Indos, ecquis hic eodem momento renunciat quid illic agetur, ut hic paries statim novam entitatem, ut lætitiæ indumentum induat? Quid si in variis Mundi partibus dena millia parietum alborum, ut fieri potest, simul construantur, an non miser hic paries, ut Vestalis illa obruetur tot superjectis montibus? Quid quòd debet perpetuò esse obrutus, cùm innumeri penè sint parietes albi, ad quos singulos singulares relationes convestitas habeat. Quid dico? nonne & relationes habet dissimilitudinis ad omnes parietes nigros, rubeos, cæterorumque colorum? Amplius addo, nihil est in Mundo seu substantia, seu acidens, seu spirituale, corporeum, seu vivens; seu innanime, &c. ad quod idem hic paries relationem aliquam similitudinis, diversitatis, aliàsque non habeat. Annon putas igitur Herculeum laborem illum sustinere, qui tot entia sustineat, nisi fortè ut tenues umbras relationes concipis, quarum nullum penitus sit pondus, aut potius hic paries perinde se habeat, ac jlla.

*Ulinus opaca, ingens, quam sedem somnia vulgo
Vana tenere ferunt, foliisque sub omnibus hærent.*

Virg. 6
Æn.

Excute ergo & somnium, & somnum, ut nihil aliud in pariete videas, & intelligas, quam unam albedinem. Sanè verò sunt & bene multi, qui cùm velint albedinem esse similitudinis fundamentum, tuentur relationem non habere entitatem realem distinctam ab albedine, sed esse ipsammet albedinem, non absolutè tamen sumptam, sed prout albedinem aham respiciat. Quæsierim tamen ex ipsis an albedo sit duplex entitas, an una? aut cum

adeſt ſola abſoluta entitas, quæ pauperior & minutor ſit, quàm cum adeſt relativa? Volunt eſſe in pariete novum quid reale, cùm parietem novum reſpicit, quem ut terminum connotet? Prætereo quibus oculis parietem reſpiciat, aut qua cretâ connotet? quæro ſolùm quomodo nova iſta entitas ipſi appingatur? neque enim faber, qui parietem dealbat in India, producere ſimul illum poteſt in pariete in Gallia jam exiſtente. Et paries hic ita poteſt eſſe ſolitarius ut aliud agens aliquid accipiat, præter araneam non habet: Relatio porro telis aranearum eſt infinitè ſubtilior. Reſpondent non produci quidem per reale mutationem, quæ ab agente extrinſeca ſit, ſed pullulare ut loquuntur per naturalem reſultantiam, intrinſecam-ve emanationem. Et mirum dictu quomodo tam ſupercilioſe iſtud defendatur! Quære enim quid hic vocent iſtud pullulare, quomodo preſſa relatio ſuſcitet, quæ ſit interna illa ſcaturigo ex qua ſponte fluat? quis ſit modus emanationis? quomodo latens relatio ſub pariete audiat & intelligat dealbari parietem in India, ut proinde ſtatim ac citius, quam è terra fungus erumpat, emergat, proſiliat, aliaque ſimilia, quàm eris auſterus ſi riſum contineas? Quid facias verò cùm aliquos jaſtantes audieris Relationem eſſe minimæ entitatis, ut entium cæterorum inſtar produci proinde non debeat, cum eſſe non aliquid, ſed ad aliquid; & rogatos num iſtud ad aliquid ſit reverà aliquid, inſiſtentes in eo, ut vallo tutiſſimo videris quod non ſit aliquid, ſed ad aliquid: an riſu dignum, an potius commiſeratione putabis? Dixi porro ejuſmodi omnem relationem, quam vocant realem, nihil videri amplius, quàm extrinſecam denominationem, quæ ipſis eſt ſolum relatio rationis, ut cum paries denominatur dexter ab animali, quod ipſi dexteram obverterit. Sanè enim non amplius commutatur paries ob conversionem dextræ partis animalis, quàm ob extruſionem alterius parietis, ipſique prorsus perinde eſt ſeu animal connectat lævam, ſeu alius paties denigretur. Verum quid in re immeret, quæ tantillula egeat attentione?

XIII.

De Qualitate, & hoc ſolum attingendum eſt, cur ejus proprium eſſe dicatur, ut magis, minusque ſuſcipiat; cæteris quippe Categoriis vel idem juris non tribuunt, ut ſubſtantię & quantitati, vel

vel si tribuunt, beneficio qualitatis alicujus faciunt, ut relationi, & actioni cum si ex duobus albis unum dicatur tertio magis simile, aut ex duobus calidis, unum magis calefaciat, id fiat propter intensiorem albedinem, aut calorem, quæ nimirum qualitates sunt. Age ergo, cur id solius qualitatis proprium & tanto quidem cum rigore faciunt? Cedo enim ut difficultas coarctetur ad unam substantiam. Cedo inquam, cur & substantiæ idem juris non concedamus? supponamus scilicet hoc loco formas, quæ dicuntur rerum naturalium esse verè substantiales, seu substantias aliquas, etsi suo loco ostensuri simus esse solum accidentia, ac fortassis etiam qualitates sed alterius generis, supponamus tamen, inquam, esse verè substantias; quid obest quominus dicantur suscipere magis & minus, perinde ac albedo, calor, qualitatésque cæteræ? Quæso te enim quid aliud est suscipere albedinem magis & minus, nisi quòd cum supponatur albedo quædam maxima, qualis v. c. nivis, aliquod subjectum censeatur esse tanto magis album, quanto propius ad illam summam albedinem accesserit, ac tanto minus, quanto remotius? quo eodem modo magis & minus calor suscipit, supposito enim summo aliquo ut ferri candentis calore, judicamus aliquid esse vel nimis calidum prout pluribus gradibus accedit ad illam, vel recedit. Nam & distinguunt plures gradus in hisce qualitatibus per quos à minimo usque ascendatur ad maximum, & econtrà descendatur; cum & aliundè hîc præsertim locum illud Axioma habeat, *Summum in unoquoque genere est mensura cæterorum*. Neque enim alio modo videmur discernere calidorum variorum calores, nisi comparando ad aliquem summum, cujus perfectionem iuxta plures vel pauciores gradus, seu quod est idem, magis & minus à diversis calidis participari intelligamus. Porro cur idem in substantia seu formis substantialibus imaginari non liceat? accipiamus quippe in æquivoco v. c. genere formam substantialem, seu Animam Bucephali tanquam omnium præstantissimam; nonne cæteræ Animæ aliorum equorum tanto magis vel minus perfectæ, & generosæ censebuntur, quanto vel magis vel minus ad illam accesserint? nonne vero & ex duobus equis uno valde generoso, altero prorsus degenero illum isti antipones, & quidem non ob aliam rationem, quàm quod perfe-

perfectionem equinam ille magis, hic minus possideat? hoc autem quid est aliud quàm formam substantialem equi suscipere magis & minus? Dices fortè primò, hoc magis & minus esse secundum Qualitates, nempe robur, celeritatem, dispositionem membrorum, aliaque similia, non secundum Animam, sive formam substantialem. Attamen verò quæso ex te undenam insint in equo hujusmodi Qualitates? certè non ex materia, quæ præterquam quod iners est, sine illis perseverat in equino cadavere, igitur ex ipsa forma; at si forma secundum se & in sua substantia perfecta magis vel minus non est in uno equo, quam in alio, undenam est hæc differentia, seu major vel minor perfectio harum qualitarum? nonne de scaturigine judicatur ex rivulis? nisi fortè putas omnes fontes æqualis esse bonitatis licet rivulus ex se fundant bonitatis valde disparis? Neque verò dicas id peti ex magis vel minus dispositis organis, nam cùm formæ illæ dicantur educi de potentia ex qua simul elaborantur hujusmodi organa, profectò ut materia magis vel minus disponitur ad perfectionem organorum, ita etiam ad perfectionem ipsarum formarum disposita erit. Quare prout organa magis, vel minus perfecta sint, formæ quoque ipsæ secundum suum esse substantiale magis vel minus perfectæ erunt: Quæ enim causa esse potest ut ex malè affecta, ac disposita materia emergat forma tantæ perfectionis quantæ est illa, quæ ex optimè disposita exoritur? Taceo scilicet quòd seclusis qualitatibus, organisque nullum tibi supersit indicium quamobrem in tanta Equorum diversitate formæ omnes inter se æqualis perfectionis sint, unde enim id conjectaris? Ego qui tribuq; inæqualitatem, argumentum habeo inæqualitatem proprietatum: at tibi quidnam suppetit hujusmodi æqualitatis? Dicere enim quod substantia magis, minusque non suscipiat, est absurdè petere principium. Sed te fortassis remoratur, quòd cùm dicamus hunc parietem esse magis album, quam illum; non dicamus tamen hunc equum esse magis equum, quàm illum. licet dicamus magis velocem, magis robustum, &c. Verumtamen imprimis non video cur non liceat dicere generosum equum magis esse equum quàm degenerem, & maximè cùm sensus sit supposita perfectione naturali; quæ in equo exigitur illum plures,

plures, hunc pauciores possidere gradus hujus perfectionis. Et quid quid sit de usu hujusmodi phraeon introducto fortè ex approbatione Aristoteleæ sententiæ, parum est dum constet de re. Nam & usus etiam non fert ut dicamus hanc albedinem esse magis albedinem quàm illam, cum reverà tamen constet posse contrarium asseri, & maxime cum per illam sit, & dicatur aliquid magis album, quàm per hanc. Quod enim dici posset essentias rerum in Individuo consistere, examinendum occurreret in ipsis Metaphysicis. Dices iterum hoc magis & minus accipiendum esse penes eandem vel qualitatem vel substantiam, adèò ut intelligamus eundem calorem v. c. cum sit vehementior, intendique, dicitur accipere magis; cum vero decrescit & remittitur, accipere minus. Quod idem tamen intelligi, dicique non possit de substantiali aliqua forma, ut de Equina Anima. Verùm id quoque intelligi, ac dici quì nequeat? nonne ut calor aquæ igni admotæ initio est insensibilis, ac deinde sensim augetur, evadat tandem maximus; eodem modo Anima equi est initio debilissima, succedente vero tempore ita invalescit ut robustissima tandem sit? nonne & ut calor ille de fervescente aqua lentescit, ac Anima quoque ita senescente equo languescit? attende quæso, & videbis omnia esse paria: ut proinde eadem Anima intelligi ac dici possit magis, minusque suscipere. Credere enim Animam æqualis esse semper perfectionis secundum se videtur nimis ridiculum. Ad id autem quod dici posset incrementum & excrementum esse solum penes proprietates, visum jam est quid dicendum sit. Dicere verò quod substantiæ non possint esse varii gradus, quales finguntur esse qualitates, est merè gratis, & principia potendo ratiocinari. Nam & seu per radicationem majorem (quod sanè quid sit explicari non potest) seu quocumque tandem alio modo intelligas fieri additionem gradus ad gradum, cum qualitas suscipere magis, seu intendi dicitur, eodem planè modo fieri posse circa substantiam comperies. At plura tamen in Physicis, cum de Formis, cum de Elementis, cum de Anima disputabitur.

Ad cæteras Categorias venio, de quibus mirum dictu est, quàm multa inquiri generatim soleant, cum nonnulli scilicet defendant ipsas constitui per aliquid absolutum, alii per aliquid relativum, aliqui per aliquid mixtum; item nonnulli per relationes extrinsecus

advenientes, aliqui per relationes secundum dici, cæteri per reales modos, &c. Quasi verò si ista sint generasumma, & primò diversa habere debeant aliquid commune præter Ens, aut ipsum certè accidens? Quasi actioni v. c. & situi, itémque quando & habitui rationes illas generales facile sit tribuere; Quasi si ista sex habeant aliquid commune ad unam tantum Categoriam pertinere non debeant, vel si non pertinent quatuor illæ Qualitates, species non debeant quatuor speciales constituere Categorias; quæ enim minor ratio est? an habitus & figura in una aliqua ratione communi magis conveniunt quàm actio, & passio; quàm ubi & quando? quasi tandem admodum solers ista Philosophia sit, ut proinde actio definiatur modus adveniens rei, qui explicetur per *esse ab*; passio modus, quæ explicetur per *esse in*; Ubi modus, qui per *esse circa*, aut alicubi, &c. Nisi fortè existimes explicari quid sit iste modus ita generaliter sumptus? Quære enim quid per modum hujusmodi intelligant, & dispeream nisi perpulcrum spectaculum tibi exhibeatur. Sed nimirum nosse vis undenam venerit in mentem nostris hisce Philosophis comminiscendi aliquid commune postremis sex Prædicamentis? Cùm viderent Aristotelem singulis capitibus explicuisse singulas superiores Categorias, existimârunt ipsas esse omninò inter se distinctas, atque aded non disputârunt quid commune posset illis quatuor attribui; at quia viderunt sex postremas coactas esse in unicum Caput, illudque sanè brevissimum, ea de causa conjectârunt debere ipsis quidpiam commune speciali jure convenire, jamque etiam illud multorum imaginationem divexat, quòd postrema hæc genera denominari soleant, dicique specialiter sex postrema Prædicamenta. Ecquam precor aliam rationem conjectari impromptu est? an non verò censēs hanc esse per-quàm lepidam? In particulari quid necesse est convellere singulas? cùm potiùs miserandum sit quod in rebus tam parvi momenti, tam miserè ingenia torqueantur. Seligamus unicam. v. c. *ubi*. Quid ergo tandem putas esse *ubi*? certè nihil aliud, quàm Adverbium seu vocula, qua interrogamus quo in loco aliquid sit. Hæc enim duo, ubi & in quo loco synonyma sunt. Isti vero interrogationi responderi solet juxta varias locorum differentias, quas satis superque nôrunt, explicantque Grammaticuli. Quæso te ergo

ergo cùm significatio & intelligentia particulæ hujus interrogativæ aded sit perispicua, quorsum sic spoliatur nota interrogationis, ut tot tamque intricatas difficultates induat? Ecce enim aliqui volunt ubi idem esse cum loco; alij volunt esse quidpiam intrinsicum passivè relictum in corpore ex circumscriptione loci; nonnulli esse formam extrinsecè denominantem rem, quæ alicubi esse dicitur; quidam spatium, quod concipitur repleti à corpore, cæteri modum intrinsicum ex natura rei distinctum à corpore *Vbicato*, quem aliquo sensu liceat *Vbicationem* dicere. Rursus nolunt quidam ubi convenire rebus spiritualibus, nolunt alij accidentibus, nolunt alij multis rebus, nisi actiones in ubi eliciant. Quid omnia tamen commemorare? hoc unum adjicio & per omnes phrasas, quibus isti de ubi loquuntur, perspicuum esse si attenderis usurpari ubi pro loco; nam habere suum ubi, esse in suo ubi, habere præsentiam ad ubi, & similes locutiones perinde sonant, ac si dixeris habere suum locum, esse in suo loco, &c. & aliunde barbarè ac sine ullo fundamento aut necessitate, introductas esse hujusmodi formulas loquendi; quas quidem augeri videas si ut substantia prædicatur de omnibus substantiis, qualitas de qualitatibus, actio de actionibus; ita velis ubi prædicari de omnibus ubi. Quis certè ferat, aut intelligat si dixerit quis, esse in foro est ubi, esse domi est ubi, &c. Verumtamen de his hæcenus.

EXERCITATIO IV.

Quòd sutiliter multa proponantur de Propositionibus.

QUid dicò multa? an non potius plurimà? an non etiam infinita? non igitur in referendis, ac longè minùs in refellendis singulis immorandum est, sed prætermisiss innumeris nugis, capita pauca feligenda sunt. Ac primùm quidem circa constructionem ipsius Propositionis; volunt ipsam constare subjecto, attributo, & copula, ut in hac Propositione, *Homo est animal*, *Homo* est subjectum, I. quia

quia scilicet ut fundamentum reliquo ædificio subjicitur, & quasi subternitur; *Animal* est attributum quia nempe attribuitur, seu quasi superponitur, & superædificatur subiecto, *Est* verò ipsa est copula, quasi cæmentum videlicet, quo partes illæ compinguntur. Porro & eam esse volunt tum partium, tum ordinis ipsius necessitatem, ut siue aliquid desit, siue transponatur, ædificium totum collabascut ut jam ædificium non sit. Age itaque cùm aliundè velint Enunciativam orationem (quæ sola Dialectica Propositionis sit) esse eam, quæ constet alicujus rei affirmatione aut negatione; si quis cum Poeta exempli causâ dixerit *Est Deus in nobis*, an non veram, legitimamque Propositionem efficiet? Quid enim? nonne enunciabit? nonne affirmabit aliquid? ubinam tamen subiectum, ubi attributum, aut copula interiacens? Dices orationem hanc, ut vera fiat Propositionis, ita resolvendam esse, *Deus est existens in nobis*, adjiciesque illud in nobis superfluere, esseque ut appendicem minimè necessariam ad illius integritatem. O Poetam ergo inegantem, qui sic loqui non didicerit! Quique quod mente conceperat, proposuerit ita perverte! siquidem illa oratione non sit satis clarum quodd Deus in nobis sit, nisi bis esse dicatur; quippe cùm esse & existere eandem habeant significationem. At quid ego te coarguo, elegantissime Poetarum? Isti, isti coarguendi sunt, qui Latinitatis ignari quidquid in ipsa corrigere volunt, penitus pervertunt, & contaminant Neque enim aliqua phrasis sit examinanda, ad Terentium, Livium, Ciceronem, Authorem-ve alium, in quo puritas Latini sermonis eniteat, confundunt, sed respectant solummodò ad leges quasdam barbaras, quas confinxere ipsi in Scholis, adeò ut inde non possit non olerè barbariem, quidquid ad illas amussim dirigitur. Et cedo quidem cur dici velint Deus est, non verò est Deus? non aliam sanè opinor ob causam, quàm quia in lingua vernacula Nominativus ille casus aliundè Verbo postponeretur: neque enim Gallico nostro v. c. idiome phrasis illa probaretur, *Est Dieu en nous*; sed illa solum, *Dieu est en nous* (prætereo autem proprietatem Gallici sermonis aliam versionem exigere) quia scilicet vernacula lingua cui assuesfacti sunt quamque frequenter usurpant, postpositionem illam casus Nominativi non patitur, idcirco existimant & Latinam linguam

quam præposterè eandem pati. Auget verò malum, & errorem Grammaticorum regula, qua *Omne Verbum personale, & finiti modi exigere ante nominativum* dicitur. Cùm enim Grammatici illud ante se adjecerint solum & disciplinæ gratiâ, & ex accommodatione ad captum illorum, quibus alia lingua familiaris, & nativa est; isti tamen id sic accipiunt, ut pro lege inviolabili Latinitatis habeant. Quasi verò, *Amat me Pater*; non tam Latinè dicatur, ac *Pater amat me*? aut quasi phrasés similes apud Authores passim non occurrant? Cedo rursus quando tanti faciunt vernaculam linguam, qua proprietate aut necessitate correctionem illam in ipsam transferant? an ne Gallicè v. c. loqueris si dixeris, *Dieu est estant en nous*? toleraretur quidem phrasis, si diceres, *Dieu va demeurant*; at deesset ibi verbum, *est*, sine quo tu nullam esse vis legitimam Propositionem. Miserum te ergo, qui Gallicè aut non esse aut non nisi ineprè esse Dialecticus potes! sed ineprissimum te, qui Latinè loquuturus ita pervertis, ac detorques phraséis Latinè loquentium!

Verum circa hæc tria adhuc inquirò primùm cur necesse sit Verbum, *est*, ita resolvere, ut dicatur *est existens*? an non satis esset dicere *existit*? nam quod cætera verba resolvant per verbum, *est*, hoc modo, *militat, est militans, amat, est amans*, &c. tolerari potest. At quod verbum resolvatur in *est*, & *existens* quæ absurditas? Ut generalius tamen loquar, ad quid necessaria est hujusmodi resolutio? Quid enim? ubi ille dicit *Militat omnis amans*, non satis clarè loquitur, sed eget te interprete, ut sensus iste eliciatur, *Omnis amans est militans*? Quid quod contrarius plærumque sensus resolutione hac elicitur; Dicat enim quis *panis coquitur*, resolves tu, *panis est coctus*, an uterque idem dicitis? nonne videre est per illum indicari coctionem præsentem, per te verò præteritam? sed fuerit nempe apud Græcos resolutio ista facilis; Participiis quippe omnium temporum & conjugationum abundant; quare & potuerit Aristoteles resolutionem hujusmodi & docere, & usurpare apud eos, qui Græcè & scirent & loquerentur. At verò cùm varij sint variarum linguarum lepores, cur isti Latinè loqui, & docere affectantes, ita sunt addisti Aristoteli, ut ipsius non modò sententias sed Græcissimum quoque amplectantur, & retineant?

an

an potest quidquam fieri, dici, cogitari ineptius? at inquires cùm necesse sit ut omnis Propositionio & copulam, & attributum habeat, oratio hæc, *Deus est*, nullum habet attributum, hæc verò, *Cæsar militat*, neque habet copulam, neque attributum distinctum. Verùm amabo undenam ducis hujusmodi necessitatem? an ut loquutio planior sit? an ut veritas magis cognoscatur? si neutrum, quæ necessitas? certè non alia, quàm ut regulis in Schola fixis obediatur, Cæterùm enim nihil planius est phrasibus illis irresolutis. Verùm isti charitate ducti verentur ne secundæ hæ voces, *est, militat*, ac similes altera ex parte rigent, nisi tertium aliquid, quo utrumque foveantur, adiaceat. Hinc est enim quod si Plato v. c. sic subiectum, illum ut in lecto recubantem habeant, cui si adjungatur, *est*, dicant non esse Propositionem nisi *de secundo adjacente*; at si adjiciatur attributum, *doctus*, tunc Propositionem absolutam dicant, ut quæ *de tertio adjacente* sit. Secundùm, cur minus liceat dicere, *existens est Deus*, quàm *Deus est existens*, vel *bonus est Deus*, quàm *Deus est bonus*? Certè enim quamvis id, quod attributum vocas præponatur, subiectumque verò postponatur, sensus tamen non est minùs clarus, nec veritas minùs perspecta. Quid quod majorem sæpe habet emphasin hujusmodi transpositio? Cùm ex Platone enim dicitur, *bonus est Deus*, & *lucere non tangitur*, vehementius quodammodo exprimitur bonitas divina, quàm si Dialectico cum rigore diceretur, *Deus est bonus*. Et dices quidem hujusmodi inverlas Propositiones posse aut debere per Conversionem resolvi; at ut paulò antè quærebam, quænam est hujusmodi resolvendi necessitas? imò verò quænam est perversitas in tanta rectitudine à perspicuitate loquendi? sed putas nempe rem esse monstruosam, perinde ac si rectum domus supponeretur fundamento, aut hominis caput sub pedibus esset. Quasi verò non sit attendendum quid sermonis proprietates ferat, tumque censeatur quis veram Propositionem effecisse, cùm luculenter quod in mente habebit proposuerit, quocumque tandem ordine verborum id fieri contingat? Sanè verò quis sanæ mentis continere risum possit, cùm audierit, ut ego audivi, propositionem hujusmodi, *Animal est omnis homo*, inter disputandum ideò negari, atque improbari, quod esset preposita,

ra, cùm dici potius deberet, *Omnis homo est animal*. Tertium, cur illud in nobis dicatur esse superfluum, minimeque ad Propositionis integritatem necessarium. An Ovidius satis clarè proposuisset, quod agitabat animo, si dixisset solùm, *est Deus*, vel ut isti volunt, *Deus est existens*? non sanè, quia mens non erat significare quod Deus esset in se, vel existeret in Mundo, sed quod esset, aut existeret in ipsis Poetis. Non fuisset igitur perfecta & integra Propositionis si illud in nobis non fuisset appositum. At risu dignum quòd Propositionem Sceleron faciunt aridulum, perindeque illam exhibent Animi sensa perhiquentem, ac si quis Pictor effigiem formosæ puellæ representaturus, solam, quam pingunt imaginem mortis collocaret ob oculos. Crede mihi, Propositio sic propterea dicitur quòd Animi conceptum proponat, ac proinde nulla vox est, quæ ad perfectionem & integritatem Propositionis non pertineat, si ad exactè representandum conceptum necessaria sit. Et retexe quotquot volueris in Geometria exempli causâ Propositiones, nihil planè Geometricum dices, si adeò simplex fueris, ut ad illam simplicitatem volueris omnia reducere.

Quid porro hic adjiciemus circa id, quod imaginantur subjectum & attributum scopas esse dissolutas, accedereque Intellectum, qui fasciculo quasi colligens verbo, *est*, ut senio vinciat? quippe Intellectus potius Propositionem faciens dissolutionem, quàm compositionem videtur efficere. Et de Propositione quidem negativa dubium esse non dicerem si duo extrema aliquam connexionem inter se haberent. Cùm dicitur enim, *Homo non est lapis*, non potest concipi lapis removeri ab homine, qui nullo modo propinquasset; sed demus quod isti concedunt, remotionem quandam esse, dissolutio seu quasi dissectio extremorum concipienda est, cùm per illud, *non est*, subjectum in unam partem, attributum in aliam quasi conjiciatur; hoc autem si ita sit, quæso te hac in Propositione, *Homo non est lapis*, quæ sit copula? nulla sanè est, sed potius disjunctio, cùm, *non est*, interveniens non liget extrema, sed solvat. Ex quo obiter colligere est falsò tria illa, subjectum, attributum, copulam, ad Propositionem requiri. Est tamen, & affirmativa, ut ista, *Homo est animal*; nonne ex iis, quæ sunt disputata circa Universalia manifestum est hominem, & animal

mal quod dicitur homo, Intellectu non cogitante, unam eandemque esse rem, nullam-ve in re esse distinctionem unius ab altero, nonne rursus necesse est, ut Intellectus de hac re Propositionem faciens duos de illa conceptus efformet, unum sub ratione propria, alium sub ratione communi? divisionem igitur quandam, seu dissolutionem facit rei secundum se indistinctæ; quare & illud verbum, *est*, non tam copulat, quàm disjungit, neque dicas Intellectum factos duos conceptus unire per verbum, *est*, non enim facit unum ex duobus, sed & distinctos relinquit, asserens utrumque eidem rei convenire; & si duos gradus pro eodem haberet, Propositionem falsam faceret. Verumtamen quoniam istud potest videri minùs Metaphysicum; quæro aliunde istud verbum, *est*, ubinam jactatam illam copulationem faciat? an scilicet in re ipsa, an in Intellectu, an in voce, an in scriptura? Et profectò non in scriptura, cum enim scribo, *Homo est animal*, spatiolum inter ipsum & voces, *Homo*, ac *Animal* interpono, ne connexio aliqua trium istarum vocum sit. Sed neque in voce, nam cum postquam dixi, *Homo*, dico, *est*, jam ampliùs vox, *homo*, non est, ut arrepra vox, *Animal*, quam illicò prolaturus sum, ipsi copuletur, imò & cum deinde dico, *Animal*, vox ipsa, *est*, quæ fuerat copulativa jam evanuit. At neque in Intellectu, nam cum in Intellectu non sint nisi conceptiones, sive conceptus formales rerum, ut loquuntur, non verò res ipsæ conceptæ, seu objectivi conceptus, ut vocant; perspicuum est quod mox antè diximus, conceptiones relinquit distinctas, quippe ne cum dicitur, *Homo est animal*, sensus sit, quòd conceptus hominis sit conceptus Animalis, quod quidem qui concederet, idem concedere deberet per eandem Propositionem, vocem hominis esse vocem Animalis. Postremò verò copulatio non fit in ipsamet re: notius enim est quàm ut dici debeat humanitatem Animalitati alio longè glutine conjungi, quàm hoc verbo, *est*, quod etsi nunquam fuerit scriptum, prolatum, cogitatum, nihil profectò minùs fuerit homo futurus animal. Dices copulationem quidem in re fieri aliter quàm per verbum,

est,

est, rei prorsus extrinsecum; at indicari nihilominus hujusmodi connexionem per verbum, *est*, seu illud in mente, seu in ore, seu in scripto sit. Beneigitur, amici, res habet; ac dic proinde verbum, *est*, esse non copulam, sed copulæ indicium aut signum. Et ridiculus quidem ego videri hic possum, qui in istis sic hæream, nisi utcumque deseruerint evertendo dogmati, quod non modo futile, sed impium quoque videri potest.

Ecce enim docent hanc Propositionem, v. c. *Homo est animal*, IV. sempiternæ esse veritatis, ex eo, quod verbum seu copula, *est*, tanta necessitudine hominem cum Animali jungat, ut sit nexus insolubilis etiam virtute divina. Unde & docent non modo paucis millibus annorum antequam esset cum hominibus Mundus, sed ab ipsa usque Æternitate veram fuisse hanc Propositionem, *Homo est animal*. Sane ut hoc concedamus, Aristoteli condonandum, qui ut Mundum credidit æternum, ita ab æterno admisit fuisse homines; at nobis tamen quænam potest legitima esse excusatio, qui & Mundum ac homines credimus solùm existere à sex millibus circiter annorum, & profiteamur ab æterno nihil penitus existisse præter Deum? Cedo autem cum nullus existeret homo, quomodo verè dici potuerit hominem esse animal? siquidem si non erat homo, nequidem ille erat animal, nam ut esset animal debuit quoque esse homo, adeò proinde ut si falsum dicturus fuisset, qui dixisset *Homo est*, & iterùm qui dixisset *Animal est*, non potuerit verum dicere conjunctim, *Homo animal est*. Dices primò per Propositiones quidem de secundo adiacente significari existentiam, nam cum dicitur, *Homo est*, sensus est quòd homo existat, seu de facto sit in rerum natura & productus extra causas degens: at per Propositiones de tertio adiacente non importari existentiam, sed conversionem solummodò attributi cum subiecto, quæ vel necessaria sit, ut cum dicitur, *Homo est animal*; vel contingens, ut cum dicitur, *Homo est justus*. Verumtamen ut per Propositiones de secundo adiacente significatur distinctè & clarè subiecti existentia, ita per Propositiones de tertio eadem existentia supponitur, ac tacitè saltem indicatur. Siquidem dicere non potes hominem esse aliquid, quin supponas hominem esse; & quantumcunque verbum, *est*, usurpes, ut attributum subiecto convenire prædices, non potest tamen non indicari præsens convenientia, atque adeò

K

existen-

existentia. Et certè nisi supponas, intelligasque subjectum existere, quidnam dices illi reverà attribui? Dices attributum illi connecti, illi convenire, at quomodo potest aliquid connecti, aut convenire subjecto, quod nullum sit? Estto verò *est*, copula, at quomodo connectet extrema nisi illa extiterint? sed & cum nihil aliud sit, quàm copulæ nota, aut signum; quonam modo cum ex vi propriæ significationis signum sit rei præsentis, significare poterit rem non præsentem rem non existentem? Dices iterùm exinde solum indicari inseparabilitatem subjecti ab attributo, aded ut sensus alius non sit quàm quod si aliquando subjectum extiterit., futurum sit ut attributum ille connectatur: Unde ista Propositio, *Homo est animal* ante Mundum conditum ideo fuit vera, quòd indicaverit hominem ita connecti cum Animali, ut impossibile fuerit existere olim hominem, quin illi esset Animal. Attamen verò expectandum erat donec subjectum, videlicet *Homo*, existeret ut fieret vera Propositio, alioquin enim dicendum erat, *Homo erit animal*, non verò, *Homo est animal*, sed nimirum istud præsens ita est cordi hominibus istis, ut eas quæ sunt de futuro, aut præterito Propositiones veras esse nolint, nisi explicentur per præsens. Respondebis neque veras esse nisi resolvantur per præsens, aded ut ista, *Plato docuit*, idcirco solum vera sit, quod verum fuerit aliquando dicere *Plato docet*, quemadmodum ista, *Anti-Christus erit filius perditionis* vera ex eo, quod olim verè sit dicendum *Anti-Christus est filius perditionis*. Attamen verò quorsum tibi dicere id liceat, mihi verò non liceat assumere Propositionem de præsentem ideo solum esse veram, quod resolvi possit in Propositionem de præterito? Ecquid enim est cur dici non possit veram ideo esse hanc Propositionem *Ludovicus regnat*, quod olim verum fuerit dicere, *Ludovicus regnavit*, neque enim dicas veritatem magis pendere ab actuali existentia, siquidem ego opponam pendere magis à possibili, cum & prius sit rem posse existere, quàm actu existere, & multæ sint res possibles, quæ careant tamen existentia; contrà vero nulla res habeat existentiam, quæ non fuerit possibilis. Ut illam tamen in tempus præsens resolutionem concedam, nonne credes inde colligi, ut distincta sunt tempora, resque ipsæ distinctis sint temporibus, ita verbum, *erit*, *est*, aut *fuit*, usurpandum esse ut veritas Propositionum possit consistere; atque adeo non minùs falsam esse hanc Propositionem *Adamus est*

come-

comedens lignum vite, quàm sit ista, Plato docebit Aristotelem. Dices denique quoties de essentia aut germana proprietate alicujus rei agitur, nonne vulgari sermone usurpamus tempus præsens, etli subiectum non existat, ut dum quærenti quid sit rosa hyemis temporis; responderetur rosa est flos; vel qualis sit nix; responderetur tempore æstivo, nix est alba, &c. Et non nego quidem familiares esse hujusmodi phrasas, at sensum tamen vulgarem alium non esse quàm quod res talis esse soleat, cum existit. Nam & cum rosa non existente, dicit quis *Rosa est flos*, perinde est ac si diceret, *Rosa cum existit est flos*: nisi quippe hic fieret sensus, Propositiones falsæ fierent. Oppones, quid si nihil aliud asserat communis sententia? Respondeo fore inrer nos controversiam de nomine; at verior tamen ne communis sententia relationem hujusmodi ad existentiam improbet. Nam & res existentes seu particulares non admittunt Propositiones sempiternæ veritatis; & propositionem hanc, *Rosa est flos* volunt esse veram seu extiterit rosa, seu non extiterit; istam, *Homo est animal*, prolatam ab æternitate absolute ac sine ordine ad futuram existentiam veram fuisse prædicant. Verum plura ad hanc rem cum in Metaphysicis contra essentiarum æternitatem disputabimus, illa quippe materies est isti cohærens.

Admoneri tamen adhuc hisce rebus jam videremur decantatæ, ac celebris illius difficultatis de futuris contingentibus, nisi jam superiore libro præmonitum foret non deesse quoque ex Peripateticis, qui hac in parte Aristotelem non tueantur sententiam. Ut cumque sit & quia licet ex eo tempore constituissem nihil hic adijcere circa hanc materiam, rogatus sum tamen deinceps aliquando explicatiorem sententiam meam facere. En addo paucis quid videri possit. Difficultas est *An duarum Propositionum singularium contradictorium contingentium & futuri temporis altera sit determinatè vero, altera determinatè falsa*. Assumantur exempli gratia istæ duæ Propositiones *Petrus cras curret*, *Petrus cras non curret*, illæ sunt primò singulares, hoc est de singulari subiecto, videlicet Petro. Secundò contradictoriæ quatenus una affirmat, altera simpliciter negat eandem rem. Tertio contingentes, cum Petrus pro libertate currere possit, vel non currere. Quartò de tempore futuro crasino putà tempore. Quæstio jam est non utrū aggregatum ejusmodi Propositionum hoc modo propositum,

litum, *Petrus cras curret, vel non curret*, sit verum, dicunt, vulgò Propositionem ita accipi in sensu disiuncto, cùm, ut opinor, melius diceretur in conjuncto, composito, sed an alterum duntaxat membrum determinatum, putà istud, *Petrus cras curret*, sit verum, & oppositum falsum; dicunt vulgò Propositionem ita accipi in sensu disiunctivo, melius fortè in disiuncto; vel potius an neutra ejusmodi Propositionum seorsim ac determinatè accepta sit vera, & neutra similiter falsa. Porro cùm Authores hîc mirè inter se digladientur, videtur tamen mihi quæstio esse propè de nomine. Obseruari enim potest, & admitti hæc distinctio, aliud esse propositionem aliquam esse veram aut falsam secundum se, hoc est rem, quæ enunciatur per talem Propositionem reverà sic se habere, vel non habere ut enunciatur; aliud vero illam esse ab aliquo cognitam, aut non cognitam ut talem; quippe cùm ut res enunciata se habeat possit esse alicui notum vel incognitum. Cum itaque nonnulli Authores tuentur ex duabus hujusmodi Propositionibus alteram esse determinatè veram, alteram determinatè falsam, illi videntur accipere priori modo; neque enim existimant veritatem rei enunciatæ pendere ex eo, quòd à nobis cognoscatur, sed ex eo, quòd secundum se sit, vel fuerit, vel futura sit uti enunciatur; nam si quis jam lucente Sole, dicat, *Dies est*, Propositio erit vera quamvis cæcus id nesciat. Etsi dicam, *Florus Homerus ante Platonem*, verum dicam licet tu id iminus scias ob ignorantiam temporum. Unde & concludunt, si ex duobus unus dixerit Petrus cras curret, alius Petrus cras non curret, alterius propositionem esse veram, & alterius falsam, etsi quæ est mentis humanæ caligo incognitum nobis sit utriusnam Propositionis enunciatum debeat accidere; fundari porro istorum opinio in Aristotele potest, cujus hæc est sententia, *Non ab eo quod dicitur* (adde & aut cognoscitur) *sed ab eo quod res est, vel non est Propositio est vera vel falsa*. Cum rursus alij defendunt neutram harum Propositionum determinatè veram esse, neutram falsam, illi posteriore modo videntur accipere. Quippe cùm veritas propriè in Intellectu resideat, quatenus illius cognitio ac proinde enunciatio est existentie rei conformis, idcirco volunt nisi in Intellectu fuerit alicujus rei determinata cognitio, neque esse posse determinatam veritatem. Unde si quis dixerit,

ixerit, *Petrus cras curret*, dicunt neque hoc verum esse, neque falsum, quia scilicet Intellectus ignorat verum-ne, an falsum sit, quod idem dicunt circa illud, *Petrus cras non curret*, cum intellectus pariter nesciat, debeat necne contingere. Atque ex hac opinione derivatum esse videtur commune illud Effatum, *De futuris contingentibus non datur certa scientia*. Vides igitur cum ex Authoribus priores loquantur de veritate secundum se; posteriores de veritate nobis cognita, de nomine potiusquàm de re videri controversiam posse.

Cæterum autem cum ex istis posterioribus plurimi existiment Aristotelem non satis bene defendi, nisi negent ullam esse veritatem secundum se, & absolutam huiusmodi Propositionem; ea propter priorum sententia videtur mihi præferenda, quod & planior sit, & prout exposita est, & aliunde Fidei Orthodoxæ magis conformis. Ac primum quidem inquiri, istanc Propositio *Aristoteles docuit* veritatem absolutam, determinatam, & secundum se habeat. Dicent, opinor, habere quia res enunciata verè extitit, imò non potest non extitisse. Quæro igitur quorsum ista *Antichristus deserviet* veritatem quoque absolutam & determinatam non habeat, cum res enunciata habitura quoque sit veram existentiam? neque enim ad veritatem requiritur præsens existentia, alioquin falsum esset illud, *Aristoteles docuit*. Sanè ut illa Propositio est determinatè & secundum se vera, quæ enunciat fuisse quod fuit, & esse quod est; eodem modo illa vera est, quæ enunciat fore, quod erit. Dices hoc fortè concedendum de Propositione illa, *Antichristus deserviet*, quia scilicet illam Intellectus per revelationem cognoscit; at non idem dici posse de illa v. c. *Petrus cras curret*. Verum tamen primò circa istam, alterum accidet ex duobus, ut scilicet *Petrus currat*, vel non: si currat, igitur Propositio jam enunciata determinatè quod evenit, atque ita vera peterminatè est: si non currat, falsa jam determinatè est, quia enunciat quod non eveniet; neque eo recurras nesciri à nobis utrum eventurum sit. Si nostra enim ignorantia nihil obstat, veritati præteritorum ac præsentium, futurorum cur obstat? Urgeri hoc loco posset illud Aristotelem *Inter contradictoria nullum dari medium*; ita vimirum posset argui hæc propositio, *Petrus cras curret*, vel est determinata vel non: si primum, habetur quod intenditur; si secundum, similiter; neque enim

dices neutrum, ne inter Contradictoria cogaris medium admittere. Rursus posset hoc aliquorum instari Dilemmate, si post unam horam dixerō *Petrus cras curret*, vel verum determinatè dicam, vel non: si primum, habetur intentum; si secundum, quero an negatio, qua inficiaris me verum dicturum, sit vera an non, si non sit vera ridiculus es, & absurdè negas; si vera, evici quod intendeam, nimirum veritas jam est de contingenti fururo post horam. Sed his omiſſis quero deinde circa eandem Propositionem, *Petrus curret*, revelet tibi illam Deus, non mihi? uterque vero deinceps illam pronunciemus; an tu verum dices, ego falsum? an tu enunciabis rem determinatè futuram, ego indeinterminatè? tu quidem esse de illa certior poteris, quam ego; at aliud est Propositionem esse certam, aliud veram; veritas quippe alicujus rei simplex & unica est; at varij sunt certitudinis & incertitudinis gradus, cumque ad certitudinem Propositionis habendam requiratur forma quædam Intellectus adhæſio, ad veritatem exigitur solum ut Propositio sit rei conformis, quomodocunque tandem, & à quocunque efferatur. Dices Propositiones revelatas esse tantum veras ex vi certæ cognitionis, quam Deus habet illarum, porro autem Deum cognoscere illas non ut futuras, sed ut præſentes, quippe Deo nihil futurum, nihil præteritum, sed sunt omnia præſentia. Verum tamen primò sequente libro declarabimus cognoscere reverà Deum præterita, ut præterita, & futura ut futura, & sufficit nobis jam quod Deus usurpet verba temporis futuri, ut censeamus illum futura cognoscere & revelare. Neque enim existunt adhuc, sed reverà futuræ sunt, quo momento Deus cognoscit, & revelat exituras. Deinde verò quidquid sit de modo, quo Deus futura cognoscit, ille tamen destruit differentias temporis, neque obstat quominus aliquid secundum se dicatur futurum. Quare & minus destruit ac obstat ipsius revelatio. Quocirca perinde se habet Propositio temporis futuri ad veritatem, seu enuncietur revelata, seu alio modo cognita. Nam neque alio modo erit vera hæc propositio, *Eclipsis erit proximo mense*, si Astrologus illam efferat, & alio si Rusticus cui Deus eandem revelâvit, etsi uterque de illa diversimodè certus sit.

Quod hic objici & præsertim ex Aristotele potest, liberum arbitrium

bitrium attingit. Dices enim si vera jam sit ista Propositio, *Petrus curret*, ergo Petro imponitur currendi necessitas : nam si liber esset ad non currendum, & de facto non curreret, non esset vera Propositio, hinc quidam hinc imaginantur quandam fati necessitatem ab æterno usque traductam, nam quomodo verum est hodie, Petrum cras cursurum, eodem fuit ante mille annos, adeoque & ab omni ævo, additur proinde tolli libertatem, ut cui necessitas opposita sit, & consequenter virtutes, vitia, leges, præmia, supplicia, consultationes, deliberationes, & similia. Attamen verò juxta vulgarem Necessitatis distinctionem respondeo ex veritate illius Propositionis, *Petrus cras curret*, nullam inferri necessitatem simpliciter, sed ex suppositione dumtaxat, hoc autem nullum esse absurdum, neque enim necessitas ex suppositione cum ipsa libertate pugnat. Supponitur enim Petrus sese cras liberè determinaturus ad currendum, atque hoc supposito, vera est jam hæc propositio, *Petrus cras curret*, unde & aliunde hæc veritas, quia sequitur liberam voluntatis determinationem, dicitur non antecedentem, sed consequentem necessitatem inducere, quomobrem & vera fuerit à mille annis, & ab omni ævo illa Propositio, nulla ramen inducitur fatalis necessitas, quæ scilicet intelligit antecedere liberam voluntatis determinationem, ipsisque inferre vim. Unde neque sequitur corrumpere virtutes, leges & similia. Manet nimirum semper libertas, quæ ad talia exigitur. Quæres fortassis ad majorem hujusce rei elucidationem quod vulgo solet inquiri, an vera existente illa Propositione, *Petrus cras peccabit*, possit Petrus non peccare, an non possit? (quæri id solet de negatione Sancti Petri prædicta à Christo; sed perinde est.) Respondeo absolute posse; ex suppositione vero, quam facis, non posse non peccare; hoc est si attendatur præcisè Petrum toto illo tempore antecedente prædictum; ille verè liber est ut possit peccare vel non, quando vero supponis ipsum potius determinaturum se ad peccandum, quàm ad non peccandum, profecto quoniam hoc est jam veluti præteritum, ad præteritum ut loquuntur non datur libertas, idcirco non peccare non potest. Eamobrem si inferas igitur non erit liber antecesser: nego. Ille enim prorsus liberè ad peccandum se determinabit, consequenter vero quid obstat, nā neque est liber ad peccatum,

homo est justus, esse contradictoriam, sed hanc potiùs, *quidam homo non est justus*: cùm hæc illi non sic repugnet ac illa, & oppositio contradictoria ex Aristotele potissima sit. Ut taceam si contradictoria oppositio admittatur inter istas Propositiones particulares, *Plato est justus*, *Plato non est justus*; non apparere cur negetur inter illas, *Omnis homo est justus*, *nullus homo est justus*. Nescio cur has duas particulares, *Plato est justus*, *Plato non est justus*, nolint esse potiùs subcontrarias, quàm duas illas, *Aliquis homo est justus*, *aliquis homo non est justus*; nisi dicant illas priores carere signo particulari, *Aliquis*, vel, *aliquis non*; cùm tamen vox ipsa, *Plato*, sit omninò particularæ signum ejus hominis, de quo fit Propositio; voces verò, *aliquis*, & *aliquis non*, sint omninò indeterminatæ, & quasi universales, ut pluribus accommodabiles. Nescio cur non exhibentur qui oppositionem indefinitarum adjiciunt, ut *Homo est justus*, *homo non est justus*? At fallor, cùm suspici debent, ut qui quatuor quasi Elementis, hanc quintam addant essentiam. Jam Oppositionibus præmissis quantâ, quæso, insolentiâ Æquipollentias superextruunt? Ecce, qui Grammaticæ student edocentur duas negationes æquivalere affirmationi; ecquis Latinè tantisper est doctus, qui id nesciat? Dialectici porrò brevem hanc, & facilem præceptionem sibi arrogantes, amplificantes, ut Latinitatem si quæ super sit, penitus invertant. Taceo enim quorsum tot Regulas multiplicent pro varietate oppositionum. Taceo quid necesse sit postquam aliquis dixerit, *omnis homo est justus*, negationes multiplicare ut eadem res significetur, certè iis, qui veritati, non garrulitati student. Taceo cur isti, *aliquis homo non est justus*, æquipollentem illam facias, non *omnis homo est justus*, et si enim eundem sensum particularem habere possit, habere nihilominus potest, & universalem, quemadmodum etiam ista, *Nonnullus homo est justus*, quæ sit isti æquivalens, *Aliquis homo est justus*; & ita de cæteris. Moneo solum quis id intelligat dum istam, *Non aliquis homo non est justus*, æquipollentem facis illi, *Omnis homo est justus*; aut quis jam putet & Latinè loqui, si ut dicas, *Nullus homo est justus*, æquipollentem hanc extuleris, *Non aliquis homo non est non justus*. Cedo enim ecquis

L

unquam

unquam sic locutus est, aut quæ potest utilitas esse hujuscemodi loquutionis, detorsionisque phraeon? Circa Conversiones quid dicam? nisi quod ea species quæ dicitur Contrapositio istam negationum farraginem magis intricat ob extremorum transpositionem. Volunt enim hanc Propositionem, *Omnis homo est animal*, ita esse convertendam, *Omne non animal est non homo*; istam verò *quoddam animal non est lapis*, sic *quoddam non lapis non est non animal*; quæ profectò nauseam jam pariunt.

VII.

Sed roborandus est stomachus ut ferat adhuc molestias eorundem accidentium attributorum Modalibus. Mirum! postquam Modalium quasi arcem contentam esse voluerunt quatuor hisce propugnaculis, necessarij, impossibilis, possibilis, contingentis; non modò assignaverunt ipsis inter se collatis eundem & earundem cum simplicibus oppositionum numerum, verùm & uni, eidemque modo beneficio negationum quadripartitam attribuerunt vim; hac verbi causâ ratione, *Necessarium est, necessarium est non, non necessarium est, non necessarium est non*. O solertiam! sed illam ostentant non modò cum oppositiones pro ratione Adverbiorum, vel nominum variant; itemque pro ratione vel modi seorsum, vel dicti seorsum, vel modi & dicti conjunctim; & rursus cum juxta Aristotelem illas explicant artificiosis illis vocibus, *Amabimus*, *edentuli*, *iliace*, *purpurea*, quibus tamen istas jam videas substitui, *Maturè*, *declina*, *jurgantis*, *impetum*, quasi trias vocalium sit tetraede potior. Ut quid tamen in explicandis & refellendis sum patiens, qui in referendis tantam naturæ vim facio? Quod spectat ad Equipollentias, quid circa easdem vocès non nugantur? At lepidius nihil est quàm aliquos videre sudantes, ut ostendant istas modales æquipollere inter se, *Non possibile est Socratem non esse hominem*, & *impossibile est Socratem non esse hominem*. Quasi scilicet particula *in*, addita possibili non idem faciat, ac non possibile. Debent ergo dicere, & istas esse ipsis æquivalentes, *Haud possibile est Socratem non esse hominem*, *minime possibile est Socratem non esse hominem*. Ecquid enim differunt minis particulæ istæ negativæ inter se quàm illæ, ut non distinctas Propositiones, & æquivalentes ex eis efficiant? bellissimum sanè exquirendæ veritatis artificium! quemadmodum si quis cla-

re

rè Propositionis hujus veritatem perspectam non habeat, *Necesse est omnem hominem esse animal*: illicò substituunt hanc quæ illi æquivalet, *Non possibile est aliquem hominem non esse animal*. De Conversionibus id solum adjicio, quod quæ est per contrapositionem una adhuc negatione fieri solet implicatior, ecce enim ut veritas hanc Propositionem, *Non necesse est quendam hominem non esse justum*, sic dicendum est, inquit, *Non necesse est quoddam non justum non esse non hominem*; nisi fortè jam tandem hæc non ex præsentis disputatione nos vel nolentes abigunt; quasi quispiam vir sanus, ac frugi satis sit ineptiis istis devorandis. Quid enim amplius commemorem Regulas illas innumeras, quibus praxim Modalium suffulciunt? Quid quod docent de Modalium pronuntiatione in duplici actu *exercito*, & *signato*? Quid alia sexcenta, quæ si vel per capita recensere voluerim, meritò habear ineptissimus? illa igitur consultò prætereo, ut & prætermitto quæ adjici possent circa eadem accidentia accommodata Propositionibus, quas vocant exclusivas, exceptivas, & similes, nam isti verbi gratiâ solum *Socrates est doctus*; itemque isti, *omne mobile præter Calum est corruptibile*, & contrarias, & subcontrarias, & subalternas, & contradicentes excogitant, applicantque cætera, quæ vulgò de simplicibus Propositionibus traduntur. Sed & reticeo quæcumque effuriunt de conditionalibus, conjunctivis, disjunctivis, reduplicativis, aliisque id genus, ut quæ licet aliquam subtilitatis præ se ferant speciem, Grammatices tamen, seu Latini sermonis peritum remorentur potiùs, quàm promoveant, illudque etiam quod Plinius habet de Diodoro sapientiæ Dialecticæ professore, qui pudore interiit lusoria quæstione non proxi- nus ad interrogationes Stilbonis dissoluta.

EXERCITATIO. V.

*Quòd Demonstratio non exstet qualis vulgò
depingitur.*

- I. **C**UM Aristoteles velit Scientiam esse evidentem, certamque rei notiam, quæ Demonstratione pariat; Demonstrationem verò esse syllogismum, qui procedat ex Principiis, seu Propositionibus universalibus, primis, immediatis, &c. & in istis Principiis contineri definitionem, quæ sit medium, quo extrema conclusionis quasi nectantur; ac denique Sensum esse fundamentum totius ædificij, ut cujus experimentis principia illa nixentur; age quia sequenti Exercitatione de ipsa Scientia dicturi sumus, prosequamur nunc cætera. Ac ut exordium ducamus à Sensu, nullum dubium quin Aristoteles ipsum quasi basin Demonstrationis habeat. Varia loca passim occurrunt quæ istud confirmant; at indicare illum sufficit, qui exstat primò posterior. ibi enim apertè docet Demonstrationem esse ex universalibus, universalia non nisi per inductionem colligi; Inductionem autem non fieri nisi per Sensum, quæ etiam sæpius repetit. Quid quod Aristoteles in iudicio de rebus ferendo non modò vult causam non esse quærendam ubi sensus fidem facit. Nam octavo Phyl. Dicere, inquit, *omnia quiescere, & hujus causam investigare prætermisso sensu, impotentia quadam mentis est*, quod etiam genus divisionis habet, libro primo de genere & alibi, verum etiam vult & sensui magis, quàm rationi credendum; & tum demum esse rationi fidem adhibendam cùm conformis sensui fuerit. Ac ne putes me quidpiam fingere, cito ecce ipsissima verba quæ habentur libro tertio, de gen. an. concludens enim ea quæ de Apum generatione per ratiocinationem dicuntur, *Si quando, inquit, satis cognita habebuntur, tunc sensui magis erit quam rationi credendum. Rationi etiam fides adhibenda est, si qua demonstrantur conveniunt cum iis, qua sensu præcipiuntur rebus.* Qui sanè locus, si quisquam alius planè conficit Sensum esse qua-

Cap. 16.
scu Text
33.

Cap. 3.
Text. 22
Cap. 8.
Text. 58

quasi tribunal ad quod præter Aristotelem à ratione etiam provocetur, seu quasi normam ac libellam ad quam ipsa quoque demonstratio examinetur. Jam cum ego existimem nihil dici melius ab Aristotele potuisse, non est mihi mens ista impugare, sed observare solum contendo, cum sensu fulciatur Demonstratio Aristotelea, sensusque sit admodum fallax & incertus, quantæ certitudinis esse possit Demonstratio ac proinde scientia, quæ exinde gignitur? Quasi verò firmum ædificium ruinoso fundamento possit superextrui. Et de Sensuum quidem fallacia, ac incertitudine, sequente Exercitatione dicetur uberius. Hic illud enim seligere juvat, quod per ipsum quoque Aristotelem in confesso est.

Igitur Aristoteles diversimodè falli Sensum docet. ut colligitur præsertim ex secundo de An. ex quarto Metaphys. ex libro de coloribus, & alijs locis. Et primò quidem quia unus sensus usurpat munus alterius, verbi causâ externus interni; hinc tam sæpe fallitur visus cum judicat quiescere quæ movètur, moveri quæ quiescunt; ut dum quis navigat, aut vehitur curru, dum & imaginatur littus, aut arbores recurrere; dum quis Lunam, nubes &c. intuens illas quiescere, hanc discurrentem apprehendit. Sic fallitur etiam visus cum gustus aut tactus objecta usurpat, ut vel exemplo sunt aves, quas Zeuxis picturâ fefellit, atque ita de cæteris. Secundò quia debita distantia sensum inter & objectum non accipitur. Hinc falsò visus à longè Turrim judicat rotundam, quæ quadrata est, & Solem habet quasi pedalem, qui superare tamen Terram tot vicibus dicitur. Hinc procul apparent nigra, quæ tamen sunt fusca, & hujusmodi cætera. Tertiò quia medium est infectum, sic fallitur visus dum Luna affingit ruborem, pallorem, aut alium colorem, qui est ex vaporibus interpositis, sic dum rebus visis, eum colorem, qui est proprius vitri, per quod conspicit. Huc pertinet diversitas mediij, ratione cujus baculus alioquin rectus, apparet tamen recurvus si partim in aere, partim in aqua extiterit, & nummus in aqua judicatur major, & vicinior, quàm extrâ, &c. Quartò quia organum est intemperatum, unde falluntur, qui bile laborantes vident omnia flava, qui sanguini

nis suffusione omnia rubicunda, item qui febre occupati judicant amara, quæ alioquin sunt dulcia, sicque de aliis pluribus. Hisce ergo præcipuè modis censet Aristoteles falli sensum posse. Quare exquiro quomodo per sensum Demonstratio certa acquiratur? & maximè cum certi esse non possimus an cum per sensum quidpiam experimur, organum ipsius sit exquisitè temperatum, an medium ritè affectum, an distantia debita, &c. Ecquis enim appendit omnes temperamenti varietates, ut dicat nobis quæ exacta sine alteratione sit? Quis sic aerem perpurgavit, ut quando ille sit prorsus illimis declarare valeat? Quis sic est emensus omnes partes spatij ut cum procul constituto non appareret res quanta & qualis esset, accedendo verò fallacia posset corrigi, ostendere possit in quo puncto constitutum esse oporteat, ut fallacia jam nulla sit?

Dices primò unam sensationem per aliam postea corrigi. At vel tu de eodem sensu loqueris, vel de diverso; si de eodem, vel ille habet omnia eodem modo disposita, purà organum, objectum, medium: & tunc cum similem prorsus sensationem debeat elicere, quomodo illam corrigit per hanc, quæ eadem egeat correctione? vel non habet, & tunc quid habet sensus unde discernat hanc esse potius veram sensationem, quàm illam? nonne in utroque statu verè operatur? nonne quidpiam percipit? unde ergo conjectari potest falli se nunc, non aliàs? & maximè cum memoria & ratiocinatione careat? si de diverso, qui fieri id potest, cum varij sensus tribunalia varia sint, quæ de rebus omnimò diversis cognoscere debeant? an oculi est percipere sonum, an auri colore? neque dicas esse quædam objecta communia, ut quantitatem, figuram, motum, quæ uno sensu malè percepta possint alio melius percipi? Quisque enim sensus suo modo percipit, ac sentit, & cum ille plus juris in hunc, quàm hic in illum non habeat, non potest unus veritatem & rectitudinem sensationis magis arrogare quàm alius. Dices secundo cum hæc vera esse possint de externis sensibus nudè & per se spectatis, adhibendum sensus interni, ac potissimum Phantasie judicium. Videlicet sensus internus habet quidpiam juris in externum, ut proinde sensatione sua sensationem externam corrigere valeat. Attamen cū sensus internus alias species non accipat quàm trajectas
per

per externas, cumque nihil sit in Phantasia quod per externum sensum non tranſierit, nihil in ſensu interno unde externum corrigat, neceſſitate enim quadam adſtringitur, ut cum viſu hoc modo percipiat, cum taſtu verò alio, neque habet unde juſ uni ſenſui detractum alij concedat, alioquin tertia quadam ſpecie indigeret. At illam unde accipiet? neque dicas fantāſiam habere in ſe quandam vim diſcernendi utra-nam duarum ſenſionum ſit vera: ſiquidem vel nihil habet ſupra ſenſus externos quàm vim cognoſcendi univerſaliorem, putà quod omnium externorum objecta percipiat, cùm externus qualem ſingularem obeat pronunciat; vel ſi habet aliquid, illud non eſt magis deſtinatum ad correſtioneſ quàm ad fallaciam ſenſuum externorum. Nonne enim per Phantāſiam ita ſæpe illuditur, ut videre nobis videamur, & audire quæ reverà non ſunt? Quomodo ergo fantāſia ſenſum externum corrigit, quæ illi perſæpe imponit? Dices terciò utrumque ſenſum per rationem demùm corrigi? Verùm quia nihil eſt in Intellectu quod priùs non fuerit in ſenſu, cumque neceſſe ſit intelligentem converti ad fantāſmata, atque idcirco ratio intelligere nihil poſſit, niſi quod & quatenus exhibetur à fantāſia, & ſenſu quidem externo hauſtum; quonam quæſo modo ratio tam fantāſiam quàm ſenſum externum corrigere poterit? neque dicas rationem præſtare id poſſe quatenus habet facultatem reflectendi ſeſe ſupra ſuos actus, atque ita reflexo actu judicare poſſe de fallacia hujusmodi; ſiquidem quantumcumque ratio vel Intellectus reflexè agat, indiget ſemper nihilominùs fantāſiæ ſatellitio, aded ut neceſſe ſit Intellectum & fantāſiam circa idem ſimul operari, cùm igitur fantāſia nuſquam poſſit operari, niſi circa ea, quæ ſenſu externo perhauſta ſunt, neque poterit Intellectus. Igitur ſi aliquis error in ſenſibus fuerit, non corrigitur per Intellectum, quantumcumque reflexè agat; & maximè cum qua neceſſitate fantāſia eſt alligata externo ſenſu, Intellectus ſit alligatus fantāſiæ, niſi etiam adhuc major quædam dependentia eſt (de hac vita loquor) cùm fantāſia poſſit operari non actu operantibus ſenſibus externis, non poſſit autem Intellectus non coooperante fantāſia. Sed de hiſ plura alibi.

Venia-

II.

Veniamus nunc ad Definitionem, quam fieri medium Demonstrationum vel omnium, vel potissimarum notius est quam ut vel dici, vel probari debeat. Ostendamus verò nullam posse haberi definitionem, qualem cum Aristotele Peripatetici depingunt, quæ scilicet alicujus rei naturam clarè explicet ea ratione, qua ipsi contendunt. Imprimis igitur docent definitionem constare debere ex genere & differentia. At primum quod spectat ad genus, si ut clarè & perfectè constet quid sit definitum, clarè & perfectè constare debet quælibet pars definitionis; oportet clarè & perfectè innotescat quid sit ipsum genus, aliquin enim quomodo inclaresceret definitum per definitionem, nisi tota definitio, ac proinde partes ejus singulæ, nominatim verò ipsum genus, expertes essent obscuritatis? Porro ut genus clarè innotescat seu cognoscatur perfectè quid, vel cujusmodi sit (debet enim introspecti ut obscuritas omnis reveletur) non potest hoc alia ratione, quam per definitionem præstari: definitio enim sola est, quæ intimam rei cujusque naturam in aperto collocat, & apertam facit. Igitur generis istius oportebit nosse proprium genus cum sua differentia, si secundum hujus generis ut perfectè cognoscatur habenda erit definitio, ac proinde aliud genus, sic istius aliud; atque ita in infinitum, quod absurdum est, nisi fortassis consistendum in aliquo esse dicas, (& hoc quidem non minus absurdè) quod explicare nescias quid sit. Exempli causâ, quam quid sit homo? ac esto proinde homo definitum; tu definiens statim respondebis pro genere animal, non quiesco, sed quæro rursus quid sit animal? ut enim antea hominis. sic jam Animalis intimam naturam perspectam non habeo, respondebis esse vivens; sed & rursus quæro quid sit vivens? neque enim ejus naturam percipio, respondebis esse corpus; quæro etiam quid sit corpus? quoniam & ejus natura est mihi incognita, respondebis esse substantiam, verum & ego hic quoque ignorantiam professus quæro quid sit substantia? respondebis esse ens, & quid sit Ens ex te quæro, neq; enim intelligo. Tu verò iam quid hic facies? an non sudabis tanquã ad extremas reductus angustias? Entis quippe nullum potes assignare genus, cum nihil Ente agnoscas superius; nam

fi

si superius agnosceres in infinitum esset progrediendum. Non potest igitur clarè & perfectè cognosci Ens, cùm ipsius non possit perfecta tradi definitio. Si hoc verò sit, quonammodo clarè & perfectè noscetur substantia, quomodo consequenter corpus, quomodo vivens, quomodo animal, quomodo ipse tandem homo, de quo difficultas prior excitata fuerat?

Omitto hic innumeras alias circa genus difficultates; hanc vnam I I I. solum attingo. Docent genus inter definiendum vsupari proximum debere, cùm Aristoteles tamen ipse vix vnquam proximo vtatur, vt aliquoties circa eius textum superiore libro observavimus, vt definiendo syllogismum species motus, &c. sed demus debere esse proximum? quæro qui sciant proximum esse, potiusquam remotum? Dicunt per Analysin seu superiorum divisionem, substantiam enim v. c. dividendo, ac subdividendo ad animal tandem pervenitur quod sit proximum & immediatum genus hominis. Verùm vt omittam Analysin illam fieri non posse, nisi sit facta synthetis, seu compositio ex inferioribus (quam tamen frustra tentari à Peripateticis infra ostendemus) quomodo nam sciunt animal proximum genus esse hominis per substantiæ subdivisiones? postquam enim dixerunt, substantia vel est corpus, vel spiritus; corpus est vel vivens, vel inanime; vivens vel est animal, vel planta; progredi mihi ulterius subdividendo non liceat, animal vel est gressile vel volatile, &c. adeò vt vel gressile vel bipes vel aliquid aliud sit genus hominis proximi? Dices gradi, seu moveri posse esse solum accidens hominis; at nonne etiam videre seu sentire posse esse etiam accidens hominis? certè Aristoteles definiendo Animam, non sensationis magis quàm motionis dicit esse principium. Vt quid igitur gradus animalis per quem homo sentit, potiusquàm gressilis per quem graditur proximum est illius genus? Verùm esto animal verum & proximum genus, quæro ex te habeat ne dumtaxat locum generis, an verò etiam differentię? Dices, opinor, solum generis; genus quippe & differentia diversa prorsus munera in definitione sortiuntur. Si quærā igitur ex te per quid homo differat à planta? non dices, opinor, quod sit rationalis, ineptè videlicet plantam irrationalē dixeris; respondebis igitur quod sentiat, vel animal sit, & si non dicas, verum tamen est igitur ipsum quoque
M
genus

verum est esse in vnaquaque re differentiam per quam ab omnibus aliis rebus secernatur. Vt igitur alicuius rei differentiam perfecte noscamus, debemus perfecte nosse omnes alias res. Si aliquas enim ignoremus, aut minus bene cognoscamus, quomodo sciemus an & per quid res proposita differat ad illis? nonne fortassis ea, quæ nos latebunt ad convenientiam potius, quam ad differentiam facient? Dicere certe non possumus hanc esse huius rei differentiam ab illa, nisi in illa cognoscamus aliquid non esse, quod reperiatur in hac. Quomodo verò cognoscimus non esse aliquid in illa, nisi omnes ipsius recessus etiam intimos evolverimus? Proponatur homo v. c. is reverà per aliquid differt ad omnibus aliis rebus, quæ in Mundo sunt. Assignas tu illi pro differentia specifica & sufficienti quod sit rationalis, dicisque hominem per illam differre ab omnibus aliis animalibus. Esto, at ut sufficienter inde discernatur ab omnibus animalibus debes perfecte atq; intimè cognoscere omnia Animalia. Si te enim aliqua lateant, unde scire potes illam esse differentiam sufficientem & legitimam? Dices quia cætera omnia debent esse irrationalia. Ita-ne verò, debent esse? & quorum ita debent esse? quia scilicet vel piger es, vel in illis noscendis caligas? alia ne precor causa est? nisi verò tu ineptus esses, maximeque irrationalis, quitor animalibus invisis, inauditis, maximaque etiam ex parte ne suspicione quidem cognitis ita securè præscribis cuiusmodi esse debeant. An in cæteris certè Animalibus præter hominem sit ratiocinatio, & ratio, examinabimus alibi, faciemusque probabile quod verè ratione utantur. Nunc sufficit ut remittam te ad tuum ipsum Aristotelem lib. 2. de Anima textu 146. ex eo enim deducta est famosa illa ut loquuntur in Scholis propositio, quod ponens differentiam inter aliqua duo, cognoscit utrumque sub propria ratione, ut intelligas te, cum ponis differentiam inter hominem & animal degens in India, debere cognoscere non modò hominem, sed & illud quoque animal sub propria ratione, hoc est secundum intimam & peculiarem naturam. Sed quidquid sit de animalibus, nonne fatebere hominem differre ab omnibus plantis, lapidibus, metallis, mineralibus, Elementis, Cælis, Angelis, Deo terminato, maximo,

M. 2

maximo,

maximo, imò ab omnibus etiam specibus Accidentium, Quantitatum, Qualitarum, Relationum, &c. qua sunt infinita? pari igitur ratione nosse perfectè debebis hæc omnia; nisi enim penetres omnium & singulorum naturas, quid scies in homine esse per quod ab illis differat? nonne forsan aliquid assumes per quod cum illis conveniat?

Sed ne in hoc diutiùs hæreamus, quæro aliundè quomodo in differentiarum cognitionem veniant? cognoscere certè nullam possunt nisi intermedio sensu, quo scilicet Inductione facta omnium singularium colligatur deinde communis differentæ ratio. Sed præterquam quòd singularia omnia non licet percurrere, nihilque propterea tutò elicere vniuersale, ut paulò post declarabitur, ac ut præteream omnem sensus cognitionem esse fallacem (quod est paulò antè insinuatum) adèd proinde ut illius operà non possit valde certa haberi differentiæ notitia. Nonne sensus immoratur in folis accidentibus vel per Aristotelem? quomodo ergo differentià quæ essentiæ pars intima est, penetrare poterit? Dices fortè Intellectu non sensu cognosci rerum differentias. Verùm cum nihil sit in Intellectu quod prius non fuerit in sensu per eundem etià Aristotelem, quonammodo Intellectus pervidere poterit quod non transierit per sensum? neque enim dicas transire esse etiam delitescentem sub accidentibus. Si enim sic occulta transeat, debet ergo illà deinceps Intellectus revelare ut possit agnoscere; quæso to quorsù ignoretur magnetis, torpedinis, aliorumque huiusmodi sensus differentia seu essentia: nonne illa sub accidentibus latens nostros sensus hautè rarò pervasit? Quid istorum dico? an ne alterius cuiusquam rei naturalis ei familiarissimæ, nimirum e qui canis, pomi, nucis ferri, silicis essentià adhuc novimus, cum accidentia tamen illorù, adèd sæpe nota fuerint? Quid enim, quia Equum hinnientem aut currentem sæpe vidisti, explicare propterea potes cuiusmodi sit illud hinniendi, aut currendi principium? non quæro quemadmodum hinnitus ille formetur, quomodo cursus exciteretur, quæ sit applicatio internæ virtutis ad organa, & quorsum ex tali applicatione talis effectus consequatur; quæro solùm cuiusmodi imaginis equi Animam, cuius substantiæ? quàm tenuis aut crasse? quomodo sese insinuantis, aut permeantis tam varias partes? quomodo sensum il-

lis

lis tribuentis? quomodo imaginantis? adhæc quorsum tale caput, tales pedes exigentis? quorsum renibus, vesica, & similibus commode carentis? quorsum ad hanc veriùs ætatem & non aliam vitam producentis, & alia innumera, quæ rogare est cuiq; impròptu. Similia inquiro de anima pomi, cuiusmodi scilicet energia quæ ex tantulo granulo primùm radices deorsum fuderit, fursum autem & truncum & ramos tam varios eduxerit? quæ deinceps tanta providentia & alimentum traducat ad extremos vsq; ramos, & tanta solertia partibus singulis distribuat quantum satis est, quæ ex eadem, & vni moda vt videri potest substantia, & viridia folia & flores, partim rubicundos, partim candidos efficiat. Quæ folia eodem semper modo & cum eodem nervulorum numero, ac ordine formet, flores eadem semper ratione componat, fructus eadem forma emittat, cum tali cortice, cum tot granis, cum pediculo longè alio modo quàm pyris adhærescente, & similia, quæ infinita sint. Verùm percurre omnia, & singula opera naturæ, dispeream nisi minima res miraculis maximis attendentem te stupore corripiat. Continere me non possum quin hic transcribam quod eleganter D. Basilius habet in hunc modum, *Dicat mihi aliquis quæ sit formicæ natura? an spiritu & anhelitu vita ipsius contineatur? an ossibus corpus distinctum sit? an nembris & ligamentis eius compositio firmata? an muscutorum & glandularum munimento nervorum natura contineatur? an medulla à sincipite vsque ad caudā vnā cum spina verticulis extenditur? nervosa membrana ambitus quæ moventur concitatoriam vim immittant? an sit in ipsa iecur, & vas fellis susceptorium in iecore, tenesq; ac cor, & arteria & vena, pelliculaq; ac intercepta? an nudū sit animal, aut pilosū, solidipes sit, aut multifidos gressus habeat? quanto tēpore vivat & quis sit ipsius generationis modus? quamdiu gesterur fœtus, & quomodo neq; pedestres omnes sint formicæ, nec omnes alate; sed alia quidem humi repunt, alia per aërem feruntur?* Hastenùs D. Basil.

Quæ profectò cùm ita se habeant, hoc est cùm rei nullius natura, seu differentia cognoscatur, quid est cur gloriemur habere nos definitionem, quæ res omnes differentiarum explicatione patefaciat? Dices non ignorare nos rerum omnium differentias, nam vnius saltem rei videlicet hominis differentiam cognoscimus, illa enim est, esse rationalem. At primò bene dices saltem, si-

hac de re plura aliàs. Nunc quod magis est rei præsentis quæsierim solum ex te quomodo putes Rustico ac Philosophiæ tuæ ignaro planam fieri hominis naturâ, vbi paucis verbis illi dixeris esse animal rationale? Vt enim taceâ quot explicanda occurrerent illi circa animal, cum non magis foret Animalis, quàm hominis cognita natura, in quam nam caliginem putas deducendus esset, cum inquirenti quid per rationale intelligeres, tot verba essent multiplicanda, & de singulis tot interroganda, vt dies illum & te lux omnino deficeret. Neque enim dixeris definitione semel assignata nihil esse amplius quærendum, siquidem cum tu vel gratis, vel juxta præoccupationem dare mihi verba possis, quæ ego possim non intelligere, quorsum mihi vterius te rogare non liceat, vt illud ipsum tandem quod tu intelligis, intelligam? & præsertim in hac materia, cum adeò difficile sit vel uno, vel paucis verbis abstrusam adeò rem explicare cuiusmodi est essentia, quæ eadem sit, & cognosci debeat radix & causa tot proprietatum cum ratione, qua illas fundit, veldijunctas habet, &c.

Quamquam quid est quod existimem pauca illa verba, quæ exigi, aut sufficere ad definitionem volunt, perspicua esse, & familiaria? vnam quipem ex Regulis definitionis esse volunt, vt definitio sit re definita clarior; at cedo nihilominus quomodo huic edicto pareant? Exemplum vnum seligamus. Res definienda esto Motus, ecce quæ tradi soleat Aristotelea Motus definitio, *Actus Entis in potentia, quatenus in potentia*; Deum immortalem! Stomachus ne est qui ipsam valeat concoquere? Quærebatur ecce explicatio reifata familiaris, illa verò sic est implicata, vt jam amplius non appareat. Quis precor enim vel Rusticus est, qui Motus nomine audito, aliquam itatim non efformet motus intelligentiâ? Ecquis verò quantumvis acutus, & solers Philosophus est, quinisi præmonueris de Motu te loquuturum, conjectari valeat hanc esse motus definitionem? Taceo proinde quàm egregiè natura motus inde explicetur, cum definire rursus oporteat quid sit actus, quid Ens, quid potentia, quid quatenus, quid in potentia; & cum singula exposueris explicandæ rursus occurrant singulæ partes definitionum, quarum deinde aliæ definitiones dandæ sequantur absque vlllo termino. Hoc autem adjicio, satius longè mea sententia

tibi potius adstipulet, quàm tot magnis viris. Quæro an sis saltem crediturus Porpyrio, cui fidere tantopere soles in libro Prædicabilem. Is igitur in illo libro Deum facit rationale animal, unde ut hominem à Deo discernat, vocat animal rationale mortale, cum scilicet Deus animal rationale immortale sit. Hinc etiam Martianus Capella hanc solam plenam appellat hominis definitionem, homo est animal rationale mortale; *Addendo enim, inquit, mortale, separavimus à Diis, addendo rationale, separavimus à feris.* Quanquam neque addita illa *mortalis* particula sufficere videretur ut homo differret à Diis, si vera essent, quæ Plutarchus de morte Panos retulit. Dices ulterius neque esse credendum Porphyrio, quod fuisse videatur Platonius, potiusquàm Peripateticus, & Martianum quod attinet videri ipsum Aristoteli in multis repugnasse. At præterquam quod isti sunt in illis operibus maxime Aristotelei, ipsi ne saltem Aristoteli adhibiturus es fidem? is igitur ut vidimus superiore libro appellavit Deum sempiternum animal; cum verò irrationale non potuerit intelligere, necessarii intellexit esse animal rationale. Hinc Jamblichus libro 2. de Secta Pythagoræ refert hæc verba Aristotelis, *Animalis rationalis aliud quidem est Deus, aliud autem homo, aliud verò ut Pythagoras.* Quocirca te per Genium Aristotelis rogo, num Aristotelicè loquendo illa sit hominis definitio sufficiens. Dices præterea Fidei potius quàm Aristoteli hac in parte standum; docet videlicet Fides Deum, Dæmonem ve seu Angelum cum bonum, tum malum non esse animal seu corpoream, sensibilem ve substantiam. At primum ut hoc ego ulnis ambabus complectar, ita peto ut discernas & ab Aristotele & ab omni Philosophia, quoties alicujus rei definitio rogabitur ut illam petas ex Evangelio. Neque enim dicas cæterarum rerum definitiones haberi posse naturali lumine, hominis verò non posse; siquidem qua temeritate præsumet homo quid cætera sint, propriè & exactè nosse naturali lumine, si eodem lumine seipsum cognoscere nequeat. Deinde verò quid curris ad Fidem, cum ecce unus ex præcipuis Fidei columinibus Beatus videlicet Gregorius rem prorsus conficiat? cum is enim libro Moralium super Job 32. ita loquitur, *Nullum est rationale animal nisi Angelus & homo.* Quid aliud eloquitur quàm & Angelum esse, &

hominem solum non esse rationale animal? Dices adhuc fortè hunc & alios Patres & Animalis & rationalis abuti nominibus. Sed ut præteream te potius quàm illos abuti, admittes ne Faunos & Satyros Capripedes & cornutos Animalia propriè, ac sine abusione dici, an non? admittes dubio procul esse; quippe & corporei sunt, & Animalium partibus gaudent, & sensibiles actiones eliciunt. Quæro deinde rationalia ne an irrationalia concedes? si dicas esse irrationalia occurrit Beatus Hieronymus, qui in vita Beati Pauli primi Eremitæ referens Divo Antonio apparuisse Satyrum, rationalem sanè illum fuisse probat, cùm hoc modo loquutum inducit, *Mortalis ego sum, & unus ex accolis Eremitæ, quos vario delusa errore Gentilitas faunos, satyros, & incubos vocans colit. Precamur ut pro nobis communem Deum depreceturis quem pro salute Mundi venisse cognovimus.* Non hic Plinium cito, aut alium quem possis habere suspectum, Hieronymum cito, virum sanctitate, & doctrina in Ecclesia Christi universa celeberrimum. Satyrus igitur haud dubiè rationale est Animal; non igitur solus homo animal rationale est; nisi fortè dicas Satyros homines esse, quod ut dixeris absurdè ita saltem oportebit duas hominis distinguere species, aliam nempe retinentium generale nomen hominis, aliam verò Satyrorum. Omitto hic neque omnes homines videri Animalia rationalia cùm tam multi ratione priventur; neque Animalia cætera dici debere irrationalia, quippe cùm ratione utantur. Sed hac de re ex professo in Paradoxis Physicis.

V.

Nunc cùm velint principia Demonstrationis esse Propositiones universales, ostendendum est nullam tunc colligi, aut haberi posse Propositionem universalem. Primum igitur si sit aliqua propositio universalis, illa non potest alio modo, quàm inductione colligi, ut patet ex antè citato Aristotelis loco 1. posteriorum, itemque ex 6. Ethicorum, aliisque locis, & res manifesta est. Atqui Inductione colligi non potest Universalis propositio, siquidem percurri priùs & enumerari non possunt omnia singularia ratione quorum propositio dicenda sit universalis. Ratio est quia singularia innumera sunt, ex quo docet Porphyrius frustrâ tentari enumerationes rerum singularium. Vnde si velis inductione colligere hanc exempli causâ propositionem, *omnis homo est animal*, quis non

non videat factū impossibile ut percurras & ennumerēs homines omnes singulares non modo quotquot jam sunt, sed etiam quotquot pridem fuerunt, quotquot erunt in posterum, & quotquot tandem esse possunt? Neque dicas non omnium specierum innumera esse individua v. c. Solis, aut Phœnicis, atque adeo non ubique tentari rem impossibilem. Quod enim spectat ad Solem, is cū in Mundo sit unicū, ineptēs de illo facturus Propositionem universalem, qualis est v. c. ista, *Sol est lucidus*. Quod si dicas plures Soles virtute divina possibiles esse, ac ratione possibilem Propositionem illam colligi, recidis in difficultatem, quam nitebraris effugere, siquidem possibiles Soles innumeri sunt, & ignoras quam diversos Deus producere valeat, quemadmodum cæterarum rerum individua sunt diversitatis infinitæ. Quod ad Phœnicem si vera supponas, quæ de illo circumferuntur, cū successivè sint plures Phœnices, erunt etiam virtute naturæ infiniti possibiles, cū rerum natura quo statu nunc est tempore nunquam finiēdo subsistere valeat. Sentio satis quid sis responsurus cū scilicet diffidas te percurrere unquam posse omnia vel unius generis hujusmodi individua, cū tamen tot Propositiones universales de homine jactes. Dices necessariū non esse enumerando percurrere omnia, sed omninò sufficere si percurrantur aliqua, sicut enim Averroes dicit propositiones esse ad quas etiam duo vel tria particularia sufficiant. Attamen verò ex duobus, ex tribus, ex aliquibus, imò etiam ex pluribus quomodo colliguntur omnia? Dices si duorum, vel trium, vel plurium, etiam individuum proprietatem cognovero, cur non eandem cæteris haud dubiè inesse includam? cur non includes? Quia cū hæc pauca, quæ percurristi in proprietate aliqua convenient, innumera alia esse possunt quæ in eadem differant. Ecquis scis enim id esse non posse cū non omnia prævideris? cur non concludes? illa sanè ipsa de causa quasi tres, vel quatuor, vel centum, vel multas etiam myriadas Europeorum hominum dumtaxat vidisses albo colore, & vivida carne, conspectis nunquam Æthiopibus collegisses haud dubiè omnem hominem esse album.

Ceterū autem quid respondebis ipsi Aristoteli dum libro 5. de generat. anim. reprehendit Democritum quòd de dentibus deci-

D. Ambrosius, & alii scriberent vultures gigni sine masculorum semine? Verum quid necesse est ad hanc rem plura memorare, cum vel Authorum lectio, vel propria observatio suppeditare cuique possit exempla innumera rerum mirabilium, quæ planum faciant quàm periculose Propositiones universales adstruantur. Exinde enim solum colligo si vel unicum singulare deficiat, Propositionem universalem tanquam falsam corrui. Dico quippe exempli gratiâ veram esse hanc universalem propositionem, *omnis homo bipes est*; nam & Porphyrius dicit convenire omni homini, licet non soli, ut sit bipes. Quamvis ego aliud tibi exemplum afferre non possim, quàm ejus puellæ, quæ unipes non ita pridem in hac Provincia visa est, nonne tamen illa tua universalitas inde collapsa est? Dico monstrum esse; dico unam hirundinem non facere ver; dico quidquid volueris; satis est tamen dummodo unum singulare deficiat, ut quod universaliter pronuntiatur falsum sit. Ecquid porro scies num unum, vel pauca, vel plura deficiant à ratione universali, nisi omnia percurreris?

Omitto jam elogia illa, quæ consequenter attribuuntur demonstrationis principiis. Ex eo enim quod propositiones sint universales dicuntur esse necessariæ, per se, de omni, sempiternæ, &c. quæ quidem vanæ non minùs sunt, quàm universalitas ipsa. Dicuntur esse priores, notiores, veriores, causæ conclusionis, sed quis non videat ista magis singularibus convenire, quàm universalibus? Dicuntur debere esse primæ, immediatæ quatenus ipsum, &c. Deum immortalem! quæ non nugæ? Cedo ergo vel unius demonstrationis exemplum in cujus principiis tot mirabiles proprietates resplendeant. Mirum dictu, si dixerò, *omnis homo est animal, Plato est homo, igitur Plato est animal*, nolunt esse demonstrationem quia unum ex principiis, nempe Minor propositio, universale non est. Si dixerò *omne animal est corpus, omnis homo est animal, ergo omnis homo est corpus*, nolunt esse demonstrationem, Major nempe propositio non est immediata cum inter animal & corpus, vivens medium sit. Si dixerò *omne animal est vivens, omnis homo est animal, ergo omnis homo est vivens*, nolunt esse demonstrationem, quia scilicet nec Major, nec Minor est quatenus ipsum, seu non dicitur reciprocè; ut enim dicimus *omne animal est vivens*, ita

non

non dicimus omne vivens est animal. Sed asserto quodcunque exemplum demonstrationis volueris, semper aliqua ex illis conditionibus deficiet. Quid igitur, nullam-ne habent cui omnes hujusmodi proprietates conveniant? Aristoteles certè nullam profert. Ecce tamen unicam quæ jam in ore sit omnium, *omne rationale est risibile, omnis homo est rationalis, ergo omnis homo est risibilis*. Verùm enim verò demonstratio hæc est ne minus ridicula quàm demonstrans? homo est dignus qui rideatur, hoc est enim quod excluditur, risibile quippe sonat id quod rideri debeat, aut mereatur. Sed demus id significet quod isti intendunt, videlicet risus capax, seu ridere valens, hoccinè quæso sillogismo continetur idea illius absolutæ demonstrationis? Examinemus unicum principium, Majorem nempe propositionem, primò si verum sit Deum esse rationalem, quod & ex Aristotele antè citato colligitur, & ex definitione illa personæ, quam Theologi omnes Divinis Personis attribuunt; dicitur enim persona rationalis naturæ individua substantia. Si Angeli rationales sint, ut & multos Philosophos, & D. etiam Gregorium vidimus supra asserere, & nihilominus fateare neque Deum, neque Angelos risibiles esse; quomodonam universalem Propositionem faciens asseris omne rationale esse risibile. Secundò dicis Propositionem necessariam & per se, supponisque propterea, & dicis risibile fluere per se ac necessario ex rationali. Sed quæso te per quos canales derivari concipis? quænam est utriusque connexio? connexio quædam appareret, si diceres *omne rationale est admirationis, sive discipline capax*, at risus capax, quis capiat? dicunt risibile fluere mediante admiratione; at imprimis non est igitur propositio prima atque immediata, qualis tamen esse debet, ut illæ omnes conditiones adsint. Deinde par difficultas est, nam qu's attendendo perspicat connexionem risus cum admiratione? nonne sæpe admirantes obrigescimus? tantum abest ut rideamus? Prætereo quod risus videatur potius effectus & signum stultitiæ, quàm rationis. Quomodo ergo propositio est necessaria, & per se, nam quod sempiterna, seu æternè vera non sit, & ex hisce refutatis, & ex dictis superiori exercitatione manifestè colligitur. Tertiò dicis esse de omni, & præterquam quod istud idem est, ac esse universalem,

lem, & ut concedam te loqui de solo rationali humano, quæso unde scivisse potes omnem hominem risibilem esse? Quid? omnesne homines vidisti? Qui scis an sit fortè Regio aliqua in qua homines non rideant? Nonne plurimos historia commendat, qui nunquam riserint? cur igitur omnes etiam ἀγέλας asseras risibiles esse? Dices etsi actu non riserint, at habuisse tamen potentiam ad risum? sed istud quomodo scis? nam internæ potentiæ per solos actus externos noscuntur? Dices quia homini omni ingenitum est ut possit ridere. At, mi amice, principium petis, hoc enim ipsum in quæstione est. Quartò dicis esse secundum quod ipsum, quasi subjectum & attributum efferri possint ad convertentiam. At quomodo dicere potes omne risibile esse rationale? nonne enim lemnes ridere sæpè noctu perhibentur, caco-dæmones tamen isti non sunt rationales eo sensu quo tu accipis. Dices risum æquivocum esse? at non sit risus humanus, humano tamen est similis, habesque proinde aliquam generalem rationem risus. Deinde qui scis an animalia, quæ irrationalia censes non rideant? Quæso te enim quid est risus? si accipias pro lætitiâ; lætantur animalia, rident igitur: si pro rictu & diductione oris & faucium, nonne hujusmodi rictum & deductionem in animalibus observamus? Dices hunc rictum à rictu humano differre; sed quemadmodum illa animalia specie ab homine differunt, asserito & risum illorum specie differre ab humano; at risum tamen ab ipsis omnino ne tollito; Quintò priorem, notiozem, veriozem, causam conclusionis. At quomodonam potest prius rationale ridere, quàm homo? quomodo tibi notius est ut rationale possit ridere quàm homo? quomodo verius rationale ridere possit quàm homo? quomodo in ratione existens causa est facultatis risus, quæ reperitur in homine? Ut proinde illud rationale est risibile sit causa istius, *homo est risibilis*. Nisi fortè statim non appareat ex eo quod isti volunt istud rationale Majoris nec latius nec strictius patere, quàm hominem conclusionis, & majorem & conclusionem idem profus esse; sicque istos nihil hac bella demonstratione probare, sed principium petere. De Minore nihil est dicendum ne res evadat æquo longior.

Su-

VI.

Superest pauca attingamus circa formam demonstrationis, quam volunt esse syllogisticam. Imprimis ergo si verum sit quod Aristoteles docet tunc arbitrari nos scire (& consequenter demonstrationem habere) cum causam cognoscimus, propter quam res necessariò est; constat syllogismum ad hoc non esse necessarium, cum sine ipso possimus causam necessariam cognoscere. Vult quis exempli causâ scire, seu quod est idem, sibi demonstrari omnem hominem risibilem esse, dices tu illi, *omne rationale est risibile, omnis homo est rationalis, ergo omnis homo est risibilis*? non utar ego haeceadem syllogistica forma, attamen si dixero, omnis homo est risibilis quia est rationalis, nonne & eandem quam tu reddidero causam, & brevius ac sine ullis ambagibus id fecero? Certè verò illa causalis particula, *quia*, clariùs exprimit quemadmodum rationale sit causa risibilis, quàm tota illa tua ratiocinatio. Porro si res ita se habeat, demonstratio ex natura sua syllogismus nequam est. Et sanè id mirum est quod aliquoties diximus, nullam exstare in totis Aristotelis operibus demonstrationem non modò non carentem supradictis illis conditionibus; verùm quæ nequidem constet explicatione syllogismi. Quasi verò si Aristoteles fuit magister artis & accuratissimè Philosophiam tradidit, non debuerit omnia demonstrare forma perfectissima, & quam praefertim ipse exegisset, nisi fortè quidem tunc voluisset nos ludere! mirum & in cæteris artibus, ac in Mathematicis praefertim ad quas ferè relegatum est demonstrandi artificium, syllogismum ullum vix unquam audiri. Clavius est qui demonstrationem primæ propositionis Euclidis syllogismis variis explicare tentaverit, agnoscens verò demùm hujus artis syllogisticæ inutilitatem, *Negligunt tamen*, inquit, *Mathematici resolutionem istam in suis demonstrationibus, eo quod brevius ac facilius sine ea demonstrent id quod proponitur*. Hinc est quod prima exercitatione concessimus posse quidem quamlibet argumentationem ad syllogismum redigi, attamen inutiliter, & citra ullam necessitatem. Dices ut hoc ipsum arguit demonstrationem ex natura sua esse syllogismum, cum in syllogismum possit redigi. Attamen quæ est consequentia? dicendum igitur est arborem adhuc exstantem in sylva esse ex natura sua, & essentialiter scamnum, quòd in scamni formam possit

possit redigi? paritas est in exemplo ac præsertim in eo, quodd ut ex eodem ligno variaz operum species possunt confici, ita ex eadem demonstratione variaz species argumentationis. Ex allata enim illa tua demonstratione potest fieri Enthymema in hunc modum, *omne rationale est risibile, ergo omnis homo est risibilis*; potest inductio sic, *iste homo cum sit rationalis risibilis est*, itemque ille, & alius & cæteri, *ergo omnis homo est risibilis*. Potest exemplum, *Plato ridet, Cicero ridet, cæterique homines, puta quodd sint rationales, rident, ergo omnis homo est risibilis*. Atque illo quidem supposito quod inductio & exemplum sint germanæ species argumentationis ut tu cum Aristotele asseris; porro ut alias quoque formas seu species proponam, si quis diceret *omnis homo est risibilis, quia omnis homo est rationalis, & omne rationale est risibile, vel omnis homo est rationalis, & omne rationale est risibile, ergo omnis homo est risibilis*, verè profectò & clarè non minùs quàm tu demonstraret, etsi in forma, & figura syllogismum non faceret. Dixi & sic clarè proponi, *omnis homo est risibilis quia est rationalis*, posset & dici *quia omnis homo est rationalis, itaque est risibilis*, vel sic, *causa cur omnis homo sit risibilis est ratio, vel rationalitas, vel quod rationalis sit*, &c. Verumtamen huiusmodi formas comminisci licet propemodum infinitas.

Sed ut artis syllogisticæ inter probandum ac demonstrandum inutilitas paucis ac meliùs inclarescat, Age ostendamus syllogismo nihil posse probari quin petatur principium, probando nempe idem per idem, aut incidatur in diallelum, seu alterutrum, hoc est ex duobus probando unum per aliud, quod probari rursùs indigeat per alterum. Ac imprimis, *vel æquale* ut loquuntur *per æquale probatur*, vel *particulare, seu minus universale per aliquid universalius*. Ad priorem casum quod spectat, ad ipsum est quod paulò antè visisumus innuere. In hac enim demonstratione, *omne rationale est risibile, omnis homo est rationalis, ergo omnis homo est risibilis*, quid amplius dicis in conclusione, quàm in majori propositione? Vis tu rationale non latius patere quàm hominem, nec hominem strictiùs quàm rationale, alterutrum igitur dicens, idem dicis. Sanè verò rationale, quæ explicatio est concretorum idem est ac habens rationalitatem; quid autem aliud intelligitur per habens rationalitatem, quàm homo? Vides ergo te cùm probare vis omnem ho-

minem esse risibilem per illam propositionem, *omne rationale est risibile*, probare idem per idem : proinde est enim ac si diceret, *omnis homo est risibilis, quia omnis homo est risibilis*. Quin etiam vides si quis tibi negaverit hanc propositionem *omnis homo risibilis*, te ineptè contendere ex eo demonstrare quod omne rationale sit risibile, nam & pari de causa, ac fecilitate Propositionem istam negabit, quod nihil amplius sonet, quàm illa. Ut enim una sub se continet particulares omnes homines, quorum ille aliquos volebat excipere, ita continet alia, ut pari jure proinde excipiat. Neque dicas rationale exhibere quandam conceptum distinctum à conceptu hominis : nam ut concedam rationalitatem posse exhibere, cum sit quedam tantum pars humanitatis ; at ex quo tamen dicis rationale nihil aliud dicis, quàm habens rationalem, hoc ipsum autem nihil prorsus ab homine differt, ut prædiximus. Neque dicas etiam per rationale importari causam cur homini risus, aut risibilitas conveniat, nam cum hæc duo synonyma & æqualia sint ; imò cum rationale & homo in re ipsa nihil differant, non potest unam ullam exercere causalitatem in alterum, ut proinde rationale non sit magis causa homini, ut sit risibilis quàm homo sit rationalis, ex quo etiam fit ut hic vulgò seu circulus, seu regressus non improbetur ; *omnis homo est risibilis, omne rationale est homo, ergo omne rationale est risibile*, quod precor quid aliud est, quàm incidere in diallelum ? Circa posteriorem casum, esto hæc ratiocinatio, *omnis homo est animal, sed Plato est homo, igitur Plato est animal*. Quæso verò te cum dicis *omnis homo est animal*, vel sub hac voce, *omnis homo*, includis Platonem vel non ? si non includis, & propositio falsa est, & conclusio ex illa non pendet ; si includis, vel probare via Platonem esse animal, quia cæteri homines simul inclusi sunt animalia, vel non ? si prius perinde est ac si probares Platonem esse animal, quia ignis est calidus. Quid enim magis facit ad hoc ut Plato sit animal, quod Socrates, quod Demosthenes, quod cæteri habeant animalitatem, sunt nimirum prorsus extra ipsum, & progenitoribus exceptis, nullam habet dependentiam à cæteris ; certè ut animal sit. Si posterius ergo in Propositione illa ad Platonem solum respicis, unde & solum dicere contendis Platonem esse animal, quia Plato est animal sicque probare idem per idem. Et confirmatur quia si quispiam tibi negat

rit

rit Platonem seu unum singularem hominem esse animal, nonne vides eadem de causa negaturum illam Propositionem *omnis homo est animal*, quia concludis scilicet sub illa singularem hominem, quem ille exclusit. Ac ut de cæteris concedat Platonem semper excipiet, ut intelligas frustra nisi te per illam uniuersalem Propositionem quod Platonem attinet, probare idem per idem, quod cæteros homines nihil. At quæso rursus ex te postquam eam conclusionem probasti per illam propositionem, qua ratione deinde probes hanc propositionem, *omnis homo est animal*? diceres indemonstrabilem. Dicerem ego improbabilem nisi & Aristoteles & communis sensus manifestum faceret probari posse inductione. Quorsum ergo illi assentiris? nonne quia & Plato, & Socrates & Demosthenes, & cæteri sunt animalia? jam igitur diallelum vides? probaras enim Platonem esse animal, quod omnis homo esset animal; nunc probas omnem hominem animal esse, quod Plato cum cæteris hominibus sit animal.

Adhæc confirmari volunt conclusionem demonstrativam, & VII.
scientificam vel à priori vel à posteriori, hoc est per causam concludendo effectum, vel per effectum concedendo causam. Sed imprimis causa & effectus sunt Relata; sunt ergo simul cognitione. Impossibile scilicet videtur cognoscere illud esse causam illius effectus; & non eodem momento hunc esse effectum illius causa. Si igitur in Majori propositione noveris causam, quam assumis, nonne etiam novisti effectum? Quid ergo laboras & sudas in contexendo syllogismo, ut in conclusione cognoscas quod antè jam noveris: an non labor irritus est? Deinde, secutus Aristotelem admittis regressum in his demonstrationibus, ut scilicet postquam probaris effectum per causam, possis probare causam per effectum; at nonne istud nugari est? si jam antè noveris absoluto uno syllogismo hunc esse causæ illius effectum: par ratione noveris hujus effectus illam esse causam? Quid igitur illo tuo regressu vel facis vel proficis? respondere enim quod nonnulli faciunt fuisse antea confusè solum cognitum, quod illa esset hujus effectus causa, vel contrà; quid aliud arguit, nisi fuisse demonstrationem imperfectam, tanquam ex minus cognitis, minusque certis procedentem? Cæterum ut hoc postremò attingat, demonstratiōem, quæ est à priori, facere solent certiorē, manifestatiorēq; demonstratiōem à posteriori, cedo, quo jure,

jure, ac titulo? Demonstratio à priori est ex causis & universalioribus; demonstratio à posteriori ab effectis & minùs universalibus; at nonne effectus sunt notiores causis, cum disquisitio causarum sequatur observationem effectuum? nonne particularia vel minùs universalia sunt notiora universalioribus; cum hæc habeantur ex inductione illorum priùs cognitorum? Quæ demonstratio igitur est à posteriori notior est, sive procedit ex notioribus eâ, quæ est à priori, quocirca & certior est, seu procedit ex certioribus. Certitudo quippe est à majore seu evidentiore notitia. Neque dicas effectus quidem esse notiores nobis, & particularia similiter; at causas esse notiores naturâ, similiterque universalia, demonstrationes quippe habituri quærere solemus quid nobis, non quid naturæ notum sit: distinctio esto perquam lepida; at insisto, agiturne de demonstratione quam faciat natura, vel quam faciamus ipsi nos? Quasi verò adeò ad parandam nobis evidentem alicujus conclusionis notitiam juvet, ac promoveat nos, quòd illa sit nota naturæ, vel ut explicas, secundum naturam, si illa interea nobis vel quod ad nos spectat, sit obscura & inevidens. Eodem spectat alius quispiam loquendi modus ridiculus, quo propositio quædam dicitur per se nota non secundum nos. Quæso enim quibus seipsa specillis intueatur, aut quo genere notitiæ sit nota, sine ordine, & relatione ad noscentem? Quocirca non immeritò quispiam existimaverit, cum omnis notitia (ac proinde demonstratio) quæ dicitur à priori, pendeat ac petatur ex ea, quæ haberi dicitur à posteriori, necessarium esse hanc semper haberi & evidentiore, & certiore illa, cum juxta illud Aristoteleum, *propter quod unumquodque est tale, illud magis tale sit*. Ut taceam proinde posse fortassis opportuniùs transmutari vocabula, ut quæ est à posteriori, diceretur à priori; quæ à priori, à posteriori. Sed in hoc hærendum non est.

EXERCITATIO. VI.

Quòd nulla sit Scientia, & maximè Aristotelea.

NON est quod initio mirere, cur non videamur omnem Scientiam ex æquo esse impugnaturi. Primùm enim contendere posses cognitionem Mysteriorum Orthodoxæ Fidei appellari Scientiam debere, aut posse, cùm præsertim Apostolus dicat *Scire nos Christum crucifixum, & cantet Ecclesia scire nos Christum surrexisse à mortuis*, adeò proinde ut liceat quòque dicere, scire nos Deum esse trinum, corpus Dominicum extare in Eucharisticis speciebus, atque ita de cæteris; ut præteream dari Scientiam, quam vocant Sanctorum, & Theologiam Scholasticam inter Scientias vulgò numerari. Quamobrem principio statim & ab ipso usque titulo nullam Scientiam hujusmodi profiteamur hic impugnari. Non est quippe Scientia Aristotelea, ut quæ conjunctam certitudinem evidentiæ non habeat, nec demonstrationem, quæ est ex naturæ principiis, sed Fide sola, quæ est ex revelatione & autoritate divinitatur. Hinc cùm vulgò non tam Scientia dicatur quàm Fides, & per ipsam non tam scire dicamur, quàm credere, poterat quidem per titulum intacta hic intelligi; ut cavilli tamen cessarent, visum est hæc paucâ præfari, attexereque & nostra facere hæc ipsa D. Augustini verba, *Ad cætera exercemur per fortasse; at cùm de rebus Fidei agitur, ibi est certè sine fortè*. Deinde verò admittere posses appellandam Scientiam esse notitiam quandam experimentalem & rerum apparentium, ut cùm dicor scire me sedere, me nunc potiusquàm stare, interdum potiusquàm nocturnum, impransum potiusquàm saturum, domi potiusquàm in foro. Itemque scire mel mihi potius videri dulce, quàm amarum, calidum ignem, potiusquàm frigidum, nivem albam, potiusquàm nigram, lucidum Solem, potiusquàm obscurum. Ne igitur quispiam hic nobis facere invidiam conetur, quod perspectas adeò & illustres res pernegemus, & insequamur; idcirco præmonendum est ejusmodi Scientiæ genus à nobis

nobis hic non impugnari. Atque hoc quidem etiam titulo exclusa poterat intelligi. Si satis constanter tueris Scientiam esse alicujus rei certam, evidentem & per necessariam causam, seu Demonstratione habitam notitiam; hac enim ratione illa experimentalis seu apparentium notitia nomine *Scientia* non veniret, Attamen verò quia cum nos solam illam tuam Aristoteleam Scientiam inficiemur, tu tamen à Scholari usu ad vulgarem descendens usum, & unam Scientiam cum alia confundens, statim objicis, *Quid ergo si nulla sit Scientia, nescimus ignem esse calidum? nescimus lucere Solem in meridie?* & similia; ea propter adjiciendum fuit, quod genus Scientiæ hic insectaremur. Porro ut discrimen utriusque, & instituti nostri ratio luculentiùs exemplo appareat, cum de mellis dulcedine v. c. quæritur, respondo ego mihi quidem mel apparere dulce, quoties enim experior dulcedinem linguâ & palato sentio. Unde & si ex me quæras an sciam mel mihi apparere dulce, vel me experiri degustando dulcedinem mellis, respondebo scire, & hoc modo Scientiam hujusce rei haberi concedam. At verò tamen si quæras deinde an sciam mel esse ex natura sua, secundum se, & reverâ dulce, hoc est quod tum demum nescire me fateor, quippe necessariam causam aut Demonstrationem non habens cur res ita se habeat, cum argumenta potius multa suppetant, quibus suspicor mel non esse ex natura sua dulce potiusquàm amarum. quaecumque mihi propter meam dispositionem appareat, seu respectu mei se habeat. Hæc igitur est Scientia, quam impugnare agredimur, ut post everfam Demonstrationem, qua præsertim constare putatur, specialiùs jam ostensuri simus non posse nos scire, seu certò & evidenter nosse, ac infallibiliter, & tutò asserere cujusmodi res aliqua ex natura sua secundum se, & per causas intimas, necessarias, infallibileque sit.

II

Imprimis igitur cum constet notitiam omnem, quæ in nobis est, vel sensum esse, vel manere à sensibus, ideò constare etiam videtur non posse aliquod de ulla re judicium ferre, nisi cui sensus ferat testimonium. Hinc est enim quod & jam antè vidimus ad sensum semper esse provocandum ut ad tribunal supremum, examenque ultimum juxta Aristotelem & notiùs videtur, quàm ut dici debeat, idcirco nos judicare Solem esse lucidum & sursum contendere, aquam esse frigidam, & fluere in declive, mel esse dulce,

&c

& aptum elaborati operâ; nivem esse candidam, & disgregativam visus; plantas humore nutriri, & tempore Verno florere, ac virefcere; Animalia gigni, sentire, crescere, senescere, mori, aliaque similia, quod sensibus attestantibus rem ita esse comperiamus. Difficultatis ergo primum est an cum iudicium feratur de rebus prout illæ obijciuntur & apparent sensibus, res eadem eodem modo omnibus omnium sensibus appareant. Nam si nix v. c. omni omnino visui candida apparuerit, tum videri sanum poterit iudicium, si pronuncietur, *Nix candida*; at si isti quidem candida, illi alterius coloris visa fuerit, quomodo sanum iudicium feret qui absolute pronunciarit nivem esse candidam? nonne enim poterit alterius esse coloris, si ut tibi candida, sic isti nigra, illi rubicunda, alij viridis appareat? Cæterum ut liquidò constet varias variis obijci rerum apparentias (sic enim quas Græci dicunt *Fantafias* liceat verere, ac impostorum usurpare) seligemus tria capita illa, quæ in Metaphysicis lib 4. cap. 8. licet ordine immutato indicat Aristoteles; memorat enim antiquiores in opinionem hanc incidisse, quod ejusdem rei fierent diversæ apparentiæ. Primum variis inter se Animalibus. Secundò variis etiam inter se hominibus. Tertiò uni etiam homini solitariè considerato. Quocirca ut hoc argumentum non nihil amplificemus, adeoque & à Pyrrhoneorum Methodo planè nos recedamus, arcendamus, arcenda principio non sunt ab hujusmodi negotio animalia cætera, neque enim sunt hominibus solis facultates sentiendi concessæ, verum perinde ac homines animalia vident, audiunt, olfaciunt, gustant, caloreque, frigore, cæterisque tangicilibus qualitibus afficiuntur. Quin etiam ut vulgò admittitur,

Nos Aper audita, Lynx visu, Simia gustu.

Vultur odoratu, præcellit Aranea tactu.

Audienda ergo quoque sunt circa objectorum sensibilibus apparentias animalia cætera priusquam de illis feratur iudicium. Si quidem ut succenseremus aliquibus abstemiis de sapore vini judicantibus, eo quod tam multi alij homines non minùs gustu pollentes ad iudicium non vocarentur; ita succensendum videtur omnibus etiam hominibus, si sibi solis credendum velint in ferendo iudicio de rebus sensibilibus, non admissis suffragiis animalium

reli-

reliquorum. Quid enim? si Senatorum paucorum iudicium, quod ad omnes pertineat, ratum non habetur, iudicium paucorum sentientium magis securum videbitur, cum illud spectet ad omnia sententia. Certè ut neglecti illi Senatores Regiū proferre diploma possunt, quo se æquè ac cæteros constitutos iudices probent; ita cætera animalia sensitivas facultates, vel diploma possident, quibus per æquè ac nos disquirant & dijudicent, neque dicas animalia cætera minimè ratiocinari, præterquam quod enim suo loco secus esse probabimus; sufficit jam quod illa reverà sensibilia objecta percipiant, quod salubria discernant à noxiis, quod bona eligant, mala respuant, &c. ut verè liceat dicere Animal iudicium ferre de rebus sensibilibus si non rationale, saltem animale, si non intellectu, at saltè phantasià juxta scilicet apparentiam jucundi, ingrati, pulcri, deformis & similium, qua res illis objiciuntur: Examine-mus igitur imitati Pyrrhonios an vero simile sit objici eisdem illis omnibus earundem rerum apparentias.

Nemo est, opinor, qui neget animalia esse inter se temperamentorum diversissimorum. Sanè enim illud arguit primò tam varius ille, ac multiplex generationis animalium modus. Ecce enim alia ex coitu nascuntur, alia sine coitu. Et ex illis quidem aliqua oriuntur ex ejusdem generis animalibus, ut tauri; alia ex genere disparibus, ut muli. Item alia formata prodeunt, ut equi; alia prodire infomnia dicuntur, ut ursi; alia sensuum organa impedita diu retinentia, ut canes. Rursus quædam bina eduntur, ut oves; nonnulla ex ovis proveniunt, ut aves; sunt quæ vivipara, & ovipara simul dicuntur, ut viperæ. Ex his verò alia sunt ex igne, ut pyraustæ; alia ex aqua, aut vino corrupto, ut culices; alia ex terra ut vermes; alia ex cæno ut ranæ; alia ex plantis, ut erucæ; alia ex cineribus parentum, quales perhibentur Phœnices; alia ex animalibus vivis, ut pediculi; alia ex mortuis, ut ex tauris apes, ex equis vespæ, ex asinis scarabæi, ex tineis papiliones, &c. Secundò idem arguit cum diversitas locorum in quibus degunt, quædam enim degunt perpetuò in igne, ut pyraustæ in fornacibus; quædam perpetuò in aère, ut avis illa Paradisi dicta; quædam partim in aère, partim in terra, ut Cycni; quædam perpetuò in aqua, ut pisces; quædam partim in aqua, partim in terra, ut Crocodili; quædam perpetuò

dam perpetuò sub terra ut talpæ; quædam Cælum mutant ut hirundines, quædam in eisdem regionibus morantur, ut passeris, &c. tùm maxime etiam diversitas victus, alia enim vescuntur herbis, alia granis, alia radicibus, alia lacte, alia sanguine, alia, carne, alia diversis, alia omnibus. Tertio id ipsum arguit & tanta partium diversitas, tamque diversa conformatio, & tanta qualitatū varietas, & tanta ætatum inæqualitas, & Antipathiarum multiplicitas. Sed quid hæreo in re tam clara, cùm animalia esse inter se diversorum prorsus temperamentorum videatur Sole clariùs? Jam igitur cum aded diversa sint in illis temperamenta, putas omnibus easdem res eodem modo apparere? Nonne si eidem homini temperamento tantillum vel ætate, vel morbo, vel casu mutato quæ res antea erat sapida & dulcis, nunc eadem insipida & amara apparet, quæ antea alba aut viridis, nunc eadem flava; aut rubra, &c? Credibile omnino est, diversis animalibus ob tam diversa temperamenta unam, eandemque omnino rem non videri ejusdem coloris, saporis, adjunctorumque similium. Certè si unus, idemque status prout in varias tibias inspiratur tantam gravis & acuti soni varietatem subit; si idem imber prout à variis plantis fugitur hinc fit rapa, illic brassica, hinc pomus, illic platanus, hinc cerasum, illic oliva: si idem cibus in Stomacho coctus prout variis partibus corporis affunditur, vertitur hinc quidem in carnem, illic in os; hinc in venam, illic in arteriam, hinc in nervum, illic in cutim, &c. Quis credat unum idemque objectum, prout per suas, quas vocant species, in aded diversè affectis, tam diversè temperamentorum animalium sensibus recipitur, non subire innumeras apparentiæ difficultates? nonne & vulgò id concedunt, *quidquid recipitur ad modum recipientis recipi*? Quomodo ergo fieri potest ut tam diversa recipientia, speciem unius ejusdemque rei non diversimodè accipiant, ac pro varietate complexionum, variè modificent, conforment, & quasi tingant ac maculent?

Sed confirmari istud potest ex duplici capite, primò ex multiplici organorum differentiâ. Nam quod spectat ad oculos, si quæ nobis alba videntur, IctERICI dicunt esse pallida, & qui hyposphagma habent, sanguinea; cur cùm animalium quædam albicantes habeant

P

oculos,

oculos, alia pallidos, alia sanguinis speciem referentes, alia colores alios, non earundem rerum colores diverso modo percipient. Item si cum nos diu defixos in Solem habuerimus oculos, demittamus postea in librum, qui characteres alij nigri, & fixi apparebunt, videbunturque nobis aurci, & vertigine quadam scintillantes, cur cum aliquæ animantes fulgorem habeant in oculis, luménque versatile adeo ut etiam in tenebris viderint, non dicemus easdem res alio ipsis modo apparere, quàm aliis? Rursus si cum ad lucernam tantillum æruginis, atramenti, sapiæ, rerum-ve aliarum similium inspergitur, efficitur ut qui adsunt, nunc æris colorem habeant, nunc nigri, nunc alterius coloris appareant, cur cum tam diversi humores insperguntur diversorum animalium oculis, non diversæ illis fient objectorum apparentiæ? Adhæc si res eadem & unicolor diversorum tamen colorum apparet prout per vitra diversimodè colorata speciebus suis trajectitur; cur idem illi non eveniet cum transierit per oculos adeò diversè in membranis & humoribus coloratos, at vitrorum tamen instar diaphanos, priusquam species ad cry stallinum, vel tunicam retinam in qua fit visio perveniat? præterea si cum oculum fricuerimus, aut distenderimus, res oblongæ, angustæ, aut alterius omninò figuræ, magnitudinis, numeri apparent, quàm relicto sibi oculo? cur cum aliqua animalia pupillam obliquam & oblongam habeant, v. c. capræ, aut felles, non alio modo res videbunt, quàm quæ rotundam vel alterius conformationis habuerint? Insuper si specula prout concava, convexa, oblonga, aut alia ratione fiunt, res easdem magnas, exiles, aut distortas repræsentant, cur cum animalium quædam habeant oculos protuberantes, depresso, in plano quasi jacentes, aut alio modo compositos, res easdem non appareant his majores, illis minores? &c. Quod spectat ad cæteros sensus idem prorsus dicendum est. Nam si aliter excipimus sonum auribus apertis, aliter semiobstructis, cur cum animalium quædam aures habeant patulas, quædam perangustas, non diversimodè excipient? Si Pituita prævalente aut frigefacti, aut alio modo affecti alios & alios experimur earundem rerum odores; cur non quoque experiri dicemus animalia, quæ narium aliqua phlegmate, alia sanguine, alia aliis humoribus prædominantibus affluunt? si cum aridior est

est lingua præ febrî, eandem rem judicamus esse alterius saporis, quàm cum humore abundat; cur non eadem res diversi saporis apparebit esse diversis animalibus, cum nonnulla asperam, & siccam habeant linguam, nonnulla valde humidam? si prout calidi, aut frigidi sumus, pilosi aut glabri, callosi, aut delicati, &c. tangibiles qualitates nos diversimodè afficiunt, cur diversè quoque non afficiant ipsa animalia, quæ diversarum sunt complexionum, & alia quidem glabra, alia pilosa, alia hirsuta, alia pennata, alia squamifera, alia testacea, &c. Secundò ex multiplici appetituum discrimine, si quidem hæc amant quæ illa oderunt, hæc prosequuntur quæ illa refugiunt, hæc jucunda habent quæ illa ingrata, hæc moventur iis, quæ illa non curant. An ne ergo eadem res possunt illis sub eisdem qualitatibus apparere? Quæso te cum piscis ducat aquam marinam suavissimam, homo autem valde ingratus, ejusdem ne videatur saporis piscibus & hominibus? unguentum hominibus gratissimum est, intolerabile scarabæis; oleum nobis utile, vespas & apes interficit; turbida aqua nobis displicet, placet suibus & camelis. Quot animalia fago vescuntur? At si vel fagi ramo tacta fuerit vipera vertigine opprimitur, quemadmodum vespertilio si platani contigerit folia. Sic non fert gallum gallinaceum leo (ut vulgò dicunt) arietem elephas, camelum equus, tygris sonum tympani, quæ cætera tamen non exhorrent. Cicuta nobis venenum est, qua tamen coturnices & capræ pinguescunt. Sicque de aliis sexcentis. An igitur putas eandem rem tam variè diversa afficientem animalia eodem modo, seu sub eadem specie, aut qualitate illis apparere? Nonne si hoc esset, delectarentur eisdem omnia, omnia eadem averfarentur? Et cum se res secus habeat, nonne par est colligere varias variis fieri earundem rerum apparentias?

Ex his ergo efficitur, ut cum eodem aliquo objecto sensibili proposito, quædam ex animalibus album, quædam viride, quædam dulce, quædam amarum, quædam utile, quædam noxium, aut sub alia simili varietate percipiant, asserere non liceat quale illud sit ex natura sua, & secundum se, sed ad summum liceat dicere quale illud cuique videatur, exempli gratia, si quæ ratur quod jam antè propositum fuerat, *sit-ne nix alba, an non?* respondere quidem possunt homines apparere sibi albam, an verò sit ejusmodi secundum se & naturam

suâ non videntur posse dicere, cum verò simile sit animalia cætera ob eas rationes, quæ allatæ sunt, videre nivem aliorum colorum. Sic quæstione proposita *sive mel dulce, an amarum?* dicere ad summum licet, videri illud nobis dulce, sive respectu nostri tale esse: at verò tamen in se & absolutè tale esse pronunciare fas non est; si foret enim tale ex natura sua, tale appareret omnibus quotquot gustu pollent, ut equis, tauris, &c. atqui res longè secus se habet. Similiter si quæzatur, *si-ne cicuta herba venenata, an non?* Statuere quidem poteris hominis respectu venenatam esse, coturnicis respectu non item: at facere illam absolutè aut venenatam, aut salutarem, vides ut non liceat. Si venenata enim est ex se, cur non in coturnicibus venenum quoque suum prodit? si salutaris, cur non salutem creat in hominibus? Certè quid tale est ex natura sua, tale omnibus apparet quotquot illud percipiunt. Ita nimirum in Ethicis Aristoteles ipse docet non esse jura, seu res justas, vel injustas à natura, quod varietatem in variis regionibus subeant; at verò ignem urere, seu calidum esse ex natura sua, quod & hîc, inquit, & apud Persas urat; præmittit verò rationem hanc, quia quod, inquit, *natura est, immobile est, & ubique eandem vim habet.* Dices ergo saltem de igne dicere licebit esse naturâ calidum: Respondeo id solum afferri pro Aristotelico exemplo, & non quod tuear licere id nobis asserere. Sane quidem calidum esse respectu nostri non imus inficias, ejusmodi enim illum experimur: At quis scit ex natura-ne sua talis sit, cum respectu omnium animalium talis non appareat? Ecce enim multa gignuntur, deguntque in mediis flammis uti Galenus ipse testatur de visis in Cypri fornacibus, & Philo Iudæus de iis, quæ visuntur in Macedonia. Putas ergo ignem respectu illorum ita calidum & ardentem esse, ut respectu nostri est? Certè non magis videtur quàm aqua calida piscibus; neque enim illa ex igne emergunt ut refrigerentur; magisquàm pisces ex aqua ut possint incalescere. Prætereo tam multa esse, quæ nec calorem ignis timeant, nec virtute ejus solvantur. Dicis tu reperiri ignem in concavo Lunæ à quo tamen cælum contiguum nihil patiatur: Quæso autem quid hoc est, nisi ignem ex naturâ sua non esse dicendum potius calidum, quàm non calidum, sed respectu tan-

Lib. 5.
Nicom.
cap. 7.

Lib. de
Gygant.

men

men horum subjectorum esse calidum, respectu illorum non esse. Sed hoc de igne obiter. Dices fortè Animalium temperamenta vitiosa esse, ac non standum propterea illorum apprehensione, vel iudicio. At quàm ridiculum effugium! sunt enim illa prorsus sana in suis quæque generibus, ac longè magis quàm homines: unde & potius vitiatum erit hominum temperamentum ea ratione, qua animalia non utuntur nisi naturalibus & connaturalibus alimentis, homines verò arte corruptis, aut adulteratis, ac ut plurimum etiam repugnantibus, ne dicam & nimis, & citra naturalem necessitatem. Atque ad hoc quidem argumentum nihil respondit Aristoteles.

III.

Verumtamen ut concedamus Animalia cætera arcenda ab apprehensione, & iudicio rerum, ac Homines proinde solos deligendos esse iudices, quæso te an propterea difficultatem explanatam putes? tanta certè est hominum ipsorum in apprehendendis, iudicandisque rebus discrepantia, ut ex hoc etiam capite incertitudo maximè augeatur. Prætereo radicem & causam videri diversitatem temperamentorum; hæc enim primaria est causa cur organis sensuum objiciantur earundem rerum diversæ fantasie, eo modo quo circa animalia paulo antè philosophabamur: Deinde eadem causa est cur mens adhærens apparentibus diversimodè iudicet de rebus, patiatúrque se ab illis duci, prout sensibus apparuerint. Nimirùm docent Physici sequi animum corporis temperamentum, corpusque ipsum proinde esse effigiem quandam animi. Prætereo quoque esse superfluum probare diversa esse temperamta in hominibus, seu quia ita esse contingit, estque necessarium ex diversis seminibus, alimentis, educatione, ætate, consuetudine, positu cæli, & similibus; seu quia propterea varia distinguuntur complexionum genera; nam hi sanguinei, illi melancholici, hi colerici, illi phlegmatici; itémque hi agiles, illi tardi, hi continentes, illi lascivi, aut quidpiam aliud huiusmodi complexione esse dicuntur, seu quia id arguit varius ille corporum habitus; quo hi sunt magni, illi parvi, hi candidi, illi nigri, hi graciles, illi obesi, hi cæsi, illi luscii, &c. seu quia miri quidem sunt effectus, qui ad miram temperaturæ diversitatem vulgò revocentur. Nam cur minister ille Alexandri Deniophon ad Solem rigebar, æstuabat ad umbram? cur Andron Argi-

Sex.
Emp.

Plut. lib.
de oracu.
Delf.

Yus à deò parùm erat itibundus ut vel per deserta Lybiæ sine potu iter faceat? cur Anus illa Atrica triginta Cicutæ haustus sumebat impunè, & Rufinus ille Chalcidensis elleboro sumpto, nec vomebat, nec purgabatur, sed nutriebatur ut cibo communi? cur qui ex adverso Meroes habitant, & Hydaspis fluvij accolæ scorpiones & serpentes sine noxa comedunt, & Psylli dicti à serpentibus demorsum minimè lædantur? cur Tiberius Imperator cernebat in tenebris, quod & nobili scæminæ contingere scimus eodem modo, quo Suetonius de Tiberio explicat? cur Cleon Danlius nunquam somniavit, ut neque somniavit unquam amicus ille meus Claudius Vicat Sabosianus, qui quos habebat libros Mathematicos testamento mihi donavit, cum tamen de somniis multa in vita disputârit, quippe qui summa cum laude, & Philosophiam & Theologiam in nostra Prövincia docuerit. Cur hæc, inquam, & alia id genus quæ observare innumera licet, dicimus contingere nisi quod illi corpora, organaque temperata habeant secùs longè quàm cæteri? ut dicamus quod sit cõsequens, nonnè proinde evincitur varias variis fieri earundem rerum apparentias, variaque judicia? sed dicito radicem & causam hujus varietatis non esse hujusmodi, comminiscere quamcumque volueris, at sufficit nobis, quod effectibus succedentibus res ipsa planè cõficiatur,

Ne verò putes te illicò in Philosophorum scholas ductum iri, in quibus sanè quanta sit discrepantia judiciorum circa easdem res, nemo est qui nesciat; ducam te potiùs ad communem, familiarè inque vitæ societatem, ut familiariùs intelligatur quid hac in re usu veniat. Ecce igitur ex hominibus qui vel in una civitate, aut familia sunt, hi vinum habent in deliciis, illi oderunt maximè; hi saccharum aut mel suave habent, illi prorsus averfantur; hi carnes aut pisces amant, illi gustare nullo modo possunt; hi butyro aut caseo valde delectantur, illi etiam animo linguuntur; hi rosarum aut liliorum recreantur odoribus, illi ipsos nullo modo ferunt; hi stridores gratos habent, ad quos illi contremiscunt; hi mulieres pulcerrimas ducunt, quas illi habent etiam monstrosas, sic qui de aliis sexcentis. Annè verò probabile est fieri diversis hominibus earundem rerum easdem apparentias, cum ecce de eisdem rebus adeò diversimodè judicent ac sentiant? scilicet putas vinum v. c. ejusdem videri saporis & vinoso & abstemio? carnes ejusdem suavitatis

vitatis & huiusmodi isti, & illi qui mihi quondam fuit discipulus, cui carnis usus tota vita horrore fuit maximo? nonne, si eadem res eodem modo afficerent omnes, omnes easdem æquè secerentur, aut æquè refugerent? Quis fieri siquidem potest, ut cum ego exempli causâ rosarum odorem suavissimum habeam, non alius quoque suavissimum perinde haberet, si eodem quo ego modo illum perciperet? an si ego non magis averteret fetorem cadaveris, quam ille odorem rosarum fidem mihi facturum es, eundem illi exhiberi rosarum odorem quem ego percipio? ferunt Spartanam olim quandam ad uxorem Deietari Berenicen accessisse. cumque altera constitisset prope alteram, utramque statim avertisse vultum, hanc quia unguenti, illam quia butyri ferre odorem non poterat. Nonne ergo necesse est ipsis unguenti & butyri diversas fuisse factas apparentias? Hinc consequenter minimè est mirum si tam diversa sint hominum studia, si, inquam, ut Pindarus ait,

Hic velocis Equi gaudet honoribus.

Ille inter thalami vivit opes iners,

Est quem pontigrada navis amor tenet:

Et ut Horatius illum imitatus,

Multos castra iuvant, & lituo tubæ

Permissus sonitus, bellaque matribus.

Detestata, manet sub Iove frigido

Venator tenera conjugis immemor, &c.

Causa quippe eadem est, siquidem nulla esset ratio cur non omnes eadem secerentur, si apparerent eadem omnibus. Videre est aliquos qui societatem hominum refugiant, eremósque incolant, alij sunt, qui degere præter cætus hominum non possint. Credisne ab istis eisdem pervideri in solitudine lepores, quibus illi alliciuntur: contrâ ab illis in societate easdem veneres, quibus isti detinentur? Diogenes mavult prandere olus quàm assentari Regibus. Aristippus mavult uti Regibus, quàm ut se demittat ad prandendum olus. An utrique potest & Regij cultus, & vilissimi apparatus eadem faciès apparere? Duos affines novi, quorum alter impensè venatione delectatur, nullo modo Musica, alter impensè Musica, nullo modo venatione, illinè igitur Appollo cum eodem vultus decore ac isti, istinè Diana cum eisdem gratiis ac illi sese exhibet?

Videas

Plut. 2
contra
col.

Videas hunc opibus inhiantem, magnificentiam floccifacere, illum studentem magnificentiae pedibus opes proculcare; cur huic pecunias perinde ac illi, cur illi honores perinde ac isti prætiosos esse afferas?

IV.

Et verò quæso quàm sit res futura illustrior si contemplatus fueris mirabilem varietatem morum, & institutorum, quæ diversis gentibus probantur & placent. Res quidem infinita est, sed ut aliqua tamen seligamus, nihil attingo de iis quæ ad Religionem spectant. Præter nostram enim, quæ sola est vera, notum satis superque est, quanta fuerit olim, quantaque etiam adhuc sit & opiniquum varietas circa existentiam, naturam, unitatem, cognitionem, providentiam, beatitatem cæteraque adjuncta Numinis, & cultuum diversitas in Numine adorando, precando, provocando, placando, &c. quæ & perspecta pridem evasere & dilucidius explicare videretur fortè absonum. Istitis igitur ommissis y. c. circa matrimonia, cum apud plures liceat cælibem vitam ducere, non licet tamen apud alios, unde & Lycurgus infamiae notam incussit iis, qui certotempore ætatis matrimonium non contraherent. Apud multos licet unicam ducere uxorem, apud alios verò plures, ut & nunc toto Oriente, & olim apud Thraces, quibus licebat ducere ad usque triginta. Non solent apud nos parentes filias suas collocare nisi pretium numerando; contra non solent apud Cinnenses nisi pretium accipiendo, Æthiopes deligunt uxores quàm maximè possunt & nigras, & simias; Persæ verò quàm maximè possunt & candidas & nasi incurvi. Sunt qui perpetuo ac insolubili nexu retineant uxores; at sunt qui repudient, ut olim Iudæi; sunt qui permutent ut olim Massagetæ, apud quos adulteria perhibentur fuisse probata; sunt qui commodent ut olim Lacedæmonii; quod & Cato etiam Uticensis imitatus est, cum uxorem suam commodavit pètenti Hortensio; sunt qui divendant, ac emant ut olim Assyrij, qui & virgines conjugio maturas venum proponebant ut armenia in Nundinis, Lydiis olim moris erat ut mulieres priusquam maritis concumberent corpore prostituerentur, deinceps vero continentes forent, quod etiam hodie apud Calecutum in usu esse memorant. Scribit Ptolemæus Orientales olim solitos propalam & non in occulto

Plut. in
Lyc.

Ælian.

Hist.
Cinn.

ut in
Lyc. in
Cat.
min.
Ælian.
idem &
Herod.
in clion.
lib. 2.
quadr.
cap. 12.

occulto cōgredi, testaturquē ut illi masculam venerem odissent, ita ipsam Europeis fuisse probatam neque vitio habitam. lib. 4. c. 15.
 Docet idem cavendum Astrologo ne contra mores aut leges Italō decernat sororis matrimonium, cū hoc apud Ægyptios, aut matris cū hoc apud Persas fas sit. Apud Thraces ut aliæ res, ita uxores defuncti hæreditate acquirebantur. Apud Zanthios non à Patribus, sed à matribus cognomen deducebatur. &c. Circa funera alij mortuos domi servant, ut olim Ægyptij, alij Terræ committunt ut jam bona pars; alij cremant, qui mos plurimum olim invaluit, alij pellibus insutos suspendunt ex arboribus, qui perhibetur mos fuisse Colchorum, alij in stagna projiciunt, ut de Pæonibus memorant, Laërtius in Pyrrh. &c. *Magorum mors est, inquit Cicero, non humare corpora suorum, nisi à feris sint ante alaniata.* Idem docet in Hircania alere quemque, & parare pro sua facultate canes à quibus lanietur, *eamque*, inquit, *optimam illi esse censeri sepulturam*; ut nihil dicam de Massagetis, qui parentum corpora vorabant existimantes nullam esse sepulturam honorabiliorem. Quid dicam cū fletus sit res adeo vulgaris, ut etiam apud aliquos conducantur, qui defunctos lugeant; attamen id moris olim fuisse & apud Locrenses & in Coo Insula ut cum lætitia mortui esserentur, agitareturque convivium. Quid referam item cū fuga mortis videatur esse adeo seu communis seu naturalis, Ceos tamen olim cū sentirent se ad extremum senium pervenisse solitos sese invitare tanquam ad solemne seu convivium, seu sacrificium, ac tum coronatos cicutam bibere; legem item fuisse Sardoam ut filij parentes senio confectos interimerent, quemadmodum & Berbicæ omnes septuagesimum annum egressos interficiebant, viros quidem mactando, mulieres vero strangulando. Quid memorem apud Indos solitas uxores conjugum rogos conscendere? Quid Hispanos cum Principe aut Imperatore mori, quod etiamnum fieri à Tartaris perhibetur? cætera quid persequar? apud Tamoscythas lex erat in Dianæ sacris jugulare hospites, apud Græcos qui confugerent ad sacra incolumes esse; Apolloniæ ad legis Lacedæmoniorum regulam peregrinos urbe expellebant; Epidaurij verò potestatem omnibus in suam urbem migrandi, incolendi que faciebant. Apud Græcos nobilissimus

Ælian.
Plut. in
strat.
mul.
Cic. in
Tusc.
Ælian.
i. Tusc.
cul.

Herod.
lib. 1.

Cicer.
Plut. in
sect.

nobilissimus in mensa locus est primus; apud Persas medius, apud Heracliotas primus medijs recti; apud Romanos ultimus. Indecorum apud nos est sedere coram viro Principe; apud Cinnenses sedendum est, cum indecorum sit stare. Nobis ore esse revelato honestum ducitur, ac Africæ populi *Azanagidi* dicti contegunt os, ut partem pudendam. Quanquam quid in his immoror? cum si volueris singula paulo subtilius exquirere inventurus sis nihil in una Regione turpe, vel injustum censer, quod & honestum & justum non censeatur in alia; nihil in hac prohibitum, quod in illa non sit observatum. Favet huic loco quod egregie Cornelius Nepos præfatur lib. de vita excellent. Imperat. aliqua enim collaudaturus in Græcis Principibus, quæ improbata fuissent in Romanis, ut callere Musicen & saltare, quæ commendantur in Epaminonda, aliaque similia, haud abfore censet qui hæc improbent. *Sed hi erunt ferè*, inquit, *qui expertes literarum Græcarum nihil rectum, nisi quod ipsorum moribus conveniat putabunt.* Hi si didicerunt non eadem omnibus esse honesta atque turpia, sed omnia Majorum institutis judicari, non admirabuntur nos in Græcorum virtutibus exponendis mores eorum sequutos. Neque enim Cimoni fuit turpe Atheniensium summo viro sororem germanam habere in matrimonio, quippe cum cives ejus uterentur eodem instituto; ac id quidem nostris moribus nefas habetur. Laudi in Græcia ducitur adolescentulis quàm plurimos habere amatores; nulla Lacademoni tamen est nobilis vidua, quæ non ad scenam eat mercede conducta; magnis in laudibus tota ferè fuit Græcia victorem Olympia citari, scenam verò prodire, & populo esse spectaculo nemini in eisdem gentibus fuit turpitudini; quæ omnia apud nos partim infamia, partim humilia, atque ab honestate remota ponuntur. Contra ea pluraque nostris moribus sunt decora, quæ apud illos turpia putantur: Quem enim Romanorum pudet uxorem ducere in convivium; aut cujus materfamilias non primum locum tenet adium, atque in celebritate versatur? quod multò fit aliter in Græcia: nam neque in convivium adhibetur, nisi propinquorum; neque sedet nisi in interiore parte adium, quæ gynæcomitis appellatur, quod nemo accedit nisi propinqua cognatione conjunctus. Hactenus ille. Sed hactenus de moribus; institutisque variis, quorum siue honestatem, siue æquitatem aliunde esse

esse quàm à natura, & ex tanta varietate constat, & si quispiam scrupulus supersit, eximetur alibi. Revertamur ad sensibilia.

Cùm itaque de eisdem rebus, quæ primùm sensu percipiuntur, diversa sint hominum diversorum judicia, quid aliud potest colligi, quam fas quidem cuique, esse quale sibi aliquid videatur asserere; at non licere tamen dicere quale illud sit ex sua natura; sanè enim si tale esset ex natura sua, quale aliquibus appareret, profectò tale etiam appareret cæteris. Dices quidem temperamentum paucorum hominum vitiatum non valere ad excipiendum adversus tam multos alios, qui temperamento sunt probè affecto. Esto enim quispiam verbi causâ sebre laborans cui vinum amarum, & ingratum sit, an cùm hoc pendeat solummodo ex alteratione gustus ipsius dicendum propterea est vinum mutasse suam qualitatem? ac ne citentur abstemij, gustus est in in illis qualis in febricitantibus, alteratus scilicet ab ortu, adedò ut propter paucos abstemios vinum nihilominus dulce & jucundum naturâ suâ dicendum sit. Attamen primò qualecunque sit, aut concipiatur temperamentum, illud tamen semper existit intra latitudinem humani temperamenti, semperque humanum est. Quare & causa semper est ut ut res humano modo appareant. Ecquis porrò certus esse possit an constitutio quam viciatam dicis, minùs veram apparentiam faciat, quam ea quæ ligirima & proba apud te habetur? Ut enim quidam mente alienati quædam clariùs prospiciunt, quam mentis bene compòtes; ita quorum temperies à constitutione communi recessit, res fortassis verius ac meliùs percipiunt quàm cæteri. Sit quispiam temperamento ut tu vis non alterato, is verbi causâ frigiditatem aliqujus loci non sentiet, sentiet verò qui exierit ex balneo, aut thermis, cui cutis scilicet laxata & temperamentum commotum totum, atque alteratum; uter quæso veriùs judicabit de qualitate aëris? ille sub dio pernoctans qualitatem illam malignam non sentiet, quæ Sole occidente impressa manet aëri, sentiet alius qui ægrotabit. Nonne ergo hic aëris qualitatem meliùs percipiet? Quid quod multi ægrotantes acutiùs audiunt, quàm cæteri? sunt & qui naribus semè obstructis statim fûmum aut vaporem in aëre

percipient, at qui bene erunt constituti & purum & defœcatum credent esse aërem. Memorare hic juvat quod aliàs summiopere admiratus sum. Unus est ex amicis meis ἐξ ὀφθαλμοῦ oculis valde prominentibus, admovendum huic valde est objectum, ut videre valeat. Credebam ipsum longè abesse ut de luce & coloribus quæ visus objecta sunt judicare probè posset ob alteratam, aut aberrantem à constitutione communi conformationem oculi. Ecce vero aliquando sub serum valde crepusculum allata est epistola qua aperta ego, qui visu satis bono præditus sum discernere vix poteram alba ne prorsus an lineis magis exarata esset papyrus; ille vero incunctanter (tūmq̃ ego obstupui) totam pellegit epistolam, neque persuadere potuit quin me luderet, donec allatā candelā rem sic se habere probavi, ac rursus proposito libro quem legeret expertus sum. Quæso te ergo an illius an mea constitutio veriorum tum fecerit objecti apparentiam; at ego video clariùs in meridie; sed ille clariùs in crepusculo. Iam sumus igitur pares, nisi me ille etiam superat, qui etiam in meridie videbit idem, quod ego objectum si ad motum propius fuerit, ego sub sero crepusculo nec ad motum, nec remotum videre prorsus valeam. Deinde quod soleat præsertim exemplum gustus objici, nonne imprimis necessaria est quædam in gustu alteratio, ut suum bene objectum percipiat. Finge enim quempiam bene constitutum, ac in eo scilicet statu, in quo non longe ab epulis nec famescat, nec sitiat; is ingratum sane habebit & cibum & potum, & quæ antea fuissent dulcia tunc insuavia esse videbuntur. At finge alium cui stomachus fame, vel siti exardescat, is tum demum legitimos cibi ac potus saporos percipiet; & ecce tamen prior habebat compositum gustus organum, hic verò prorsus alteratum. Dices hanc arefactionem legitimam esse dispositionem organi? Esto, at quæ igitur est in febre arefactio optima erit ad percipiendos saporos dispositio? Et certe ut vinum in febre redditur ingratum, ita aqua potus naturalis redditur suavissima. Quamobrem ergo si tunc vere de sapore aquæ judicatur, non judicetur etiam vere de sapore vini? an non si ægra complexio reddit sapidum, quod sana inspidum facit, & contrā hæc sapidum facit, quod illa inspidum. An non, inquam, vices ita permutantur ut uni potius statui quàm alteri credendum non sit

fit circa rei veritatem? Dicere enim credendum potius statui sanitatis esse videtur improbabile, siquidem statui ægritudinis æquè suum competit jus ad proprias apparentias, ac illi statui ad suas. Celebratur ecce miles qui sub Carolo VIII. profectus est in Italiam, is natura abstemius ubi in febrim incidit, vinum habuit suavissimum, unde & optasse fertur à febre nunquam liberari, ut perpetuò eandem in vino suavitatem experiretur. Quæso uter status in illo dicetur fuisse appositus ut de sapore vini rectè judicaret? Dices hoc esse adversum me, qui mox dicebam vinum in febris conveniente sapore gustari cùm haberetur insipidum. Atqui est potius adversum te, qui existimas unicum sanitatis statum esse tribunal, quo de vero vini sapore judicetur. Ego autem existimo vinum secundum se non istius potius quam illius esse saporis, sed varietatem sortiri à varietate complexionum, seu statuum. Sanè verò & cùm idem vinum non omnibus sanis ejusdem saporis appareat, ego enim verbi causâ, qui Dei gratiâ rectè sanus sum, non eandem quam tu, qui etiam es sanus suavitatem in vino percipio. Tu dicis affectum una qualitate, ego verò alia; tu insipidum judicas si tantillum aquæ sit permixtum, ego tunc habeo lapidissimum cum aquæ multum infusum est, utri ex duobus igitur credendum? Quid si verum sit, quod Medici docent consistere sanitatem in indivisibili, aded ut vix ullus sit, qui exquirat perfectam sanitatem possideat, ac proinde vix etiam ullus, qui non aliquo modo ægrotes; nonne nefas erit reperire beatum illum judicem, qui illibatum de sapore vini ferre judicium valeat. Porro quia objecturus eram hunc abstemium æquè esse sanum, ac illum merobibum, præoccûristi objiciens talem ipsi à natura indicam constitutionem, qualis à febre est alteri; at quænam ista est præoccupatio? abstemius ille nec æstuat, nec riget ut febricitans? perfectè valet corpore, nam neque dolorem, neque perturbationem sentit, robustus est, membra omnia disposita optimè habet ac obit pulcræ functiones omnes, ut si quispiam alius. Quamobrem ergo constitutionem præter naturam sortitus est? at gustum saltem depravatum habet? quomodo verò depravatum habet? nonne ut tu alioqui sanus de sapore panis, carnis, ovi, piscis, mellis & similibus judicas, sic ille? Quare ergo circa cætera tam bene gustus

Q 3

affectus

affectus erit, circa vinum solummodò depravatam censebitur? an non pravo verbi causâ aliquo humore vitiatum omnia perperam deberet gustare? sed ut iste abstemius dulcissimum habet sacharum, nonne ille merobibus gustare sacharum non potest? aut igitur dicito illum quem exquisitè judicare de vini sapore putas habere gustum depravatam, siquidem sachari saporem haud perfectè dijudicat; aut dicito abstemium non habere gustum depravatam, quantumcunque eundem, quem alius in vino saporem non sentiat.

Adjicis paucorum judicium minimè ob stare quin aliquid sit tale dicendum ex natura sua, quale pluribus apparet. At primum prætereo te id gratis assumere, ut quidpiam tale pluribus videatur; siquidem vel omnes omninò pervidisti homines, ut suffragiis omnium exauditis à qua parte plures stent pronunciare valeas; nec quidquid sit de istis in quibus versaris Regionibus, certos tamen es extent. ne fortè Regionēs, in quibus ob specialem Cæli, soli, corporum-ve temperiem plures ex incolis exhorrescant v. c. vinum, uti sunt in quibus plures à serpentibus sine periculo demordentur, cùm apud nos tamen contrarium eveniat. Deinde, esto, noveris plures qui vinum dulce, quàm qui alterius saporis hebeant, propterea-ne illos judices natura constituit, à quibus non sit provocandum! Est-ne illis, inquam, pia Mater, cæteris injusta noverca? plures pari modo videris ex hominibus, qui statutam quinque pedum c. c. fortiantur: Dices igitur hanc solam esse naturalem hominum altitudinem? cæteros ergo qui suprà emergunt vel infrà consistent monstra esse dices, neque magnitudinem habere secundum naturam? Quod si istud non dixeris, cur censeas gustum illorum, qui vini dulcedinem sentiunt esse secundum naturam; cæterorum vero paucorum, qui vinum vel insipidum vel amarum gustent esse præter, vel contra naturam? an non ut ex copia vel qualitate materiæ, itémque ex virtute causæ, circumstantiisque temporis, conceptaculi & similium pendet ut corpus assequatur non aliam magnitudinem; ita ut hoc temperamentum & consequenter hanc conformationem & texturam linguæ, aut palati, & non aliam? Quare ergo si cùm non omnes sint ejusdem intermediæ magnitudinis, media tamen illa magnitudo non est naturæ regula, quare inquam,
cùm

cùm non omnes sint eodem sensu gustus præditi, gustus illorum plurium, qui in vino dulcedinem sentiunt erit examen prorsus naturale? loquantur illi de seipsis, deque ea quam sibi fieri contingit apparentia; cæteris enim nec gustus adeptus nec apparentia propria; at illi numero vincunt. Quid inde? exinde solum evincitur ut plures reperiantur lingua & palato hac ratione temperatis, quàm illa; propterea ne verò sequitur, ut quæ qualitas huic temperiei est accommodata sit potius germana & congenæ rei, quàm alia? Dicifanè ad summum potest hanc fieri apparentiam præ cæteris generaliore; quod autem vera sola sit & naturæ rei conformis dicendum profectò non est. Si cæteri quidem essent indispoti, ac minimè sani, foret aliqua probabilitas; at ecce abstemij quoque ut jam diximus optima dispositione ac sanitate etiam circa gustum possunt esse præditi. Quid quod videmus eos, qui vino intemperantiùs dediti sunt & sanitati facere jacturam, & gustum quod attinet non æquè circa excellentiam vini judicare ac cæteros, qui vinum bibunt moderatius. Adjici posset non ut lite diminuenda numerantur Senatorem voces, ita faciendum ubi de judicio naturalis rei agitur, illic enim modus est præscriptus ex humana institutione, hic nullus est à natura. Quamquam ut contingit sæpe in Senatu pauciores æquius sentire, quàm plures, quòd plures vel malitia vel ignorantia laborare possint. Ita potest contingere ut in ferenda sententia de re naturali pauciores, sanius judicent, quàm plures, quòd isti magis temperiem gustus naturalem alteraverint; ecquis verò non fateatur magnam fieri hanc alterationem in tanta victus perversitate? quotusquisque enim non assuescit cibis minimè naturalibus seu quales natura producit? aut quotusquisque sic assuetus non alio modo judicat de sapore rei merè naturalis, quàm is, qui merè naturali semper usus fuerit? istud, inquam, adjici posset, ac abstemium præterea uti potione merè naturali, ac tanto minus inde habere gustum depravatum (certè & circa varietatem ac qualitates aquarum exquisitius longe judicat quàm alius; imò comparatione facta ad morobibum, subtilius longe quàm iste de variis vinorum qualitatibus) at juvat hoc solum possemò urgere, demus plures esse qui gustu & temperatione ad judicium ferendum de qualitate naturali accommodatiore polleant.

Qui-

Quibus nam tamen ex pluribus istis credendum esse censebimus? Quippe non omnes qui vinum probant, seu si velis dulce experiuntur in qualitate conveniunt. Primum enim aliqui magis probant vinum purum; alij magis dilutum; rursus alij malunt album, alij rubeum, alij nigrum; itémque alij recens, alij vetus, &c. Hinc quod vinum idémque spectat videbis hunc avidè sorbere, illum corrugando frontem, alium caput motando, quartum verò etiam nauséando. Hic saporem deprehendet alicujus generis uvarum, ille alicujus herbæ, alius ipsius dolij; hic dulce quidem judicabit, at genere uno dulcedinis, ille autem alio. Vides igitur in tantâ judiciorum discrepantiâ non licere asserere quæ qualitas vino naturalis, quis sapor germanus sit. Porro etiam quamvis & ego & tu, & cæteri plures videremur, aut deceremur eundem saporem experiri, quis certus esset an propterea inter nosmet converiremus? Dicam ego sentire ne dulcedinem qualis est mellis, idem dicito & tu? at quomodo scire possimus eandem fieri in utroque mellei saporis apperentiam? verosimile enim est ut complexione diversis sumus, ita nobis mellis sub diversis apparere saporibus. Neque obest quod quem tu saporem sentis & probes, & dulcem habeas, atque ego similiter; quippe & multa sunt genera saporum quos gustus probet, & multæ species dulcedinis, quibus gustus delectetur. Unde licet utriusque gustatus dicatur semper melleus id continet non quoddam unus idémque sit, aut quod unus alteri conformis, sed quod uterque sit ejusdem rei, videlicet mellis cujus sapor dulcis semper nominetur, quicumque tandem ille sit ex quo etiam colligitur quid dici possit si objiciatur nivem v. c. sine controversia apparere albam omnibus hominibus, similiterque ignem calidum, &c. nam convenerunt quidem homines ut colorem nivis albedinem dicerent, & quæcunque res esset eodem illo niveo colore pèrfecta, alba diceretur: at quis scit an ego rubeam, alius viridem videat? non dico quidem videre me ejusdem coloris quo rosam; nec alium ejusdem quo herbam; sed hoc dico vices esse posse permixtas ut quem ego v. c. video colorem in rosa, tu in nive videas; quem tu in rosa ego in nive. Neque enim refert quod uterque colorem nivis vocemus albedinem, colorem rosæ rubedinem. Videlicet color nivis talis dicitur quicumque tandem ille sit,

sit, & rosæ color similiter; sed hoc non obstat quin color nivis apparere mihi possit, qualis tibi videtur rosæ, & contra. Nam licet mihi nix videatur rubea, abhuc tamen vocito albam quòd vulgo omnes in eo consentiant ut color niveus albedo dicatur, & licet rosa videatur alba, vocito tamen rubeam, quod color ille roseus rubor vulgò nominetur: idémque facere tu potes quanvis tibi flava nix, viridis rosa appareat. Necessarium quippe est ut in societate de nuncupatione constet qua res eadem significetur, cum exhibere tamen possit diversas apparentias sub eadem nuncupatione, uti & de sapore mellis paulò antè dictum est, quem varium apparere constat etsi dulcedo omnibus dicatur. Et certè mirabile esset si unum, idémque objectum, quod cæteros attinet sensus, multiforme adèò appareret propter multiformes organorum differentias, unum idémque objectum visus, putà color nivis in tanta visuum varietate seu discrepantia oculorum appareret uniusmodi. Utcunque sit ego certè de meo solum visu respondere possum & concipere qualem is mihi nivem exhibeat, tuque de tuo similiter. Neuter verò quia alterutrius non possumus usurpare visum, non possumus etiam consequenter asserere eandem sub eadem apparentia utrique nostrum exhiberi; non si tu Delphicus Appollo, ego Pythius exstitero. Quomodo enim, per Deum immortalem! illud tandem 'experiri', aut rescire liceat?

Jam ut ex tanta hominum diversitate emergamus, concedamus etiam utrò, & fingamus unum aliquem hominem, qui temperamenti sit exquisitissimi, & accommodatissimi omnium, ad qualitates rerum veras, naturalésque percipiendas; putas-ne res erit propterea confecta? certè & in hoc uno tanta erit circa unam eandémque rem judiciorum diversitas, ut vel ex hoc uno capite incertissimum evadat cujusmodi res aliqua sit habènda secùndum naturam. Ac diversitas quidem illa partim ex ipso homine, partim verò ex rebus ipsis exoriatur necesse est. Nam imprimis quod ad ipsum hominem attinet, bifariam primò ex variis sensibus, partibusque corporis, siquidem pictam tabulam judicabit visu inæqualem, at digitorum attactu planam; de unguento judicans olfactu pronuntiabit gratissimum, gustu nihil dicet esse insuavius. Euphorbium oculis admoveat, molestum habebit, contrà si aliis par-

R

tibus.

tibus. Oleum allevans esse dicet si summam cutim consideret, si pulmonem exasperarit; idem sentiet de aqua pluvia, quæ ut oculis utilis, sic pulmoni est & arteriæ noxia. Sic torpedinem marinam censebit torporem creare, si extremis partibus corporis apponat, secus autem si cæteris. Secundò ex variis habitibus & prædispositionibus in eadem parte aut facultate, nam si vel ipsas variarum ætatum affectiones consideres, quàm multa puer judicabit dulcia, & delectabilia, quæ viro factò nauseam creabunt, seni erunt etiam horri? Videlicet cuique ætati sui & cibi & ludi & exercitationes placent, quibus permutatis nihil esse possit injucundius. Sic etiam quæ res clara, sonora, odorata, temperata iuveni videbitur, apparebit seni obscura, inexaudita, inodora, frigida nimium vel calida.* Sed ut attingamus quæ contingere breviori tempore possunt, nonne quem cibum judicabit suavem existens famelicus, eundem factus satur habebit ingratum? Et si caricis aut palmulis parùm antè esitatis vinum biberit, nonne illud acidum censebit? contrà verò esitatis nucibus, aut ciceribus? pari modo aliquid amans, nihil existimabit pulchrius; idem odio prosequens, nihil credet esse deformius. Sic constitutus in gaudjo illud habebit jucundissimum, quo in mœrore constitutus nihil ducet importunius, eadem ratione prout vel môtus, vel quietus fuerit, diversum feret judicium de ejusdem rei motu, vel quiete, atque ita de cæteris. Deinde quod res ipsas quoque attinet dupliciter, primò ex variis earum in seipsis affectionibus; quippe imprimis nulla est res non constans ex variis Elementis & seminibus, ex quibus aliqua nunc, alia vero aliàs prædominari existimet. Sic quamobrem æs liquefactum constare non judicet præsertim ex humido, idem frige factum præsertim ex secco? sic cur allij calorem sentiens non ibi ignem præsertim concipiat, deinde verò præsertim aquam, tantum humoris considerans? Rursus verò nulla res est, quæ non patiatür varias alterationes in dies, quæque non alia, aliâque appareat nascens, adolescens, consistens, senescens, definens. Quomodo ergo non varia erunt ipsius judicia circa substantiam, colorem, saporem, aliâque similia, quæ in rebus quotidie variantur? adhæc una, eadêmque res, una sua parte nigra est, alia candida, una dulcis, alia amara, una salubris, alia noxia, quæ & alia impromptu est observare præsertim in Plantis.

Plantis. An non ergo necesse est ut de eadem re variè judicetur? præterea una eadèmq; res, non una eadèmq; apparet comminuta & integra, sic argentum quod in massa album est, in ramentis apparet nigrum; ut contrà nigrum caprinum cornu in ramentis albicat. Sic Tænereus lapis integer est flavus, qui nigrescit in particulis, quemadmodum ut nihil nive videtur candidius, ubi tamen solvitur in aquam alterius longè coloris est. Sic arena separata asperæ apparent, compositæ verò mollitiem ac levorem præ se ferunt. Potèritne ergo ille semper, de una eadèmq; re uniforme judicium ferre? secundò ex variis eorundem ad extrema relationibus. Etenim unam eadèmq; rem comparatam cum majoribus parvam judicabit, cum minoribus verò magnam, ut si eundem hominem mediocris staturæ modò comparet cum pygmæo, modo cum gygante, ut si Parisios nunc cum Namethodoro nunc cum Quinsæo conferat; similiter rem unam eadèmq; cum frigidioribus collatam, judicabit calidam, subinde verò frigidam habebit si cum calidioribus comparet. Pari modo habebit dulcem si referat ad magis amara, amarain si ad mage dulcia. Atque ex hoc capite est, quod cum aqua ex se videatur res omnium pretiosissima, comparata tamen cum auro, gemmisque rarioribus existentibus vilissimum quid apparet, quemadmodum cum nihil in Mundo videatur Sole admiralibus; is tamen collatus Cometæ infrequentius contingenti non tantum creat admirationis. Hinc etiam est, ut cum mores cæterarum gentium plurimi non videantur ex se improbandi, collati tamen cum iis, qui nobis familiares sunt ipsissimam sapere barbariem censentur. Porro non est hîc præmittenda mirabilis illa judiciorum varietas, quæ sequitur varias unius, ejusdèmq; rei quoad locum habitudines. Ille enim eandem rem procul constitutam judicabit parvam, rotundam, compactam; propè autem magnam, quadratam, solutam; sic eandem rem intra aquam judicabit majorem, & propriorem, quam constitutam in aëre. Præterea verò si quidpiam videat in loco illustri, alterius omninò coloris esse judicabit, quàm si videat in umbroso. Cur verò non existimet partem alicujus rei illustratam radiis Solis alio colore affectam, quàm quæ à radiis non attingetur. Consideret vespèri nubes, quas ex radiis Solis reperlucissimas judicabit

bit rubeas, eandem enim statim pōst si contueatur sola luce destituta, aliud feret iudicium. Quid dicam de Iride, qua affici nubem iudicabit, si in certo loco constiterit, non iudicabit si in quopiam alio? Quid item de columbæ collo, quod fuscum aliās iudicaris; ad Solem tamen facile æstimabit variorum. colorum? Verum res infinita est.

An-non vides igitur fore ut ille etiam videri Mortalium solertissimum tanta iudiciorum varietate distrahatur, ut pronunciare non valeat cujuscmodi res aliqua secundum naturam sit? At fingito quidem illum & corpore sanissimum, & ingenio acutissimum; adhuc tamen velit nolit, iis constat in corpore partibus, quæ eandem rem sibi diversimodè exhibeant, tamen esse non poterit sine variis habitibus, ac saltem ratione ætatum, qui rem eandem variè repræsentent. Quid pronunciabit igitur de re diversis modis repræsentata? Qui poterit dijudicare quod talis potiusquam alia sit? Nonne poterit dicere ad summum videri sibi aquam pluviam e. c. salutarem si referatur ad oculos, noxiam verò si ad pulmones; at secundum se non videri salutarem potiusquam noxiam, noxiam potiusquam salutarem; cum si foret ex se salutaris, ubique p̄deret; si noxia ex se, ubique noceret. Nonne item dicere ad summum panem spelaceum v. c. apparere sibi suavem si comedat famelicus, insuavem si satur: absque eo quod possit absolute & secundum se dicere suavem dumtaxat vel insuavem? Ex quo proinde sequitur, ut quas affectiones seu proprietates rerum dicimus, non tam videantur illis esse à natura insitæ, quàm exterius ex ipsa ad nos applicatione attributæ. Ut verò etiam concedamus beatum illum hominem toto decursu ætatis perfectissimas retinere facultates, nec mutationes illas experiri, quas natura fecit necessarias: Adhuc tamen velit, nolit, res ipsæ, quas considerabit, innumeras mutationes & alterationes patiuntur, adeo ut saltem successivè diversimodè affectus observaturus sit adhuc & ipsas nunquam observabit nisi cum relatione ad aliquid, adeo ut si ad unum solum referat, fallatur, si ad multa, variè sentiat. Ecquid ergo dicet de rebus nisi quod in hoc quidem statu tales sibi appareant, & in alio aliæ, at non liquere cujuscmodi tandem sint habendæ secundum naturam? Nonne proinde

de dicet ad summum videri sibi argentum e. c. in massa album, in ramentis nigrum; at ex se non videri potius tale esse quàm aliud, quia si foret album ex natura sua tale ubicunque & quomodocunque esset, appareret, & si nigrum, similiter? Quod idem dicendum de aqua, quæ si foret ex natura sua ejus cujus videtur coloris, ejusdem etiam appareret in nive, aut spuma, non candida stri observatur. Nonne item dicet Terram magnam sibi videri si comparetur ad pulicem, parvam si ad Firmamentum; at ex se non videri potius magnam haberi debere quàm parvam, quia si foret magna ex se, talis esset respectu omnium, quæ cum ipsa comparerentur, similiterque si parva, quemadmodum nubes nigricans non est potius dicenda, quàm rubea si spectetur secundum se, cum si esset nigra ex se, talis appareret quoque exposita Solis radiis, & si esset ex se rubea, talis quoque appareret radiis Solis destituta. Dices, quidem posse hunc hominem qua erit præditus solertia discernere quænam sit vera ex diversis apparentiis: quomodo id discernet? certè aliqua apparentia; quam verò, simili ne sicut ista similem probabit, sic contraria sui similem, an dissimili? at hæc semper probationem feret adversus dissimilem. Id experiamur vel in ipsa aqua, re familiarissima. Si lenè fluat per canalem, sui coloris visitur, decidat eadem per præceps, apparet esse candidi: utra-nam est apparentia vera? priorem dices quia post causam aqua redit ab suo colore fluendo per planitiem; at cur non dicam posteriorem; cum si occurrat rursus præcipitium, colorem album rursùm induat? Dices aquam quiescentem non habere album colorem; sed decidens non habet alium. Pendet ergo color aquæ ex eo statu in quo est, non autem ab ejus natura. Quid enim habet præter aquam, seu quod antea non haberet ubi decidit? aut quid habet cum lenè fluit, quod decidens non haberet. Idem sum sæpe miratus, in nube quæ nunc supra nivem & flosculos lænæ candidissimæ albescit; nunc atrox etiam horribilis est, nunc roseo est colore vividior, absque eo tamen, quòd ipsi præter lucem & umbram quicquam adveniat, aut pereat. Verùm, inquires, si non sensu aut apparentia, at saltem mente aut ratiocinatione discernet, & verò quomodo id tandem, cum Mens non ratiocinetur nisi ex iis, quæ apparuerunt sensibus? nonne autem ut una ap-

R 3

parentia

parentia suas habet causas, & alia quoque habet suas? nonne ut una sic alia fulcitur suis rationibus? Dices, at momenta causarum, rationumque disparia sunt, ut hæc proinde illa vincant. Verumtamen hoc est divinare momenta esse imparia; cuni ut una apparentia reverà sensum afficit, ita alia revera afficiat, ac suo quidem modo utraque. Sed ut demus esse imparia, quid discernet Intellectus, cum eorum sæpè, quæ minùs apparent majora momenta sint, neque moliri quidquam possit sine nova apparentia & probatione, qua judicabit tabulam planam & baculum rectum? meritò huic posteriori insistet apparentiæ; aliam vero ut falsam explodet. Attamen ut tactus agnoscit visus protuberationem, itémque propriam rectitudinem, & incurvationem; sic agnoscit visus propriam. Agnoscit ergo tactus planitiem in tabula picta nèque fallitur; at agnoscet visus eminentiam, neque similiter fallitur: scilicet ut aliquid verè emineat respectu visus non exigitur ut sit ali- quid ad tactum protuberans, sed sufficit quod ejusmodi lineamentis effigietur. Quo loco nota sic posse interdum vices commutari, ut apparentiam tactus falsam dicas per visum corrigi; quippe si quempiam ingentem globum finxeris, ipsius superficies visui verè globosa apparebit, at si manum admoveris judicabit tactus falso planam. Ut nihil dicam de præstigiis illis, quibus si indice ac medio digitis transpositis globulum attrectaveris geminum censebis, cum visus tamen uti est unicum esse judicet. Quamobrem non est solus tactus veritatis arbiter, neque visus similiter, sed uterque suas habet partes: ac proinde dici solum potest respectu quidem hujus sensus talem fieri apparentiam, & respectu illius talem, at quænam duarum vera sit, hoc est, quod discerni non possit. Durum est hoc, inquires, reverà enim tabula picta plana est: concedo tibi esse planam, sed respectu tactus dumtaxat, & fateor quidem vulgarem ac receptum morem loquendi planam appellare illam superficiem, quæ vel tactu vel tactili, & æquabili regula talis comprobatur, unde si velis hac normâ probare visuales quasdam eminentias, planities habiturus sis. At secluso hoc more loquendi potest una, eadémque res & verè visui eminere & verè plana apparere tactui, & contrà; quippe cum non debeat magis tactus imminere visui suam eminentiam, quàm visus tactui suam planitiem,

nitiem, quemadmodum quod unguentum suavissimum olfactui est, insuavissimum est gustatui, absque eo, quod alteruter sensus dominare debeat, aut erroris arguere alterutrum. Etsi enim dicere possis figuram esse sensibile commune & visui & tactui, cujusmodi tamen non est vel odor, vel sapor istis duobus sensibus, attamen & visu & tactu sic movet figura diversimodè, ut rationem subeat duplicis objecti, sicque in utroque per modum recipientis recipiatur, ut unum verius non afficiat suo modo, quàm alium suo. Sed satis de hoc.

Quoniam quid est primum, quod sperare liceat hominem tantæ perfectionis, qui licet omnibus naturæ, fortunæque dotibus instructis prodiret, itè neque licet dijudicare posset quanam ex contrariis apparentiis foret verisimillima, naturæque rei maximè conformis; attamen adhuc deberet nutare num quædam possibiles essent apparentiæ verosimiliores, naturæque conformiores. Ecquis enim certus esse potest an non longè plures qualitates in rebus sint, quàm quæ percipiuntur sensibus humanis? nonne ut usu destitutus imaginari non potest quatuor qualitatum sensibilibum genera, qui si foret etiam auditu, aut olfactu quoque à natura orbus nonnisi vel tria vel duo solùm conciperet, neque nisi quis admoneret, plures esse suspicaretur? ita cum vulgus hominum reperitur ad quinque Sensus à natura limitatum, concipit solùm quinque generales sensibilibum differentias, neque suspicari potest qualesnam præterea possibiles sint; at quorsum tamen jurare liceat, quod plures esse non valeant? Ut quædam Animalia limitata esse ad unum Sensem perhibentur, quædam ad duos, quædam ad tres, quædam ad quatuor; sunt enim quibus gustus, quibus olfactus, quibus auditus, quibus visus denegetur: Ita contingit hominem cum plerisque aliis Animalibus limitatum esse ad quinque; at quare non potuerit Deus propagare quædam ad sex, quædam ad octo, quædam etiam ad plures sensus? Quasi verò homo esse debeat meta divinæ potentæ, aut si in hoc gloriatur se summum & extremum divinorum operum, multa quoque alia Animalia eadem ratione gloriari non possint? Quæ scite autem quorsum cani non tribuatur sexto sensui, quod tu refers ad olfactum? Cedo enim ex lepore quid remanet in vestigiis, quod olfactum ipsius attingat?

gat? & ut concedam ex lepore remanere aliquid, quid ex hero remanet, cum præsertim induerit calceos, quos canis nunquam olfecerit? Demus & ex hoc remanere; at postquam herus lapidem conjecerit in profluentem, quid remanet ex manu heri lapidi impressum, quod canis in fundo subodorari valeat? nonne si quid impressum fuerit, id per aquam ablutum est? cur suspicari igitur non liceat esse in cane alium sensum, quem nos nequeamus concipere, cum simili nempe destituamur, quo munia ista peragat? Cedo item cum Animalia plurima quærunt ac tam facile inveniant plantas, quibus egent, & quas tamen nunquam viderint, ut cervus dictamnium, mustella rutam, &c. Qua facultate putas id faciunt quàm aliquo sensu superaddito, quem nos non habeamus? Dicis esse occultum instinctum: at cur mihi Sensum occultum dicere non liceat, cum sit facultas cujuspiam objecti sensibus cognoscitiva? Quid, quòd ij, qui faciunt Dæmones Animalia, dicerent ipsis reservatos esse & plures sensus & nobiliores, ut qui debeant proprius ad naturam, veritatemque rerum collineare: nobis autem homuncionibus eos ac tales esse relictos, qui nobis sufficerent, quorumque capaces essemus. Quod tamen ut præteream, quænam, putas, causa est, cur tantopere caligemus in cognitione rerum naturalium nisi quòd noster Intellectus non satis juvetur ab administris sensibus? Quippe si nobis Sensus inessent, quibus agnoscere liceret quemadmodum facultates illæ internæ Animalium, plantarum, atque omnium ad eò rerum operantur: nihil jam prorsus nos lateret, nullusque prorsus effectus ad eò mirabilis proponeretur cujus causas non explicaremus. Sed nimirum cæcutimus ad objectum vel minimum florem, si rogemur scilicet quomodo, qua solertia, qua dispositione & distributione materiæ, quibus organis, &c. abierit hic flosculus in adeo concinnum ordinem foliorum, in tam pulcræ colorum mixtionem, in tam ordinatam figuram, &c. quæ sunt infinita: cæcutimus, inquam, ut cæcutire dicitur, qui visu est orbis ad objectam aliquam elegantem imaginem, quod ut hic non habet sensum, quo colores imaginis videat; ita & nos caremus sensu, quo operationes illas admirabiles pervideamus? Dubio enim procul sensibiles sunt, cum sint nempe corporeæ, neque merè spirituales, at non tamen nostris sensibus. Omitto vero neque constare ulli

ulli posse una-ne, an multiplex sit illa qualitas, qua una aliqua res cadere potest in varios sensus: ut pronunciari proinde possit quod abundè perspecta sit. Quis enim certò dicere possit an calor, odor, sapor, lævor, quæ percipiuntur in pomo, sint quatuor diversæ inter se qualitates, ut vulgò putantur, an verò, prout ad visum allabatur sit color, prout ad olfactum odor, prout ad gustum sapor, &c. nonne enim ut superiùs philosophabamur de eodem flatu recepto in diversas tibias, de eadem aqua exsucta à diversis plantis, de eodem cibo affuso ad diversas partes corporis, nonne, inquam, contingere potest ut una, eademque res rationes multorum atque diversorum objectorum subeat, prout in diversis sensibus recipitur? Quod si verisimile sit, cur eadem plures adhuc non posset exhibere apparentias objecti sensibilis si ad plures sensus allabaretur? Ut enim cæcus non percipit unam, quæ præditus visu percipit, ut orbatus olfactu aliam præterit, quæ præditum olfactu non fugit; ita nos fortè multæ latent, quæ aliis propter alios sensus possent innotescere. Quæ quidem omnia commemoro, ut intelligere liceat non constare an esse possit, qui habere queat omnes sensibilibus rerum apparentias, quibus dijudicare valeat quales res sint intùs, per se, vel secundum naturam.

Nunc igitur ut redeamus tandem ad id quod initio propositum est, cum unius ejusdemque rei tam diversæ fiant apparentiæ, ac tam diversa proinde ferantur judicia, & à variis animalibus, & à variis hominibus, & ab uno etiam homine: Quid superest nisi concludamus sciri non posse cujusmodi res aliqua sit secundum se, vel suapte naturâ; sed dumtaxat cujusmodi his aut illis appareat? Ac præterire quidem præsentis Exercitatione oportuit quod superiore planum fecimus, primùm non cognosci ab hominibus intimas rerum naturas, seu ut vocant differentias, quæ si clarè innotescerent hoc tum demùm esset scire, seu veritatem rerum nancisci; circa quod tamen frustrâ tam diu tot mortales laboraverunt. Deinde neque percurri posse omnes alicujus rei species, seu, ut vocant, individua ad constituendas aliquas Propositiones universales; quod quidem si præstari posset non dico ab illo uno beato homine, de quo paulò antè loquebamur (clarum est enim fieri

fieri non posse ut unus omnia videat, audiat, experiatur) sed à plurimis aut etiam omnibus hominibus, factum profectò esset maximum ad scientiam habendam compendium. Adjicio itaque hic solum Coronidis vice duò Capita, quæ propositioni illi, *Quod nihil sciatur*, aliquam fidem concilient. Alterum est mirum quidpiam dictu, videlicet ex quo tempore homines Philosophantur, seu veritatem, atque adeò naturas rerum peruestigant exstare adhuc non potuisse non dico unum hominem, sed unam vel Gentem vel Sectam, quæ veritatem erueret ac in aperto collocaret. Ecce enim inter mortales exorti sunt primum, qui *Sapientes* ac deinde, qui *Philosophi* magna turba sunt appellati; ecquidnam tamen vel aliqui vel omnes simul proficere? nimirum secti perpetuò sunt in Sectas tam varias, ut nihil in hanc usque diem relictum sit præter contentiones. Sanè verò si aliqui veritatem pridem detexissent, nonne eò concurrerent omnes, ut concurrunt, qui in solitudine extremam sitim explere cupiunt ad detectam, ostensamque limpidam scaturiginem? at quòd hi quidem hæc sentiunt, illi autem contraria, quid aliud credere par est, quàm quòd neutri sint veritatem assequuti. Hinc cernere licet has Sectas sese invicem confodientes manifestissimo argumèto quòd immortalis, inclyta, & pacifica veritas nulla ex parte ibi allucescat. Cedo autem si de ulla re constare deberet inter Philosophos omnes; nonne consentire præsertim deberent circa Principia, sive Elementa rerum naturalium. Quippe qui possit manifestari alicujus rei naturalis essentia, nisi constet ex quibus internis constituatur principiis? At ecce nihil videas in majore esse controversia, quàm ex quibus principiis res naturales sint constitutæ. Quid quæso exinde potest colligi, quàm cum nulla Secta sit, quæ non plurimas circa hoc adversantes habeat, nulli adhuc germana rerum principia innotescere? Porro & quam vis alicui innotuisse jam concedamus; quid exinde profectò est? Suntò ò Aristoteles? ò Peripatetice bone! Suntò rerum principia Materia, Forma, & Privatio? Quæso ut mihi per illa declares vel unius tantum, ac minimæ rei naturalis essentiam, ac veram radicem & causam tot operationum & proprietatum, quæ in ea visuntur. Non provoço te amplius ad Magnetem aut Remoram? non duco te ad Cælum usque, aut ad fundum maris: vel
ad

ad recessus Terræ intimos? Accipio ecce animalculum, quo sæpenumero infestaris, videlicet pulicem, rogo te ut in eo declares quod jam propositum est. Dicis in pulice esse materiam ac formam, & privationem hujus formæ præcessisse pulicis generationem in hac materia. At nihil ne aliud habes in divite vel penu, vel censu? ô admodum certè jejunam, crudamque Philosophiam! hoc non quærebam esset ne in pulice aliqua materia; clarum est enim neque controuersum quidquid est corporeum constare ex materia. Non quærebam an esset Forma; non quærebam an antea fuisset talis formæ privatio in ista materia, cum perspicuum sit hanc materiam non habuisse perpetuò hanc formam. Scire volebam qualisnam esset hujusmodi materia, quas dispositiones exegisset uti hanc formam assequeretur; quorsum sic fuerit distributa ut hæc ejus pars abierit in promuscidem, illa in pediculos, alia in villo & squammas, cætera in reliquum corpus; quæ vis & quomodo applicata cum hoc corpus integrum, tum ejus partes tam varias hoc ordine, hac figura, hac textura, hac magnitudine hoc colore, formaverit, Qualisnam item fuerit hæc forma, unde & qua vi excitata, quomodo effecta facultas ipsius cognoscens, & sentiens, quomodo per adeò tenues infusa particulas, quibus intra illas organis utatur, quomodo talia organa usurpet; qua vi te adeò acriter pungat, quò demittat alimentum, quomodo illud concoquat, ac partim se inde per varios canales enutriat, partim efformet spiritus, quibus sese contineat, ac totum corpus vivificet, partim per varias intestinorum convolutiones superfluum ejiciat; ubi resideat illa vis, qua tam celeriter saliat, quomodo sese creat ac tam facile digitis tuis subducat, quid cogitet cum prehendi non vult, quæ proprietates, & quomodo illam intimè consequantur, in quid abeat cum corpusculum ipsius opprimitur, & sexcenta alia id genus? Hæc sunt, quæ ego scire volebam; tu verò nihil ingessim aliud, quàm esse ibi materiam & formam. Quid verò dices vel minus vel amplius quodcunque tandem quæsierim? Dices mihi esse in Sole materiam & formam, dices esse in aëre materiam & formam; dices esse in pluvia materiam & formam, dices esse in lapide, dices esse in arbore, dices esse in homine materiam & formam? ô bellam

Philosophiam! tantum ne ergo temporis desudandum est, ut naturas rerum cognoscamus, cum uno ecce verbo omnia habeamus perfectissima, edocti videlicet omnia habere materiam & formam? Et fortè quidem adicies reperiri in quolibet mixto quatuor, quæ vocas Elementa, at eadem infirmitas est. Nam in homine, in pisce, in herba, in metallo sunt quatuor Elementa: at quæ portio singulorum, quæ mixtio omnium, quæ temperies consequens, ac ne longum faciam, explica mihi, existentibus in pulvere quatuor Elementis, non quomodo sint, quomodo misceantur, quæ temperiem habeant, sed qua ratione exinde edoceri possim quæcumque dixi me quærere. Non si dies deficiat, ac te ruperis, quidquam ampliùs protuleris, quàm quod sint ibi quatuor Elementa, & certa quadam, ac nescio qua ratione contemperata, quodd idem & nihil, vel ampliùs, vel minùs possis respondere de quocunque te rogaverim. Porro & eadem urgeri posse adversus Democritum, Platonem & quoscunque alios manifestissimum est. Vnde & si quidd constet nihil adhuc verè sciri per Philosophiam universam ex Rebus Naturalibus.

Alterum est, quotquot hætenus fuere Viri sapientissimi habiti, eos fuisse ingenue professos hanc ipsam rerum ignorantiam. Quæso ex te apud nos quis sapientior unquam habitus est Salomone, cujus sapientia præcessit sapientiam omnium Orientalium, & Ægyptiorum, qui fuit sapientior cunctis hominibus, ac propterea nominatus in universis gentibus; quæ Scripturæ verba sunt, *Sana verò & quis magis unquam & acutius est philosophatus non modò circa mores, quod testantur quæ adhuc extant præclarissima ejus monumenta; verùm & circa naturas rerum? nam disputavit, inquit Scriptura, ibid. super lignis à Cedro, quæ est in Libano usque ad hisopum, quæ egreditur de pariete, & deseruit de jumentis & volucris & reptilibus & piscibus.* Quid putas porro tantus Princeps de tanta sua illa scientia & sapientia censuit? Putas simpliciter dixit cunctas res esse difficiles, nec posse eas hominem explicare sermone? Ecce enim cum detestatione, *Proposui, inquit, in animo meo quærere & investigare sapienter de omnibus quæ sunt sub Sole; hanc occupationem pessimam dedit Deus filiis hominum ut occuparentur in ea.* Rationem subdit postmodum his verbis, *intellexi quod omnium operum Dei nullam possit homo invenire rationem eorum, quæ sunt sub Sole, & quanto plus laboraverit ad quarendum tanto minùs inveniat,* *eti-*

etiam si dixerit sapiens se nosse ; non poterit reperire. An potest quidpiam dici luculentius ? verum & inter Ethnicos nonne suffragiis omnium, ipsiusque adeò (si Deo placet) Appollinis conspirantibus sapientissimus mortaliū habitus est Socrates? Quæso te autem quænam fuit ipsius hæc in parte sententia? Symbolum ejus celebratum est, *Hoc unum scio, quod nihil scio*, at si seriem eorum, quæ disseruit retexuerimus, quid manifestius quàm quod hoc unum perpetuò inculcaverit? ò quàm lepedissimè convellere solet Sophistarum arrogantiam, qui omnia se & optimè scire, & docere posse profitentur? Perlege vel unicum apud Platonem libellum v. c. qui *Hippias major*, seu *de pulcro* inscribitur, & non nisi ingenti suavitate deprehendes, qua solertia conficiat sciri non posse quid sit pulcritudo, quod idem etiam observabis pro ratione ac verietate argumentorū in aliis, ex quibus tamen probatum videbis, quod ille dixit in *Apollogia*, videlicet non alia ratione putare se sapientem fuisse ab oraculo pronuntiatur quàm quod cum cæteri habiti sapientes existimarent se multa scire, qui reverà tamen nihil scirent; ipse cum nihil quidem sciret, sese quoque nihil scire & agnosceret & profiteretur. Sed & de ipso Platone quid dicam, cum non alius, sed idem sit ipsius ac Socratis sensus? Omitto proinde quàm sæpe jactabundos Sophistas confodiat, quàmque sæpe testetur sufficere si probabiles aliquas inter disserendū rationes attulerit, quippe cum veritas sit Diis, Deorumque filiis concedenda, hominibus autem una satis esse verisimilitudo debeat. Perlege vel solum *Timæum* seu de *Vniverfo* Dialogum, & pervidebis, quanta cum modestia divinus hic Philosophus circa naturam philosophetur. Adjicio dumtaxat meritò Platonem haberi Parentem totius *Academix*: seu enim ejus Sectores habebant omnia incomprehensibilia, suumque assensum æquè continebant ab omnibus, existimantes videlicet nullam esse Propositionem ratione suffultam, cujus opposita non posset pari ratione suffulciri, quod *Arcefilai* fuit institutum: sive aliqua admittebant præ aliis verosimilia, adeò ut etiam assensum ad illa inclinari paterentur: cum certa tamen ac indubitata minimè concederent: quod *Carneadis* propositum fuit. Profectò hoc unum propositum ipsis fuit, *Nihil sciri*. De *Pyrrhone* ipso adeoque & de *Scepticis* nihil est quod hic adjiciamus, cum
in

in hac Exercitatione toti insistamus in ipsorum vestigiis, cumque constet apud omnes, qui Sectarum habuerint notitiam & Pyrrhonis, & Arcesilai unam esse Philosophiam. Adjicerem hic Epicurum admiratum conversationem, institutumque Pyrrhonis haud secus fuisse philosophatum, quod sanè alicubi Laertius testatur, & Plutarchus satis innuit ex ejus de opinionum omnium possibilitate sententia. Verùm & hoc est aliis locis retexendum uberius, & Epicurus non solet vulgò adscribi magnis illis viris, de quibus mentionem hoc loco facere instituimus. Substituam igitur aliùm à quo ille etiam & Philosophiam & nomen aliquando derivavit, videlicet Democritum. Hunc sanè doctissimum fuisse omnium antiquorum constare ex eo videtur, quod & omni-
 scius habitus sit & πένταβλος dictus seu victor quinque certaminum, cum scilicet Naturalia, Moralia, Mathematica, Liberalium Disciplinarum rationes, Artiumque omnem peritiam calluerit; quod item Plato hunc ferè solum ex Antiquioribus non carpsit, ac ne nominaverit quidem. *Sciens & prudens*, inquit Laertius, *ne videretur contra optimum Philosophorum certamen inisse.* Quod denique ut nihil dicam de tam variis ejus & preregrinationibus, & congressibus, nihil de ejus solitudine indefessoque labore in perscrutatione, experimentisque faciendis rerum Naturalium, nihil de tam variis, tamque variorum argumentorum conscriptis ab ipso Libris; quòd inquam Hippocrates magnus dubio procul vir tantum ex ipsius colloquiis profecerit, quantum ipsemet in suis testatur Epistolis. Quo loco dicendum non est quantum debuerit Medicus eximius mirari, cum de oblato ipsi lacte, responderit illud, & primipartus & nigræ capellæ, cumque ipsam Hippocratis filiam salutavit virginem, sequenti verò mulierem, quia videlicet nocte illa constuprata fuerat. Democritus ergo tantus vir, quale hic putas suffragium tulit? Ecce illud uno verbo, *Causa*, inquit, *nihil novimus, nam veritas in profundo est.* Quasi diceret fas non esse mortalibus rem adeò abstrusam ac est vera, intimaque rerum notitia ex puteo tam alto haurire: hùc spectat illud quod Aristoteles refert. *Cum Democritus*, inquit, *aut nihil esse verum; aut nobis ignotum.* Vides porrò & fusè apud Plutarchum quemadmodum doceat nihil esse tale naturæ suæ, potiusquàm tale;

rale; ut nihil calidum naturâ suâ potiusquàm frigidum, sed relativè dumtaxat ad quæ tale potiusquàm tale experiuntur, quod ipsum quoque nos antè declaravimus. Porro & quæ & de Hippocrate fecimus mentionem testatur Laertius illum in eadem fuisse sententia, argumento quod ambiguo, atque humano more loquatur. Citat verò quoque Heraclitum, qui de rebus maximis conjectandum, adstruendumque esse quidpiam temerè negaverit. Nota verò & hunc quoque esse; qui ex Aristotele dicebat non licere bis in eundem fluvium ingredi, parem in omnibus rebus fluxum & instabilitatem esse opinabatur. Citat quoque Empedoclem, qui cùm scripssisset quædam vix dici posse, alia neque auditu percipi, neque mente comprehendi, subiecit id solum probari quod quisque putaverit. Nota & hujus quoque esse id quod refert Aristoteles, habitu mutato providentiam mutari,

Ad præsens hominum crescit providentia semper

Et *Vt vario semper mutatur corpore quisque*

Sic sapere est illi mutato, ac mente moveri.

Citat etiam Zenophanem cujus illud sit celebratum,

Nemo aliquid certò novit, aut noverit unquam.

Cita Zenomen Eleatem; citat septem illos in Græcia habitos Sapientes; citat denique illud Archilochi.

Ea mens est hominibus Glaucæ Leptina fili,

Qualem Mortalibus in dies Iuppiter mittit.

Itemque illud Euripidis,

Sentire verò quidpiam quod hos ferunt

Homunciones? nam nescimus id quidem

An rectè agamus, an secus quod quis velit.

Cujus & illud

Quis novit autem an hoc vivere sit emori,

An emori hoc sit quod vocamus vivere?

Denique & ex Homero, quem omnes antiqui Philosophi, ut Sapientiæ Antistitem venerati sunt, omnia ejus carmina memoriz quoque committentes, postquam declaravit illum aliter loquutum, neque certo quicquam pronunciaſſe citat tandem illud,

Lingua

*Lingua volabilis est hominum; verbisque referta,
Et Verborum hinc atque hinc ingens est copia cuius,
Et Quale prior dixi, reddatur tale vicissim.*

Aquas nempe verborum vices, objectionesque significando, ut ille quoque interpretatur, Est autem etiam Homeri Aristotele referente, quod Hektor cum ex vulnere accepto semoris mente esset, dicitur aliud sapere, quod scilicet & insani sapiant, sed non eadem. Attexere illis possem ex ipso Aristotele præter Homerum & alios, Parmenidem, cujus est illud,

*Nunquid ut quisque suam retinet per membra reflexa
Temperiem, sic mente valet Mortalis ubique.*

Itemque Anaxagoram, qui censet hominibus talia esse entia, qualia ipsis apparuerint; rursus & Protagoram, qui res veras esse dicebat, qualescumque apparerent. Itemque Cratylum, qui ne loquendum quidem putabat de rebus, ut verum quid indicaretur, sed satius esse ostendere eas digito, quippe quod res de qua esset sermo, priusquam perfectus esset sermo, foret immutata; quod autem digito monstraretur, quidquid esse tale quale demonstraretur. Non ferebat porro iste Heraclitum circa illud de flumine, siquidem existimabat ne semel quidem posse aliquem idem flumen ingredi. Possem & ex aliis alios sanè plurimos ac præsertim istis posteriores, sed isti jam sufficiant, ut intelligamus si tot ac tanti viri, quorum scilicet eruditio tantopere commendata est, ad eò continentes fuerunt in asserenda scientia; si, inquam, nihil sciri posse ad eò constanter pronunciaverunt, inclamanda ne & cum risu explodenda est Propositio illa, *Nihil sciri*?

Supere est jam respondeamus iis, quæ magno etiam cum fastu solent obijci. Ac primò quidem non est quod multum hæreamus in solvendo illo argumento, quod isti pro Achille habent, jactantque tantopere in hunc ferè modum; *Vel scitis nullam dari scientiam, vel nescitis; si nescitis, qua temeritate id proponitis? sin autem scitis, ergo de hoc saltem datur scientia, quod sciatur nihil: quocirca & falsa est propositio illa, Nihil sciri, vel nullam dari scientiam. Scilicet perfacilis est ex prænotatis responsio, imprimis quippe ij non sumus, qui tollamus familiarem, vulgaremque loquendi morem, quo scire multa dicimur, ut in exemplis initio allatis.*

Quo-

Quocirca & dictum est retineri à nobis scientiam, quæ vel experientia vel apparentia appellari possit. Vnde juxta hoc paucis respondemus scire nos nihil sciri (puta Aristotelicè) ac proinde scientiam dari aliquam; at non tamen scire id nos Aristotelica scientia, atque adeò minimè sequi Aristotelicam esse, quam concedimus, quia scilicet examinantes omnia hujus scientiæ Aristotelicæ fundamenta experimur nulla esse solida; imò verò iis omnibus, quæ isti scire se putant ad sensuum examen, rationumque momenta deductis, apparet nullam propositionem, quæ de re quapiam secundum se statuat, posse tutò asseri, idcirco & dicimus posse hujusmodi scientiam revocari ad illud genus, quod retinendum censuimus, etsi præterea dici posset sui cujusdam esse generis. Dices vel ista scientia qua scimus nihil Aristotelicè sciri, est certa & evidens, ac proinde per necessariam causam & demonstrationem parva vel non: si prius, erit Aristotelea; si posterius, non scientia erit, sed potius opinio. Verum neque illa est prorsus certa, prorsumque evidens, ac Aristotelica illa causa, & demonstratione genita, sed non caret tamen sua certitudine, atque evidentia, ac proinde probabilitate, ut quæ nitatur conjecturis, rationibusque admodum apparentibus, & quæ Intellectum continere possint ne assentiatur illi Propositioni, quod detur scientia Aristotelica. Voca proinde opinionem aut quo alio nomine volueris, parùm omninò intererit, nam & nos id indifferenter vel opiniari dicimus, vel scire, cum & mos loquendi vulgaris id prober, & si probè attenderis, scientia & opinio possunt haberi synonyma; nam & certam scientiam, & certam opinionem licet dicere, itemque imbecillam scientiam, & imbecillam opinionem, adeò ut totum discrimen Scholasticum propemodum sit. Urgebis, at cum ecce tam multi sint, qui se profiteantur scire aliquid prorsus certò, evidenter, ac per causam necessariam; nonne temeritas est eum, qui sit destitutus eadem certitudine, evidentia, necessitate, sese illis opponere? At cur non sit potius in illo eximius quidam veritatis amor, qui ut falli ipse non vult, ita nollet alios amplecti pro veritate fallaciam? Et verum quidem est plurimos arripere incunctanter multa dogmata quasi evidenter nota, & accuratè demonstrata, ac proinde quæ ipsi se scire certissimè arbitrentur. Ille por-

rò, qui considerans, attentiusque examinans omnia, videret ipse ex præoccupatione quadam, veritatis speciem decipi, cur censetur temerarius, si ut ipsi illico assentiri renuat, ac illos etiam admoneat, ut diligentius singula expendant? Et sanè quàm sæpe contingit ut canatur eorum palinodia, quæ habita pridem fuerint indubitatissima? ac præsertim quoties quis admonitus non protervè examen respuit, ut vulgò dogmatici faciunt, sed salutari consilio, ut quod ex veritate sit facilem aurem accommodat; quanquam de hoc alibi fusiùs. Adjicio hic solum responsionem lepidam sanè ac verè Pyrrhoneam, quam & Laërtius indicat, & Empiricus usurpat, videlicet Propositionem qua nihil sciri pronuntiatur ejusmodi esse naturæ, ut evertendis illis, ipsa quoque se ipsam evertat, sublataque scientiam tollat, ad eum modum, inquirunt, quo medicamentum humores è corpore tollens, unà seipsum cum illis expellit.

In Pyrrh.
lib. 1. hy-
pot. c. 28.

VII. Objicitur verò præterea Pyrrhoneos esse nimium naturæ injuriosos, siquidem homines omnes naturâ scire desiderant, ut & experientia convincit. Cur igitur natura frustra non indidisset tale desiderium, si nihil sciri ab ipsis posset? Confirmant autem, quoniam dantur & cæteræ scientiæ, ut Intellectus, ac Demonstratio, & res ipsæ scibiles, putà omnia naturalia. Quare & in nullo defecit natura quo minus esset scientia. Confirmant rursus quia iniquum est irritos facere labores tot eximiorum Philosophorum, qui hætenus ipsi scientiæ navaverunt operam. Videtur scilicet natura Philosophos quasi delegisse, ut per ipsos scientia in Mundo constitueretur, in quo vigeret ignorantia, quæ est scientiæ opposita. Adjici hic potest ad hoc confirmandum, quod Aristoteles habet enumeratis eorum, quos suprà recensuimus opinionibus. At enim, inquit, quod inde emergit absurdissimum est. Si enim qui maximè possibile verum vident (i) autem sunt, qui hoc ipsum maximè & quærunt & amant ipsi tales opiniones habeant, ejusmodique adstruant de veritate sententiam, quo pacto non fuerint animo objecto (j), qui philosophari aggrediuntur; quærere quippè veritatem nihil esset aliud quàm volucres persequi. Denique etiam confirmari posset ex eo, quod absurdum sit Physicam, Metaphysicam, Jurisprudentiam, cæterasque Scien-

Init. Metaph.

Scientias vana esse nomina, & præsertim quidem ipsas Mathematicas disciplinas, per quas scire nos plurima, & certissimè & evidentissimè nemo nisi is sit furiosus pernegare potest, adèd luculentæ sunt, atque convincentes demonstrationes Mathematicæ; igitur paucis ad hæc respondere sic possumus. Primum non videri illos esse naturæ iniurios, qui ut naturæ nihil detrahunt, sic plusquam par est, non adjiciunt (par enim injuria videtur & dicere quod sis) ac qui proinde concedunt indidisse quidem naturam omnibus hominibus sciendi desiderium; at non tamen sciendi vel omni modo, vel omnia. Hinc quamdiu desiderant homines omnes scire plurima & per experientiam & quatenus illa apparent, verum est quod natura duce illa scire desiderant; at statim ac præterea volunt & naturas intimas, & causas necessarias scire, jam hoc scientiæ genus est quod Naturam Angelicam, vel etiam Divinam attingat, nec homunciones deceat; quocirca & hoc desiderium dici non potest esse à natura. Videlicet omnes homines pari modo desiderant immortalitatem; at quis censet hoc desiderium inditum esse à natura per quam potius statutum est omnibus hominibus semel mori? Quare ut quoniam quantumcunque velint homines nunquam mori, ex eo tamen quod nullus sit, qui assequatur immortalitatem, colligimus tale desiderium minimè esse naturale; sic colligere possumus quoniam nullus hominum est, qui minimæ rei naturam introspectâ habeat, desiderinm naturæ non esse quo perspectam habere peroptet. Deinde verò & illud dari consequenter potest esse causas scientiæ, at scientiæ tamè experimentalis & ut sic dicam apparentialis. Siquidè Intellectus noster scit, cognoscit-ve experiundo multa apparentia. Demonstratio verò fieri quoque potest multiplex, seu digito indicâdo, seu oratione erudiendo, aut alio modo simili. At neque scit tamen quidpiam Intellectus modo illo Aristoteleo, neque propterea datur demonstratio qualem depingit Aristoteles. Hinc & admitti quoque potest dari multas res scibiles; at non tamen quæ sciri valeant scientiâ illâ Aristoteleâ, sed experimentaliter solum vel secundum apparentiam. Quod si dicas posse Intellectum ex iis, quæ cadunt in experientiam, aut apparent sensibus, colligere alia multò interiora. Respondebo tamen non posse ulterius ratiocinando procedere

cedere quàm ad ea, quæ rursùm liceat experiri, vel quorum exhiberi possit quædam apparentia. Cæterum enim ad intimas usque rerum naturas penetrare, hoc est quod imus inficias. Illud de præstantissimorum Philosophorum laboribus pari ratione explicari potest, neque enim illi propterea censendi sunt irriti, quòd nobis scientiam Aristotelem hætenus nullam pepererint; siquidem aliam pepererunt & veriore & utiliore, purà experimentalem, rerumque apparentiam. Quocirca & maximæ gratiæ maximis Viris habendæ sunt, quòd quæ vel experiendo, vel audiendo, vel ratiocinando observarunt, tradere nobis quasi per manus, atque etiam cum methodo, ordine & dignati sunt. Quousque enim quæso jam tandem proveherentur, qui philosophantur, nisi tot Procerum Virorum eveherentur humeris. Quare & non negamus fuisse hos veluti delectos ad tollendam ignorantiam, siquidem & ea, quam diximus, scientia ignorantia opponitur; cum aliunde ignorantia, quam isti imaginantur, non magis hominem dedecet, quàm in manu centenorum digitorum absentia, quippe cum ut non debetur ipsi à natura tot digitorum præsentia, sic neque deberi videatur intimarum naturarum scientia. Vides proinde quàm immerita sit Aristotelis inestio; neque enim desperatio propterea inducitur iis, qui philosophari volunt, quòd videant magnos Philosophos profiteri nihil sciri posse, intelligo quod ad naturas rerum intimas attinet, siquidem cum hac in parte ignorantantes sese agnoscant; ac aliunde tamen agnoscuntur scientissimi, quòd earum rerum, quæ sciri possunt, nihil propè ipsos lateat, addo ut non immeritò dixerit quispiam esse illorum ignorantiam doctissimam, quasi videlicet non sit perfectionis cuiusdam vulgaris eò provehi, ut ignorantiam existimes. quod alii scientiam esse putant; agnoscatque bona fide te nescire quod reverà nescias.

Quod de variarum Scientiarum existentia adjicitur, minus negotium facere videtur, si cæteras spectaverimus, nam neque Physica tota declarare potest cujusmodi sit intus & secundum se minimæ rei natura ut prædiximus; neque Metaphysica quidpiam habet præter leves conjecturas, sepositis quæ per Fidem Orthodoxam certa sunt; neque Ethica uniusmodi est, sed pro varietate nationum & personarum varia, maximèque mutabilis; neque Iurisprudentia est aliud quàm complexio multarum legum, quæ nec apud

omnes

omnes, nec omnibus temporibus vigeant; neque Medicina quidpiam aliud continet quàm & observationem multorum effectuum, quos medicamenta varia sortita sunt, & applicationem eorumdem aut similium medicamentorum ad eliciendos eosdem effectus, aut similes, atque ita de cæteris, aded ut cùm per me liceat hæc scientias dicere, perspicuum tamen esse videatur non esse Scientias Aristoteles, ubi omnia ad amissum considerata fuerint. Ac difficultas major est de Mathematicis Disciplinis propter ea, quæ obiecta sunt. Verumtamen primò non desunt etiam ex Peripateticis, qui negent Mathematicas esse verè scientias, porrò quia Pererius & subtiliter & eleganter id probat, idcirco ipsa ejus verba non pigebit adscribere, Scire, inquit, est rem per causam cognoscere, propter quam res est, & scientia est demonstrationis effectus. Demonstratio autem (loquor de perfectissimo demonstrationis genere) consistere debet ex his, quæ sunt per se. & propria ejus quod demonstratur; quæ verò sunt per accidens & communia excluduntur à perfectis demonstrationibus. Sed Mathematicus neque considerat essentiam quantitatis, neque affectiones ejus tractat prout manant à tali essentia, neque declarat eas per proprias causas propter quas insunt quantitati, neque conficit demonstrationes suas ex predicatis propriis & per se, sed ex communibus & per accidens. Ergo Doctrina Mathematica non est propriè scientia. Major hujus syllogismi non eget probatione, etenim apertè elicitur ex his, quæ scripta sunt ab Aristotele primo posteriorum. Confirmatio Minoris ducitur ex his, quæ scribit Plato in septimo libro de Republica, dicens Mathematicos somnare circa quantitatem, & in tractandis suis demonstrationibus non scientificè sed ex quibusdam suppositionibus procedere; quemobrem non vult doctrinam eorum appellare intelligentiam, aut scientiam, sed tantum cogitationem. In quam sententiam multa scribit Proclus in primo libro suorum commentariorum in Euclidem. Verùm tamen si neque Platonem, neque Proclum, neque alios Philosophos, graves habemus Authores hujus sententia, tamen id per se manifestum fit cuivis, qui vel leviter attigerit eruditum illum Mathematicorum pulverem. Nam si quis secùm repræsentet, atque diligenter consideret demonstrationes Geometricas, quæ continentur libris Elementorum Euclidis, plane intelliget eas sic esse effectas ut anè diximus. Ac ut de multis unum aut alterum proferam exemplum; Geometer demonstrat, triangulum habet tres angulos aequales duobus rectis, propterea quòd angulus externus,

externus, qui efficitur ex latere illius trianguli producto, sit aequalis duobus angulis ejusdem trianguli sibi oppositis. Quis non videt hoc medium non esse causam illius passionis, qua demonstratur? Cum prius natura sit triangulum esse, & habere tres angulos aequales duobus rectis, quàm vel produci latus illius, vel ab eo latere fieri angulum aequalem duobus internis? praeerea tale medium habet se omnino per accidens ad illam passionem; nam sive latus producat & fiat angulus externus, sive non, imò tametsi fingamus productionem illius lateris, effectioremque anguli externi esse impossibilem, nihilominus tamen illa passio inesset triangulo; at quid aliud definitur esse accidens, quàm quod potest abesse & adesse rei prae rei corruptionem? Adhuc illas propositiones, Totum est majus sua parte; aequales esse lineas, quae ducuntur à centro ad circumferentiam; illud latus esse majus, quod opponitur majori angulo, & id genus alia, quae crebro usurpa: in demonstrando, in quam multis demonstrationibus eas pro medio adhibet, & inculcat Mathematicus? ut necesse sit ex his demonstrationibus, quae constant predicatis communibus, non gigni perfectam scientiam. Hæc ille. Quæ retuli fusiùs, tum quòd dicta sunt ab homine Peripatetico, tum quòd luculentius non licuisset ostendere Mathematicam disciplinam non esse talem scientiam, qualem depingit Aristoteles. Deinde adjicio nihil ampliùs facere Mathematicum dum aliquam tibi ignoratam propositionem demonstrat, quàm faciat qui vel inscribendo, vel referendo pyxidem declarat tibi quid in illa sit. Ut hic enim solùm ostendit quòd occlusa ibi sit verbi causâ theriacæ absque eo, quod ejus vel inscriptio, vel referatio faciat ibi theriacam esse; ita Mathematicus solùm tibi aperit quòd hæc figura ejusmodi sit, absque eo quòd ejus demonstratio talem esse faciat. Dicatur tibi (ut retineamus exemplum propositum) tres angulos Trianguli esse pares duobus rectis; non pervides rem ita se habere; scilicet neque pervidebas theriacam esse in pyxide quantum-vis id tibi diceretur. At pervides cum sunt facti pares ipsis anguli, qui evidentur duobus rectis æquivalent. Nimirum & sic pervides theriacam esse in pyxide postquam vel inscriptio est visa, vel amotum operculum; ac fateor quidem utroque scientiam gigni aliquam rei, putà non antiè perspectæ: attamen verò hæc scientia non alia est, quàm rei apparentis cadentisque in experientiam; exinde enim solùm edocemur cujusmodi nobis

res

res experiendo appareat. Non apparebat videlicet tibi æqualitas illa trium angulorum cum duobus rectis, quoniam acies oculorum tuorum non metiebatur satis exacte quantitatem, quæ inesset singulis; at postquam oculos iuvat aliorum angulorum inspectio tum res clarè apparuit. Quid igitur totum hoc est, nisi unius, ejusdemque rei apparentia consideratio? certè ut erat solummòdum, quòd ignorans theriacam esse, non referares pyxidem; ita mera solum erat oculorum caligatio, quòd antea in Triangulo non pervideres, quod post pervides; quare nihil aliud facit Mathematicus, quàm monere te ut attentius inspicias, quod prima fronte non advertebas. Vnde & demonstratio, quam tibi proponit, seu medium, quòd utitur, non est causa cur ita res sit (quod ex allata Pererij argumentatione patet) sed tibi solum perspectum facit quod res ita sit. At hoc non jam scientia est Aristotelea, sed ea, quam nos retinendam censuimus. Concludo ergo, quæcumque est certitudo & evidentia in disciplinis Mathematicis eam pertinere ad apparentiam; nullo autem modo ad causas germanas vel naturas etiam rerum intimas. Hoc autem adjicio quòd certior quidem fieri per Mathematicam potero, Terram verbi causà esse sphericam; hoc enim per Eclipses Lunæ, altitudinesque Poli variatas apparere potest; at quare Terra sit spherica, quæ sit ejus germana natura; sit-ne Animata, an-non; & si Animam habeat, cujusmodi illa sit; quas functiones obeat, aut sortiatur proprietates; quorsum quiescat iners in centro; vel si moveatur, quæ vis illam agat? Quæ eadem quærenda erunt de Sole, & cæteris Astris; parique ratione de sono, in quo occupatur Musica; de radio visuali circa quod Optica, sicque de cæteris. Reverà enim statim atque prætergredieris ea, quæ apparent, caduntque in sensum & experientiam, ut interiora quærites, & disciplina Mathematica, & alia omnis penitus caligat. Neque dicas hoc esse posse verum de Mathematicis mixtis; at non item de Geometria, Arithmeticaque, quòd istæ tradant intimam naturam, germanasque proprietates & figurarum & numerorum, siquidem figuræ & numeri si abstractè considerentur, ut nusquam sunt, ita nihil sunt. Quocirca ut alicubi & aliquid sint, considerandæ sunt propriè in rebus, qua afficiunt; at verò si hoc ita sit, difficultas

re-

verò Pyrrhonii cum nihil ducant calidum potiusquam frigidum, bonum, quam malum; necessarium quàm superfluum, ac omnia proinde habeant indifferentia necesse est, si quidem sibi constare velint, ut fugientes non accedant potius ad ignem, quàm ad nivem, sicque de similibus; aliàs enim faterentur quidpiam esse magis unum, quàm aliud. Hinc nescio an admirabilius, an cachinnis omnibus dignius sit, quod memorant de illa Pyrrhonii seu simplicitate seu stoliditate, qui ut vitam instituto duceret consentaneam, *Nihil declinans, inquit Laetius, nihilque devitans sublinebat omnia; currus si forte occurrissent, & praeputia, & canes, & talia, nihil omnino sensibus permittens; servabatur autem ut Carystius Antigonus refert à sequentibus se necessariis.* Adhæc verò cum ex ipsis quidam revera sic sentiant, alii autem animo solum contradicendi ista sustineant; non videtur esse eadem ratio juxta Aristotelem disputandi cum utrisque. *Illi enim, inquit, persuasionem, isti verò vi indigent.* Quasi diceret, si negaverint aliqui esse ignem verè calidum, cogendos esse ut id experiantur. Quod autem animo solo disputandi id plurimi faciant, argumento esse docet Aristoteles actiones ipsorum repugnantes persuasioni, quam illi habere se fingunt. Neque enim ut loquuntur, ita & vivendo habent omnia indifferentia. Respondeo tamen nullum institutum communi vitæ minùs repugnare quàm ipsorum Pyrrhoneorum; quippe ut jam sæpe repetitum est, apparentias rerum non tollunt in quibus sive prosequendis, sive fugiendis vita consistit. Sed ut primum aliquid de loquendi ratione dicamus, perspicuum est ipsos retinere voces, quas usus probavit, & maxime cum ipsæ tribuantur rebus apparentibus. Nix verbi causâ, dicitur alba, quia talis apparet, ignis dicitur calidus, quia talis apparet, atque ita de cæteris, igitur & istas voces retinebit Pyrrhonius? Velles tu quidem diceret nivem esse naturâ albam, ignem naturâ calidum; at ipse quia non proficitur se cognoscere quænam sit nivis, vel ignis natura, pronuntiare id non vult, satisesse arbitratus si profiteatur quod sibi apparet. Ecquid verò amplius necessarium est in communi colloquio? Dicis tu vinum esse dulce, dicit quoque ille vinum esse dulce, uterque ergo idem dicitis; cum verò tu subintelligis dul-

ce esse secundum naturam, ille secundum apparentiam, in hoc quidem discrimen est, at non tamen in modo loquendi. Porro constare omnino videtur non falli ipsum in eo quod de apparentia pronunciat, an verò tu verum censeas, dubium faciunt ea, quæ superius deduximus, uter igitur præferendus? At inquis, statuit dogmata. Verum seclulis apparentiis nihil est omnino quod statuat. Non potest quidem sæpe non uti affirmantibus & negantibus vocibus, alioquin enim quomodo loqueretur? at satis est quod planum faciat se per illas voces nihil statuere, & cum per ipsas aliquid tollit, etiam ipsasmet tollere uti antea insinuavimus. Sed referre ex Laërtio præstat integram Pyrrhoneorum Responsionem, postquam enim exposuit obijcere Dogmaticos, quod & illi dogmata adstruant, quippe qui cum se nihil definire dicant, omnique orationi contrariam objectam esse orationem, ea ipsa & definiant & proferant, subjicit adversum quos illi respondent; *Atqui ea, quæ patimur, ut homines fatemur, nam & quod dies sit, quid sit generatio, quodque vivamus, & cætera in hunc modum, quæ in vita nostra manifesta sunt, scimus. Cæterum in iis, quæ dogmatici asserunt ea se ratione comprehendere dicentes, veluti de incertis, neutiquam consentimus: solas verò passionibus agnoscimus; nam & nos videre confitemur, nosque intelligere scimus; verum quo pacto videamus, ut intelligamus ignoramus. Quin quod hoc albius videatur narrando dicimus, non asserendo an revera ita sit. Porro de ea voce, quæ nihil nos definire dicimus, atque similibus dogmata esse non dicimus, neque enim similia sunt iis, quæ illi asserunt, puta quod globosus sphaera instar sit Mundus, nam id quidem incertum est, hæc verò certa consensiones sunt, in eo itaque quod nihil definire dicimus, neque hoc ipsum definimus. Sic illi ex Laërtio.*

Circa id verò quod sequitur, en quid ab eodem referatur, Rursus, inquit, illos dogmatici vitam tollere asserunt, dum omnia ex quibus vita constat, evertunt; at contra eos illi mentiiri asseverant. Non enim visum se auferre, sed quomodo se habeat vis videndi, ignorare se dicunt. Atque quod apparet ponimus, non quod tale cernitur sit. Nam quod uris ignis sentimus; verum an habeat incendendi naturam non pronunciamus; quodque moveatur quispiam,

quispiam, & quod pereat videmus; verum ista quo pacto fiant ignoramus. Eis igitur solum reluctamur, qua in conspicuis rebus proximè assistunt incerta.

* * * * *

Si quaras, Benevole Lector, cur hac Exercitatio ad umbilicum perducta non fuerit, cur-ve Libri quinque ceteri, quorum Praefatio Lib. 1. spem facit, non sequantur. Scito commonefactum ab Amicis Auctorem, stomachari non parum Peripateticos propter prioris Libri editionem, idemque fere argumentum à Francisco Patricio in Peripateticis suis Disquisitionibus (quarum tunc primum copia ipsi facta) prius pertractatum; hunc secundum Librum ulterius persequi, & absolvere noluisse, ipsumque, (ne delibatis quidem aliis) in Musaeoli sui recessum cum blattis, ac tincis pugnantem, ab anno M.DC. xxxiv. qualem jam habes, abjecisse atque neglexisse.

F I N I S.



LEGATORIA
A. DEL BOSCO

☼ - 2 GEN '957 ☼

ROMA-VIA RODI 19
TEL. 351740

